

**VITA SANCTI
ANICETI PAPAE, ET
MARTYRIS. CUM
REBUS
MEMORABILIBUS, ...**

Giovanni Angelo Altemps, Josè
Maria Fonseca de Evora, ...





A Va 43



V I T A
S A N C T I A N I C E T I

P A P A E , E T M A R T Y R I S .

Cum rebus memorabilibus, quæ cō
Pontifice in Ecclesia sedente
acciderunt.

A I O A N N E A N G E L O
D V C E A B A L T A E M P S

C O L L E C T A ,



ROMAE. Ex Typographia Jacobi Mafcardi, MDCXVII;

SUPERIORVM PERMISSV.

JOLLANDR.FIGO.

V. I. T. A.

ST. ANGELO

ST. ANGELO

ST. ANGELO

ST. ANGELO

ST. ANGELO

ST. ANGELO

ST. ANGELO

ST. ANGELO

ST. ANGELO

ST. ANGELO

ST. ANGELO

Imprimatur, si videbitur Reuerendis. P. M. Sac. Pal. Apost.
Cesar Fidelis Viref.

NOS infra scripti, ex Sacri Apostolici Palatii Magist. D. F. Hyacinthi Petronij, commissione perlegimus eruditissimum librum, Vitamq. *B. Aniceti Papa, & martyris*, collectam ab Excellentissimo D. Ioanne Angelo Duce Ab Alcaemps, nihilq. in eo reperimus, quod aduersetur sanctæ Fidei, aut optimis moribus imo valde peruitiles est, ad illustrandam gloriam Beatissimi Pontificis Aniceti. Ideo dignum censemus, vt medijs typis in lucem mandetur. In quorum fidem, nos subscripsimus. Romæ die 13. Decembris 1617.

Ego Fr. Nicolaus Tinnalus Magister.

Ego D. Io. Franciscus Palombus Cler. Reg. S. Theol. Professor.

Imprimatur, Fr. Gregorius Donatus Romanus Magister, & Reuerendissimi P. F. Hyacinthi Petronij Romani Sacri Pal. Apost. Magistri Socius, Ord. Præd.



EFFIGIES S. ANICETI PP. MART.



GLORIOSO PONTIFICI

ANICETO.



VM innumeras easq.
eximias coronas retu-
leris, vere maxime,
vere optime Patriar-
cha Anicete, tum san-
ctissimæ vitæ, tum
Christiani nominis constantissimæ
professionis, tum Ecclesiasticæ curæ
tuæ fidei, & pietati commissæ, tur-
bulentissimis temporibus, tum cæru-
lei prædicationis præmij, tum in-
nocentissimi sanguinis profusionis.
Quam ergo tibi nectet coronam tuo
addictus nomini famulus? cum ab
omnipotenti manu innumeris, nulli-
que

que obnoxijis mortalitati donatus fueris ? nisi laudationis præconia , quæ diuinis commoti oraculis offerimus , vt laudabilis sit Deus in sanctis suis ; quoniam verò idipsum ad me in primis spectat , licet huic oneri sim longè impar , elaborauī pro virili ea seligere , quæ temporum inuidia , vetustas , nascentique inimica sponsæ de tuis abraderē gestis omnino non valuit ; & hoc libello conclusi , qui tanquam riuus à Baroniano fonte magna ex parte promanauit , nil tamen prætermisi , quod alienis monumentis insertum repererim , de te , tuisque loquentibus , vt bonus , & æquus lector habeat , ex quo lauream gloriæ tibi possit adtexere .

CAPVT PRIMVM.



SYRIA à Syro dicta cum Musfor-
 matus Aegypto imperabat Argo
 Crassus, Quintus Rex Vrthopo-
 lis duodecimus Sycioniae Lybiae,
 Athlas cæli syderumque cognitio-
 ne clarus, latissimis olim inclusa
 finibus, multarum dotium clari-
 tate nobilis, & etiamnum celebris

*Descri-
 ptio pro-
 uinciae in
 qua or-
 tum ha-
 buit san-
 ctus A-
 nictus.*

inter Euphratem iacet, quam ab ortu mare circumfundit,
 alluit ab occasu Arabia felix, & Aegyptus quam à meridie
 spectant, & Ciliciz à media nocte. Regio est omnium re-
 rum feracissima ad necessarios vsus, vt hominum vita ad
 senectutem valida, & viridis perduret, delicijs referta, ad
 voluptatem, aeris temperies mira est: demum ipsa natura
 non solum loco opportuno, cæli salubritate, vbertate vi-
 ctus, verum etiam hominum præstantia, qui bellicis arti-
 bus litterarum peritia, & corporis sanitate, ac viribus flo-
 rent, ornauit.

Syriam scriptores in quinque Prouincias pluribus distin-
 cta nominibus diuidunt; Comagenem, Seleuciam, Cau-
 syriam, Phœniciam, & Palaestinam: Comagene exigua est
 valida tamen Ciuitate, quam Samoxantam dixere muni-
 ra, & nobilitata fuit.

*Syria di-
 uiditur
 in quin-
 que Pro-
 uincias.*

Maior, meliorque censetur Seleucia, cui etiam Tetra-
 polis appellationem tribuere, quatuor ciuitates præcipuæ,
 quibus pax & quies, quæ inter eas vigeat sororum nomen
 fecit: fuerunt autem Antiochia, Seleucia, Apamea, Lao-
 dicæa, quas erexit & extruxit Seleucus Nicanor, Alexan-
 dri Macedoni dux, qui in diuisione Imperij, partem Orien-
 tis obtinuit. Prima nomen ab illius parente sortita est.
 Secunda ab eo cognominata. Tertia ab vxore. Quarta
 ab eiusdem matre.

Antiochia ad flumen Orontem totius Regni caput fuit.

*Antio-
 chia.*

*Clun. A.
lexendib.
A. Beda
208. c. 1. 1.*

tum quia hic Imperij sedes erat, tum quia numero incolarum, vi, splendore diuitijs, opibusque pollebat; Moenium quoque firmitate, turribus conspicua à Seleuco dicatam. Apollini perhibet Clemens Alexandrinus inter sacros scriptores luculentissimus; causam huic rei dedit annulus, quem de more gerebat, vbi incisa anchora, qua fuit ab Apolline donatus (vt est in fabulis) vel anchora nautica, quam exculpebat Seleucus, vt sic piscans aliquis meminerit Apostoli, & puerorum, qui ex aqua extrahuntur. Sunt qui putant à quodam Abrahami seruo conditam fuisse Antiochiam, quo tempore Damascus constructa est, quam ante Rebletem dixere, quod affirmare non ausim, nec enim mihi sit vero simile, cum à se suisque nominauerit Vrbes, quas idem posuit Patris pietati, ac memoriæ huiuscemodi appellationem denegasse: præsertim verò cum ante Seleucum nulla huius vrbis extet memoria, ita vt ne quidem arbitrari possim fuisse ab eo restauratam, ac in ampliorem formam restitutam.

*Athen.
lib. 1.*

*Luc. E.
NANG.*

Exod.

Igitur Antiochiam ornat lib. 1. Athenæus: semper floruit, non modo virtute veterum ducum, sed quia prima Christiani nominis laudem meruit, quam testatur Lucas Euang. eiusdem Antiochiæ gentile lumen, & decus: hic Apostolorum Princeps primum suam posuit Cathedram, tenuitq. annos septem, hinc originem duxit Ignatius martyr eiusdem Ecclesiæ Patriarcha, vir constantia admirabilis, hinc Ioannes aurea eloquentia Chrysostomus. Omitto Exodium S. Petri alumnum, atque discipulum, Eratem, Cornelium, Theophilum, Meletium, aliosq. doctrina, pietate, & religione insignes: prætereo Anaxagoram Syritam summum eiusdem ciuitatis Patriarcham, qui tanquam gemmam annulo sanctitati, doctrinarum gloriam adiunxit; & tandem diuino amoris sanguinem alacriter profudit; nec verò mediocrem gloriam illi attulit Eustachij Episcopi sanctitas, & Libanij Sophistæ eloquentia: hic enim incredibili dicendi elegantia Imperatorum, Rhetorum, aliorumq. hominum sibi beneuolentiam adiunxit multum, subtilitate dicen-

lari Messiam, saccaroq. abundare: ex Libani radicibus manat fluuius Iordanes. sanctissimo Christi corpore celebrat ibidem, visitur lacus Gennesaréth, qui aromaticum iuncum, balsamum, & cannam ferre dicitur, Hunc lacum Euangelistæ celebrant, ad cuius ripas Saluator noster multum suæ ætatis degit. Eminent in hac Prouincia Damascus,

*Nicolaus
Damasc.*

pluribus ex causis inclita; eam Nicolaus Damascenus Augusti familiaris illustrauit, maiori tamen eandem ornauit Ioannes Damascenus sanctitate clarus, quibus adde Mesuem medica facultate insignem. Eminent etiam Ciuitas Humasia, quæ diuini Aniceti Pontificis, & martyris natalibus, nobilitatur, quam nulli dictarum Prouinciæ posthabeas. Ibi Tripolis est cui appellationem hanc tres ciuitates tribuerunt Airus, Phedon, Aradus, aut quoniam hæ

*Humasia
diui Aniceti
patria.*

Ciuitates inuicem stadio distant, quod Diodoro Siculo probatur. Tyrus præualida insula fuit, hanc tamen magnus Alexander aggere continenti coniunxit, duabus ornata portis, Tyria purpurea ferè nulli scriptorum intacta est, cuius inuentum refert Iulius Pollux; genuit Antipatrum Vatem Apollonio, Maximum Tyrium Academicorum sectatorem, & Adrianum disertissimum oratorem. Tyrum,

Diod. Sicul.

Iul. Poll.

& Acem interiacet litus, cuius ex arena vitium fieri constat, quod ibi non liquefcit, sed transuectum. Sidonem artificij patiens fuit. Res memoratur admiratione digna, quæ ibi iacet, dum Triphon Apamensis, qui regnum Syriæ occupauit, armis Serapidonis ducis Demetrii circa Ptolemaidem diuexabatur; Serapion victus sese recipiebat in terram cum militibus, & victor Triphon per litus maris cursabat, cum fluctu sese eleuans supra terram se diffudit, omnesq. infelicitè oppressit. Sidon par Tyro hominum genere floruit, vel Philosophiam, vel Mathematicam, vel Arithmetica, spectes. Hæc Boetium Diodatum eiusq. fratrem Peripateticum vitæ dedit. Ex Phœnicia ortum habuit Thales Milesius vnus ex septem Græciæ sapientibus, imò inter eos primus. Illud gloriæ, & sapientiæ nomen adeptus est. Primus Vrsæ minori nomen dedit, (vt sentit Callimacus,)

Callim.

cus,) idem de Astrologia sermonem instituit, Eclypsim Solis intellexit, temporumq. mutationes prædixit, & animæ immortalitatem affirmavit, Deumq. verè esse, non tamen genitum, & corda hominum scrutari, nec principio, nec fine illùm definiri.

Pauca de Palæstina libabo, quam æterni Verbi Maiestas decoravit; nunc tamen ferè vniuersa Syria nomen commutavit, cum totius partium Orientis esset præclarissima, prædicationibus, & excursionibus exercituum exposita fuerit; hæc innumeros Reges, Pontificesq. eduxit, inter quos Euaristus floruit, Traiano Imperante; Anicetus sub Aurelio, & Lucio Vero, Theodorus, sub Flauijs Constantino, Eraclione, & Constante; Ioannes Quintus, Seruius sub Flauio Constantino Secundo; Leontius, & Tyberius Alisimaros, Sisinius sub Iustiano Secundo; Constantinus, sub Iustino Iunior, & Philippus Barbosana; Gregorius Tertius, sub Leone Tertio, Isaurico.

CAP. II.



EGNUM Syriæ Cælesyriæ Pro-
uinciæ ex Ciuitate Humasiæ, ex
Vico Varo (ita ait Anastasius Bi-
bliothecarius) & Damaso placet,
& commune est; tamen Platina de
Vico Murco, Martinus Polonus sup-
putatione, de Vico Murrha, Frater
Martinus Ordinis Prædicatorum,

Tempus
ante Pon-
tificatum
*Anast. bi-
blioth. in
Anic.
Damasce,
in vita
Anic.
Martin.
Polonus
suppl.
Martin.
ad Præd.
Damasce.
in 5. in
Anic.
Aliud ex
bibl Vat.
ibid.
Anonim.
bibl. Al-*

Papæ Pœnitentiarius de Vico Murrhæ, ex Damasi manu-
scripto Bibliothecæ Vaticanæ de Vico Vmiffa, aliud text. ex
Damaso Bibliothecæ Vaticanæ de Vico Vmiffia, Anonimus
manuscript. antiquissimus Bibliothecæ Altempfianæ, ex
Vico Myrrho: sed nos cum Anastasij sententia, ex Ioanne
natum omnes consentiunt, Platina, Petrus de natalibus in
vitis sanctorum, Anonimus, & alij. Quid egisset ante Pon-

*sempfana
in Anic.
Petr. de
natal. in
vit. Anic.
& alijs.
Anonim.
in bibliot.
Altempf.
in vita
Anic.*

*Francisc.
Ioan. lib.
de Pontif.
Rom. ex
vet. car-
min.*

*Baron.
tom. 1.*

*Vincen-
tius*

tificatum, in temporibus tam remotis, & antiquis, tum pro persecutione Ecclesiæ tum pro negligentia scriptorum, non reperimus inter scriptores gesta tanti viri, de quo dubitare non debemus quin fuerit insignis & celebris vitæ probitate, morum castigatione; de quo quidem testantur nobis prædecessorum suorum sanctitates, & successores, quibus valde Ecclesia indigebat, in adeo angustis & difficillimis temporibus, quia tunc nascebatur Ecclesia, vt ait Franciscus Ioan. in lib. de Pontif. Roman. ex veteribus carminibus desumpta; Vir moribus & sanctitate insignis ad Ecclesiæ regimen accessit Anicetus; & quomodo probarentur primitiua in Ecclesia homines, fidem faciunt Apostoli, virum plenum fide, & Spiritu sancto, vt ait Baron. tom. 1. At quod ad huiusmodi conuentum Apostolicum perrinet, satis superq. exploratum habetur, Apostolorum exemplo laudatissimum antiquum illum vsum in Ecclesia Catholica inuolabilem permanuisse, vt cum quid ad fidem, vel ad bonos mores, & disciplinam Ecclesiasticam pertinens consultandum esset, in vnum patres coirent, sicq. simul collectis, singulorum sententia rogaretur, ac denique quid ab omnibus seruandum esset, sanctè ac legitimè communibus suffragijs firmaretur: verum si quis eius rei ipsum exordium repetat, inueniet non tam ab Apostolis, quam ab ipso Christo duxisse principium, atque sumpsisse authoritatem, quando scilicet de summa rerum Christus agens, suos rogauit: quem dicerent homines esse Filium hominis? sic igitur tam Domini exemplo, quam etiam Apostolorum frequentiori vsum, eiusmodi cogendi conuentus, quibus, quæ essent agenda tractarentur, mansit stabilita, atque firmata consuetudo in Ecclesia, quæ eiusmodi conuentus vsitatiore vocabulo consuevit nominare Concilia, de quibus hæc scitè Vincentius Lyrinensis: ipsa Catholica Christi Ecclesia sedula & cauta dispositorum dogmatum custos, nihil minuit, nihil addit, non amputat necessaria, non apponit superflua, non omittit sua, non vsurpat aliena, sed omni industria hoc vnum studet, vt vetera fideliter, sapienterq. tractando, si quæ

quæ sunt illa antiquitus informata, & inchoata, ac curet & poliat, si quæ iam expressa & enucleata, consolidet, & firmet, si quæ iam confirmata & definita, custodiat. Marianus Scotus, qui quindecim annis in sacerdotio exactis, Aniceto post se sedem Pontificatus tradit; hic ait de obitu Pij, & de successione Aniceti: Post Pium tandem successit Anicetus. Anselmus de gestis Pontificum antiquiss. ma. script. ex bibliotheca nostra, Higinius, Anicetus, Pius, Nicolai Maniacutij Canonici Lateranensis carminibus, de Romanis Pontificibus.

Nic. Maniac. in carm. de Rom Pontif.

*Si vis Pontifices Romanæ noscere sedis,
Carminibus nostris perlectis scire valebis.
Primo Papatus Petrus est in sede locatus;
Qui confederunt Linus Cletusque fuerunt
His Clemens vinculus simili fuit ordine functus.
Hinc nutat mundus, sit quartus, sit ne secundus.
Hinc Anaæletus præsedet, hinc Euaristus.
Hinc Alexandro succedit in ordine Sixtus
Hos iuxta postens Thelesphorus est & Hyginus,
Additus Anicetus, seu præsul ordine Pius;
Sother & Eleuther, quibus est victor quoque mixtus.*

Platina in Anicetum: variantur hoc loco tempora, cum alij Pium, alij Anicetum proponant; variantur & historiæ utcumque sit in tam remota historia, tantaq. maiorum negligentia; satius erit res ipsas paulo ante vel post gestas aliqua ex parte attingere, quam eas animo prætermittere; Eusebij Cronica: Anicetus decimus Romanæ Ecclesiæ Episcopatum tenet, qui numero decimus inuenimus esse Higinius, quia hoc modo Higinius postponitur Aniceto, Irænei cap. 3. Higinius post Pium, post quem Anicetus: cum autem successit Aniceto Sother, decimosecundo loco Episcopatum ab Apostolis habet Eleutherius, ideo anteponitur Higinius Pio, & postea Anicetus, & Sother post Anicetum, qui decimosecundo loco Episcopatum ab Apostolis habet; ego non intelligo quid sibi velit Irenæus eo loco citato, quia Sother decimustertius est, & Eleutherius decimusquartus.

Euseb. Cron.

Iræn. c. 3.

Con-

Controuersia est, an Pius antepōnatur Aniceto, an vndecimus sit, & Anicetus postponitur Pio, & an vero duodecimus sit: nos tamen recipientes Baronij sententiam, dicimus ab obitu Pij decimaquarta creatur Papa Anicetus 27. die Iunij anno salutis 167. & ait Tertull.

Atque Pio suscepit Anicetus ordine sortem:

Ideo Anicetus in Pontificatu subrogatur, qui cum Pio antepōnendum esse senserunt, Egypti & Irænei testimonio efficacissimo refutantur.

Anno Iesu Christi 167. Marci Aurelij, & Lucij Veri Imperatorum annus quintus, Anicetus Pio substituitur 25. die Iunij, vt diximus, 14. nempe die ab obitu Pij creatur Papa Anicetus.

Creatio
in Ponti-
ficem S.
Aniceti.

C A P. I I I.



NNO primo eius Pontificatus, nacta occasio vergentis persecutionis, famosissimi quidam Hæretici se intruserunt in Urbem, vt si quomodo possent nobilissimæ Apostolicæ Ecclesiæ sinceritatem labefacerent. Fuit inter alios, qui id præsumperunt procax fœmina Marcellina,

nomine, sectatrix nefandissimæ sectæ Gnosticorum. Hæc

*Iran. lib.
1. cap. 24.*

*Epiphani.
heres. 27.*

enim, inquit Iræneus, Marcellina, quæ Romam sub Aniceto venit, cum esset huius doctrinæ, multos exterminauit; eadem de ea Epiphanius: cæterum illud planè videtur fuisse consilium prauis Dæmonis, inferendi in Urbem Gnosticos Hæreticos, vt non tantum si posset, impijs dogmatibus fideles seduceret, sed & suis ipsorum turpissimis ac nefandissimis actionibus, qui titulo Christianitatis patraret, cæteris fidelibus illic agentibus, ac purè sanctæque viuentibus, summæ infamiæ notas inureret; in Catholicos enim omnia in ipsis commissa scelera redundabant: nam cum Gnostici pro
arbi-

arbitrio colere idola, & cuncta facere, quæ Ethnici vellent parati essent, ac proinde inter eos a quæ ut ipsis gentiles haberentur ijs, qui firmiter ac constanter, se Christianos esse profiterentur, omnia illa turpia, ac pudenda de promiscuo concubitu, & sævis Thyestæis, quæ Gnostici perpetrarent crimini, vertebantur; ac propterea ea sic de illis sparsa calumnia, omnium in se ciuium animas iisdem concitabant. Contulit se quoque in Urbem eiusdem Aniceti Papæ tempore, ille homo scelestissimus Hæresiarcha Marcion Ponticus: Iræn. sed Tertull. in cap. aduersus Marcion sic habens.

Iræn. lib.
3. cap. 4.

Sub quo Marcion hic veniens noua Pontica peffis

Dudum secretum facinus suo corde reclusum

Passim vulgo loquens, latebrosa perfidus arte;

Sed postquam capis mortis proferre sagittas

Abiectus merito tam sæui criminis auctor,

A sanctis reprobis patuit mirabile monstrum

Et Tertull. licet Epiphani. velit eum Romam venisse post mortem Higinij, nempe sub Pio, quando, ut ait, petens, ut in Ecclesiam reciperetur, repulsam passus est: Valentinum quoque Hæresiarcham, qui se Romam contulerat, sub Higinio mansisse ibi vsque ad Anicetum. Iræn. venerat (ut vidimus) sub eodem Higinio Romam Cerdon, nouarum hæresum; Iræneus auctor: Porro tantum abest, ut Romana Ecclesia eorum sordibus fuerit inquinata, ut Iræn. qui eisdem temporibus vixit, ad hos omnes errores redarguendos Romanæ Ecclesiæ in medium adducat fidei, quam ab Apostolis acceperant, integram puritatem, ac solidam firmitatem.

Tertull.
lib. 3. in
Epiphani;
aduersus
Hæresis
42.

In lib. 9.
cap. 4.
Ir. lib. 6.
22.

Cæterum tam Valentinus, quam Marcion Romæ cum essent (quod fecerat ut vidimus itidem Cerdon) fidem Catholicam simulantes, in Ecclesiam sunt recepti; sed de tecti tandem & reiecti, ac rursus ad pœnitentiam admissi, demum sub Eleutherio ab Ecclesia penitus sunt proscripti. Hæc quidem Tertullianus, qui & ipse his temporibus vixit, narrat verbis huiuscemodi, de Marcione, ac Valentino verba faciens: constat illos, neque adeo olim fuisse, Antonini

Tertull.
de preser.
cap. 30.

ferè

ferè principatu , & in Catholicam primo doctrinam credidisse apud Ecclesiam Romanensem , donec sub Episcopatu Eleutheri benedicti, ob inquietam semper eorum curiositatem, qua fratres quoque vitiabant , semel & iterum eiekti, Marcion quidem cum ducentis sextertijs suis , quæ Ecclesiæ intulerat , nouissime in perpetuum dissidium relegati , venena doctrinarum suarum disseminarunt : postmodum Marcion pœnitentiam confessus est, conditioni datæ sibi occurrit , ita pacem recepturus , sic cæteros quoque , quos perditioni erudisset , Ecclesiæ restitueret , morte præuentus est . Hæc Tertullianus : ex quibus videas Hæresiarchas licet impudentissimos , Ponto alterum , alterum ex Aegypto se in Urbem conferre , illiusque Ecclesiæ communicationem quærere ; & si non possent aliter, dolo tamen suffurari, eamque adeo affectare , vt simul licet expulsi iterum recitantes Palinodiam , eidem se insinuare studerent ; quippe qui scient , communicantes cum Romana Ecclesia ab omnibus Christiani Orbis Ecclesijs recipi : ab illa vero reiectus ab omnibus æque respui videas ; & qua arte Marcion eius communionem consequi conatus sit , quippe qui vt se ex animo illi coniungi , ac penitus inhærere significaret, suam quoque non leuem pecuniæ summam in eam contulit, nempe ducenta sestertia , quæ pendent quinque aureorum millia, Ecclesiæ donatis, vt fraudem animi pecunia occultaret, recipi petit ; & sub ea conditione regressum ad Ecclesiam impetrat , vt si quos seduxerat , contraria docendo restitueret .

Verum ex his licet existimare Dei Ecclesiam (sicut etiam Hierosolymis Apostolorum tempore) ex fidelium oblatione fuisse locupletem : nam si peregrinus homo à parente domo pulsus, ac vndique penè profugus, tanta contulit in Ecclesiam , quid putandum fecisse ciues, eosdemque plurimos, diuitijs & nobilitate præstantes ? Est illud quoque , ad pristinos Ecclesiæ mores insinuandos, obseruatione dignissimum : Ea demum conditione fuisse pollicitum Marcioni reditum in Ecclesia, vt si quos seduxerat, eosdem Ecclesiæ resti-

restitueret; nimirum ea adhibita satisfactione vt publicè contraria ijs quæ dixerat prædicaret. At nec illud de Marcione prætermittendum, quod ex Iræneo Eusebius recitat, *Euseb. lib. 3. cap. 13.* nimirum: cum sanctus Polycarpus Smyrnæ Episcopus, Romam hoc tempore, sub eodem Pontifice Aniceto venisset, Marcioni in eius conspectum venienti, dicentique, ac roganti: nosce nos ambo; respondisse: noui equidem primogenitum Sathanæ. Porro plurimum profuit opportunius Polycarpi Romam aduentus, quippe qui cum Apostolis versatus fuisset, magnamque ex eo apud omnes existimationem consequutus. Quamobrem quamplures eorum (vt idem author ait) quos Valentinus ac Marcion seduxerant ad Ecclesiam, veramque religionem reduxit: Illoque quod in Marcion dixerat experimento docuit, quantum quisque auersari debeat hæreticos, si nec verbotenus, quod & Ioannes fecisse narrabat, communicare voluisset; qua vero occasione Romam venerit Polycarpus, idem Eusebius ex Iræneo commemorat, nimirum, vt dissidia, quæ de tempore celebrandi Paschæ essent oborta, componeret. *Iran. lib. 3. cap. 3.* *Euseb. c. 23. lib. 4.*

Quam benignè autem ab Aniceto susceptus fuerit, & de controuersijs quid demum transactum sit inter eos, ex eodem Iræneo, hæc alibi idem Eusebius recitat dicens: cum beatus Polycarpus, Aniceto Episcopatum administrante, Romam aduentaret, cumq. ille & Anicetus de alijs rebus, de quibus inter se discrepabant, pauca contulissent, confestim pax inter eos fuit conciliata; quia pro hoc festo obseruando, quod controuersiæ caput videbatur, charitatis vincula nequaquam ruperunt. Neque tamen Anicetus Polycarpo poterat persuadere, vt suum obseruandi morem depoleret, neque contra Polycarpus Aniceto persuasit, vt consuetudinem Asiaticam (quippe qui morem presbyterorum, qui illum erant antegressi, debere sedulo retinere assererent) vlllo modo obseruaret. Quæ cum ita essent constituta, communicabant inter se mutuo, & in Ecclesia Anicetus, ritus qui in Eucharistia agi solent, Polycarpo ob reuerentiam videlicet, quam erga illum habebat, obeundi potestatem. *Idem lib. 3. c. 24.*

testatem concessit; atque tandem cum pace alter decessit ab altero, & omnes Ecclesiæ, tum eorum qui decimoquarto die festum Paschatis obseruabant, tum eorum, qui secus placida pace & tranquilla inter se fruebantur. Hucusque de his Eusebius ex Iræn. sed meminisse oportet sic statuissc olim Apostolos, celebrandum Pascha die Dominico, vt tamen, sicuti in multis alijs iudaizantes adhuc complures Christianos, eos nimirum, qui essent ex circuncisione, quorum ingens erat in Asia numerus, æquanimiter tolerarent, quamuis Petrus Apostolus docuerit Romanam Ecclesiam vt die Dominico Domino dedicato Pascha celebraretur; id quod Diuus Ignatius affirmat in Epistola ad populos Magnesianos scripta, & ad Philippenſes ait: quod si aliquis cum Hebræis Pascha celebrat, aut eorum festorum dierum simbola admittit, se participem eorum, qui Christo Domino mortem intulerunt, aut suis Apostolis se declarat. Idem nonnulli existimant, quod Ioannes Euangelista suis Asiaticis constituerit, licet Iræneus sanctissimus, & antiquissimus author, Polycrates, Socrates; alijq. scriptores aliter senserint; tamen sæpe orta est perardua quæstio in Ecclesia Dei circa hoc negotium, & præsertim sub anno Domini 198. Papæ Victoris; vtum Pascha obseruandum esset decima-quarta mensis, secundum Moyſis legem, aut conforme antiquo Apostolorum vsui, de quo Eusebius agit lib. 5. huiusmodi verbis.

*Euseb. lib.
5.*

Et quia illis temporibus Paschatis obseruationis, non leuis quæstio mota est, quod in laudem Saluatoris celebratur, omnes Asiaticæ Ecclesiæ à quadam antiqua traditione adductæ, censebant quartadecima die Lunæ, in qua iam Iudæis imperata fuerat, vt agnum sacrificarent, illum festiuitatis diem omnino celebrandum, & ieiunij finem imponendum esse, eadem hebdomadæ die eueniebat, cui quidem rei alteri Ecclesiæ non assentiebantur, quæ per vniuersum terrarum orbem reperiuntur, in quibus quidem inualescebat hic mos Apostolicæ traditionis continuatæ, hoc est ieiunium, altera die non solueretur, nisi cum Saluator à mor-

mortuis resurrexisset. Quapropter Concilia atque Episcoporum conuentus, & congregationes fiebant, & omnes vnanimi sententia ex litteris ad singulas Ecclesias scriptis Ecclesiasticum decretum ratificabant, vt nulla alia die quam Dominico, Domini mortis resurrectione celebraretur; & ideo solum ieiunia, quæ propter Pascha fieri solent, finem haberent. Hoc decretum Episcoporum, qui tunc in Palæstinam conuenerant, custoditur: Ait Eusebius in scriptura, vsque ad hanc æratem eodem tempore, propter eandem rationem in diuersis Ciuitatibus, varia concilia celebrata fuisse, vnum Romæ, in Ponto alterum, in Gallia, in Corintho & alibi; & omnes Episcopi communi consensu decreuerunt, quod Pascha die Dominico celebraretur. Verum Asiatici volentes pertinaciter obseruare, potius toleratum, quam approbatum vsum decimaquartæ diei Lunæ opinionem immutare noluerunt, ita ait Polycrates concilij Asiatici princeps, adducens auctoritatem multorum antiquorum, & sanctorum Patrum, Philippi, Græcus textus Apostolum appellat, vnum inter septem Diaconos, Ioannis Apostoli, Polycarpi, & multorum aliorum virorum. Quamobrem Victor Papa, tunc vitam agens, omnes Asiæ Ecclesias excommunicauit, & simul proximas, ac si diuersam fidem, & sententiam professæ essent, litteris graviter obiurgans, & priuans omnes fratres in partibus illis, non colentes Catholicorum communionem; id quod non parum sanctos turbauit, eo tempore florentes, & potissimum Ixneum, qui fratrum nomine ad Victorem Papam litteras misit, cohortans, vt tot Ecclesias non excommunicaret; & quamuis hæc sententia non parum rigorosa visa esset, tamen qui recte, & prudenter perpendet rationes, quæ Pontificem mouerunt, vt id decerneret, euidenter agnoscet, id sapienter actum esse. Dum enim negotium inter Catholicos erat, commodè proferri poterat, ab Asianis Pascha decimaquarta Luna celebrandum esse, vti Iudæi celebrare solent, sed quia huiusmodi indulgentia occasio videbatur fouendi hæresim Hæreticorum quartadecimanorum, existimauit ma-

Polycrates

gis expedire , amplius eam non sufferre : nam Montani hæresis illis temporibus pertinaciter defensa , affirmabat Pascha quartadecima Luna esse celebrandum ; omnesque alios aliter celebrantes aberrare . Eandem falsitatem multi alij hæretici amplexi sunt , licet cum aliqua differentia : nam Montanistæ Lunæ cursum cum Iudæis sequebantur , sed alij hæretici Solis ; imo quod nos admiratione afficit , sic morbus inualuit & viguit , vt Romam ipsam inficere potuerit : cum enim quendam Blastum non puduerit publicè dicere , & perfidè tueri , Pascha quartadecima Luna esse celebrandum , veluti Tertullianus refert , innuens Blastum occultè hebraïsmum introducere velle , dicens : non aliter nisi secundum Moysam legem Pascha esse celebrandum : necesse igitur fuit Victoris remedium , licet paulo durum videretur . Illi Schismatici , qui ideo ab Ecclesia excommunicati fuerunt , permanserunt plurimi in hac perfidia : Et si magnus numerus Concilij Nicæni tempore , ad Ecclesiam cohortatus est , tamen post illam Synodum , Syri , & Cilices , & Mesopotamitæ cum Iudæis conueniebant , in definira veritate claudicantes , quod scriptum reliquit sanctus Athanasius in lib. Synod. Propter istam difficultatem , magnus Polycarpus triginta annos post , se Romam contulit , eam cum Aniceto decidere sperans . Quod verò apud Hieronymum

Tertull.

*Athan.
lib. Syn.*

*D. Hier.
descrip.
Eccles. in
Polycarp.*

*Idem sed.
lib. in E-
gyspygo .
Euseb. lib.
4 cap. 21.*

legatur Romam venisse , hic propter quasdam super die Paschæ quæstiones sub Imperatore Antonino Pio , Ecclesiam in Vrbe regente Aniceto , Romam venit , vbi plurimos credentium Marcionis , & Valentini persuasione deceptos reduxit ad fidem , cum in serie Romanorum Pontificum Clerum numerare prætermiserit , vel accidit potius , vt (quod superius dictum est) Hieronymus , sicut Optatus & Augustinus post Higinium posuerit Anicetum , & non Pium , vt cæteri . Idem sanctus Hieronymus tradit de Egyspygo ex ipsius scriptis venisse Romam sub Aniceto , & ibi permansisse vsque ad Eleutherum . Eusebius autem aliter legisse videtur , dum ait : eundem Romæ egisse vsque ad tempota Aniceti , de cuius in Urbem peregrinatione , hæc idem

idem ex eiusdem Commentarijs prodit : Egesippus quinque libris accuratissimam , plenissimamq; suæ sententiæ , & opinionis de fide declarationem post se reliquit , in quibus ostendit se , in itinere Romam versus suscepto , multis cum Episcopis sermonem contulisse , & vnâ eandemq; accepisse ab omnibus doctrinæ formam , & institutionem ; atque illum quidem post alia , quæ de Clementis ad Corinthios epistola differuit , ista quæ sequuntur narrantem audire licet ; Ecclesia Corinthiorum in vera , rectaq; doctrina constanter perstabat , vsque ad Primum , qui ibidem gessit Episcopatum , quo cum ipse dum Romam versus nauigabam de Religione nostra communicaui , & Corinthi non paucis diebus commoratus sum , in quibus dum inter nos de doctrina Catholica multa conferebamus , non parum vterque ab alterius consuetudine cœpit oblectationis . Cum essem Romæ mansi ibi vsque ad Aniceti tempora , cuius tum quidem Eleutherus munus Episcopale capeffit ; nulla Episcoporum sedes successione ab Apostolis ducta ; nulla Ciuitas , in qua non ita seruata essent omnia , vt lex præscriperat , docuerant Prophetæ , & Dominus ipse prædicauerat . Hæc de statu omnium , vt ait , Ecclesiarum , cum Egesippus testetur magnum plane extat testimonium ad declarandam , atque insinuandam Catholicam veritatem : nam si illa legitima , erat Christi doctrina , certa ; traditio Apostolorum , quas in hanc diem omnes vbique seruassent Ecclesiæ , plane conuincitur à Catholica veritate illos omnes descuiisse , qui aliam ab his diuersam reperiuntur docuisse fidei normam , vel mores aliter instituisse . Ac proinde , qui virginitatem damnant , ieiunia contemnunt , Sanctorum cultum ejciunt , Hierarchicum in Ecclesia ordinem cōfundunt , Sacramenta respuunt , ritusq; ecclesiasticos despiciunt , & alia id genus multa agunt , contra ea quæ in Ecclesia obseruata sunt , vt vidimus vsque ad Eleutherum Papam , sub quo Egesippum ea scripsisse , apparet manifestissimi erroris redargui , ac desertores veritatis esse conuinci .

Cum vero post hæc multa ex eodem Egesippo , de sedis dicta

dicta recenseat, de eodem demum hæc addit: Nonnulla item cum Euangelio, quod secundum Hebræos, quodque Syriacum dicitur, cum separatim de Hebræicæ linguæ proprietate disputat, seque narrat tamen, etsi erat Hebræorum stirpe ortus, ab eorum tamen religione, & institutis ad fidem Christi venisse: alia item tanquam à Iudaica traditione sine scripto accepta commemorat. Porro autem non hic solus, sed Irenæus, & tota veterum turba, proverbij Salomonis librum esse præclara, eximiaque sapientia referre affirmabant. Quin etiam de sacræ Scripturæ libris, quæ inter apocrypha numerantur, dixerit quosdam ex illis suo ipsius tempore, à quibusdam hæreticis falso confectos esse narrat. Hucusque ex Egesippo hic Eusebius, qui alibi de scriptis ab eo libris hæc ait: Egesippus vir propter doctrinæ præstantiam in luce, atque hominum notitia versatus, cuius testimonium iam antea, dum res nullas Apostolorum temporum gestas, ab eoque scriptis traditas commemoramus, sæpius vñ sumus. Ille enim sinceram, & minime fucatam Apostolicæ prædicationis traditionem, quinque libris, illo quidem scribendi genere maxime simplici, ac summisso literis prosequi aggrediens, tempore, quo ipse floruit aperte indicat: recitat ex eis fragmentum, quo auctor de Antinoo meminit Adriani seruo, ab eodem inter Deos relato. Commendat & sanctus Hieronymus eius in Historia conscribenda simplicem stilum, cum ait: Omnes à passione Domini, vsque ad suam ætatem Ecclesiasticorum actuum texens historias, multaque ad vtilitatem legentium hinc inde congregans, quinque libros composuit sermone simplici, ut quorum vitam sectabatur, dicendi quoque exprimeret charactere.

At cum tam Eusebius, quàm Hieronymus laudent Egesippi in historia ecclesiastica conscribenda simplicitatem: nemo putet hac ex parte, ipsum recte scribendi historiæ numeros minus expleisse: errant mea sententia, qui putant illum scribendi historiæ partes implere, qui res gestas eloquentiæ phaleris exornat, & quæ sunt oratoris apponit; at qui

qui longe diuersam esse vtriusque tractandi generis facultatem, cum alij sparsim diuersis in locis meminerint. *Lucian. lib. eno- mod. hist. scrib. sit.* Lucianus eodem argumento scribens commentarium, pluribus docet, ac plane deridet historiam illam, quæ se se pennis eloquentiæ sursum efferens, in encomium conuertitur: affirmans plane decipi illos, qui duo requirant in historia iucundum, & vtile; adulterinam hanc diuisionem nominans, atque ait: Vnum enim opus est historiæ, & vnus finis, vtilitas, quæ ex sola veritate conciliatur, iucundum verò si & ipsum sequatur, melius quidem hoc, perinde, vt si forma, seu pulchritudo athletam: sin minus, nihil vetat ab Hercule prognatum esse Nicostratum Isidori filium, generosus cum sit, & vtroque colluctatore suo fortior, etiam si ipse quidem quoad faciem attinet, turpissimus videatur. Hæc, & alia plura ipse in eandem sententiam; laudatque proinde dictionem humi incedentem, & cum pulchritudine, & magnitudine simul eorum, quæ dicuntur, elatam. Sed & *Plin. lib. 5. epist. 3.* Plinius ad Captionem: Orationi (inquit) & carmini adest pauca gratia, nisi eloquentia sit summa: historia quoquo modo scripta delectat, & post nonnulla: Habent quidem oratio, & historia multa communia, sed plura diuersa in his ipsis, quæ communia videntur. Narrat sane illa, narrat hæc, sed aliter. Huic pleraque humilia, & sordida, & ex medio petita: illi omnia recondita, splendida, & excelsa conueniunt. Hanc sæpius ossa, muscoli, nerui: illam tori quidam, & quasi vitæ docent. Hæc vel maximè vi, amaritudine, instantia; illa tractu, & suauitate, atque etiam dulcedine placeat; postremo alia verba, alius sonus, alia constructio, Nam plurimum refert: (vt Thucydides ait ἡγεμενὰ sit ἀνὰ λόγον, quorum alterum oratio, alterum historia est. Hucusque Plinius. Cum igitur Egæsiippi historia ad hos fuerit modos omnes attemperata, ipsum à cæteris imitandum, qui res Ecclesiasticas sunt memoria commendaturi, quis poterit dubitare? Nam & hæc ibidem Plinius ait: Inuenio apud Sapientes, honestissimum esse maiorum vestigia sequi, si modo recto itinere præcefferint: eiusmodi quidem scribendi

genus

genus maiores nostros esse sectatos, cum plurima alia exempla declarant, tum S. Basilius oratione in Gordium Martyrem demonstrat his verbis : Sanctorum memorias orationis, & eloquentiæ fuco prosequi, non fas erit illi, &c. & paulo post : Illorum enim, qui in fide claruerunt, historia simplex, velut lucem quandam Dei cultoribus ad virtutis iter ostendit; ac rursus : Quod si reliquorum facta virorum eloquentiæ floribus ornantur; Sanctis tantum ad ea, quæ maxima gessere demonstranda, sat fuerit oratio simplex; Hæc Basilius. At de his obiter dictis hætenus, in quæ, occasione historiæ ab Egesippo conscriptæ, casu velut incidimus. Porro illa magno damno deperdita cum sit, perpau- cis eius fragmentis perfruitur, ab Eusebio recitatis. Denique eiusdem Egesippi sanctissimæ vita perfuncti, in Domino requiescentis anniuersaria memoria in sacris tabulis scripta meruit consecrari. Feruntur Egesippi nomine Commentarius de exitio Hierosolymitano, & ad ipsum apposita Anacephaleosis, sed alterius planè auctoris est opus, qui, vt aliàs diximus, post tempora Constantini floruit.

CAPVT IV.

Annus secundus Aniceti.



NNO centesimo sexagesimo octauo Seruilius Pudens, & Suffidius Pollio Consules creati sunt : Claruisse namque his temporibus Romæ Pudentium familiam, ex duobus iunctis Consulatibus eius, facile possumus intelligere, eiusdemque familiæ fuisse Pudentem Senatorem Christianum,

*Tertull.
ad Scap.
pnl. cap.
4.*

Meminit & Tertullianus eiusdē nominis, Proconsulis, cuius laudat in Christianos iudicando modestiam, cum ait : Pudens etiam missum ad se Christianum, in elogio concussione eius

eius intellecta dimisit, scisso eodem elogio, sine accusatore senegans audire hominem secundum mandatum.

Eodem anno Parthico bello post quinquēnium absoluto, L. Verus vna cum M. Aurelio triumphauit: Tot enim annis durasse illud tradit Iul. Capitolinus, hocque anno sexto de Parthis superatis actum esse triumphum, Eusebius habet. At Parthico bello confecto, parari cœptam expeditionem Marcomannicā, quam diu ante idē Marcus Imperator fuerat meditatus, sed suspendisse eam vsque ad Parthicum bellum perfectum scribit Capitolinus. Porro cum idem alibi tradat Lucium ipsum aliquandiu Urbis delitijs esse detentum, constatq; fuisse pestem sub eo, post sequentem annum, colligitur eisdem Imperatores non nisi post duos annos ad bellum esse profectos, quod ex ijs, quæ dicemus inferius euidentius apparebit. Hæc autem ad exactam temporum chronologiam insinuandam, prætermisisse minime oportuit.

Euseb. in Chron.

Idem in Chron.

Iul. Capitol. in Mar.

C A P. V.

Annus tertius Aniceti.



ARCO AVRELIO tertium, & Vinidio Quadrato Cofs. persecutio in Christianos iam olim excitata, acrius recrudescebat, atque ferocius saeuit. Quo enim se erga Deos studiosiorē M. Aurelius præbuit, & in illorum hostes, ac quos diceret impios Christianos, se inhumaniorem exhibuit. Hoc siqui-

dem anno, cum magnus metus ex Marcomannico bello immineret, idem Imperator totus fuit in concilianda sibi numinum gratia. Siquidem ait Capitolinus: Tantus timor belli Marcomannici fuit, vt vndique Sacerdotes Antoninus acciuerit, peregrinos ritus impleuerit, Romam omni genere lustrauerit, retardatusque à bellica profectione sit; Celebrauit, & Romano ritu lectisternia per septem dies hæc

Iul. Cap. in Mar.

D

ipfa

ipsa: At si (vti moris erat ijs temporibus) quærebantur a
 Dijs responsa, eadem si non vera, saltem conficta, omnia pa-
 riter in necem Christianorum conspirasse, & quasi prætextu
 placandorum numinum, illorum hostes esse tollendos re-
 spondisse, par est existimare. Quamobrem, qui inter Chri-
 stianos erant omnium spectatissimi, eos ad necem petendos
 ante alios consilium fuisse videtur: quapropter S. Polycar-
 pus vsque in hanc diem post tot tantasq; persecutiones, ip-
 sis etiam Gentilibus reuerendus, post alios ad necem ran-
 dem vulgi clamore quæritur hoc ipso anno, septimo M. Au-
 relij Antonini, vt de eo scribit Eusebius. Porro res gesta,
 ab eodem Eusebio ex litteris Smyrnenfis Ecclesiæ in hunc
 modum describitur: Eodem tempore Polycarpus, cum Asia
 maximis persecutionum procellis turbaretur, martyrio su-
 premum vitæ diem egit, cum alijs duodecim ex Philadel-
 phia, ex eiusdem generis obitu, & hilariter eam pertulerunt.
 Ob reuerentiam, qua omnes Polycarpum prosequerantur
 eius actus publicè in Ecclesiam perlegebant, vti testatur
 Gregorius Turonensis in lib. de glor. martyr. Inter alios Po-
 lycarpi discipulos, celebres, atque eximij fuerunt Thyrsus
 Diaconus, Felix, & quidam alter ab eodem in Galliam
 missus, & apud Augustodunum martyrium sunt consecuti,
 qui fortuito secum perduxerunt Polycarpum, seu (vti ego
 existimo) Polycarpus eos secum duxit: sed cum se contulit
 ad sanctum Anicetum, postea in Galliam missi sunt, vt Eu-
 angelium prædicarent; & tunc credi potest, quod scripserit
 epistolam ad Dionysium Areopagitam, de quo meminit
 Suidas. Quod autem ad discipulos Polycarpi pertinet præ-
 ter Irenæum, de quo facta est ex suis ipsius scriptis mentio,
 & post Florinum, qui in impietatis foueam lapsus est, in an-
 tiquis tabulis ecclesiasticis memoriæ proditur: Andochium
 Presbyterum, Tirsum Diaconum, & Felicem eiusdem
 Polycarpi discipulos, ab ipso in Gallias esse missos, eisdem
 apud Augustodunum fuisse martyrio coronatos. Benignus
 quoque Presbyter, qui martyrium subiit apud Diuionem,
 eiusdem Polycarpi fuit discipulus, ab eodemq; in cæteris in

Gal-

Euseb. lib.
4. cap. 14.

Greg. Tur.
lib. de glo-
ria mart.

Galliam est amandatus, vbi tunc videtur consummasse
martyrium. Cum M. Aurelius ob expeditionem Germani-
cam in Gallijs ageret, mutuam quandam inter Asianos
Christianos, & Gallos intercessisse amoris, & consuetudinis
coniunctionem; tum Polycarpi de eis adeo benemerentis
declarat studium; tum Lugdunensium, & Viennensium ad
Asianos de rebus gestis martyrum litteræ scriptæ, apertè
indicant, de quibus inferius dicturi sumus; ex amicitie
namque vsu inter Dionysium, qui dictus est Galliarum Apo-
stolus, & Polycarpum eiusmodi inter Asianos, & Gallos
amicitiæ fœderis occasionem (quod dictum est) prouenisse
putandum: Fortasse etiam accidit, vt cum Polycarpus ad
Anicetum Romam se contulit, hos secum ex Asia duxerit,
qui inde prædicandi Euangelij gratia, in Gallias fuerint ab-
legati.

Addit hæc postremo Eusebius: Sequuntur, inquit, deinceps in eadem epistola, facta memoratu digna aliorum martyrum, qui Pergami, quæ est Vrbs Asiæ, mortem appetuerunt; Carpi, Papyli, & mulieris Agathonicæ, qui post multas, & eximias fidei, & religionis nostræ confelsiones, martyrio gloriosam mortem assecuti sunt; hucusque ex libello Smyrnenfis ecclesiæ Eusebius. Porro horum, quorum martyrum acta recensita inueniuntur, in quibus cum legatur, hos etiam passos tempore Decij, eadem nostræ sententiæ fauere noscuntur, quod scilicet in eodem libello Smyrnenfis Ecclesiæ, plures diuersis temporibus passi, martyres scripti essent. At de his satis.



C A P. V I.

Annus quartus Aniceti.

*Euseb. in
Chron.*

*Iul. Cap.
in Marc.
Aurel.*



NNO centesimo septuagesimo Cos.
Vestio Paulo, & Iunio Montano,
Agente in Imperio M. Aurelio cum
Collega Lucio Vero annū octauum;
Lues magna, inquit Eusebius, pro-
uincias occupauit, Roma ex parte
magna vexata. Iulius Capitolinus
etiam tempore apparatus expeditionis

nis Marcomannicæ, cum M. Aurelius totus esset in conci-
lianda sibi Deorum gratia, immanem eiusmodi pestilentiam
exortam tradit, cum post recensitos deorum cultus, mox
subdit: Tanta autem pestilentia fuit, ut vehiculis sarra-
cisque cadauera sint exportata. Tunc autem Antonini le-
ges sepeliendi, sepulchrorumque asperimas sanxerunt: quan-
doquidem cauerunt ut si quis vellet, fabricaret sepulchrum,
quod hodieque seruat. Et multa quidem millia pestilen-
tia consumpsit, multosque ex proceribus, quorum amplissi-
mis Antoninus statuas collocauit: Tanta quidem clemen-
tia fuit, ut sumptu publico vulgaria funera iuberet efferri;
hæc ipse breuiter admodum, & subobscurè eiusmodi de
sepulchris lata à Marco leges periisse videntur: cuius tan-
tum ab Vlpiano hoc citatur rescriptum: Diuus tamen
Marcus rescripsit, nullam poenam meruisse eos, qui corpus
defuncti in itinere per vicos, aut oppida transuexerunt:
(quamuis talia fieri sine permisso corū, quibus permitten-
di ius est, non debeant;) de eadem quoque pestilentia,
eiusque origine idem Capitolinus hæc alibi, cum agit de
Lucio Vero: Fuit eius fati, ut in eas Prouincias, per quas
rediit Romam usque luem secum deferre videretur. Et na-
ta fertur pestilentia in Babylonia, ubi de templo Apollinis
ex arcula aurea, quam miles forte inciderat, spiritus pesti-
lens

*Iul. Cap.
in L. Vero*

lens euasit; atque inde Parthos, orbemq. compleffe. Quàm iusto Dei consilio factum est, vt ab eo, ex quo Aesculapium haberetur Deum pestis propulsatoré, pestis egressa, Romanum Imperium deuastarit? Sed hæc omnia ceciderunt in ultionem sanguinis Christiani. Meminit eiusdem quoque pestis Galenus, qui tunc Romæ agens, eius vitandæ causa fuga sibi consuluit, in patriam rediens; agens enim de ea, maximam appellat pestilentiam, eamq. longissimam fuisse tradit, persimilemque ei fuisse scribit; quam Thucydides narrat: Adeo enim fuit lues ipsa, vt cum depasta esset innumeram Romanorum multitudinem, ad futurum bellum Marcomanicum; oportuerit seruos & alios, præter vsum armare. Rursum verò restituisse numinum cultum, quàm diligentissime Imperatorem, vt ingruentem in dies magis pestem propulsaret: tradit idem, qui supra Capitolinus, cum ait: Instante adhuc pestilentia; & deorum cultum, diligentissimè restituit; & seruos, quemadmodum bello Punico factum fuerat, ad militiam parauit, quos voluntarios exemplo Volonum appellauit; armauit etiam gladiatores, quos obsequentes appellauit, latrones etiam Dalmatiæ, atque Dardaniæ milites fecit; armauit & Diocemitas; emit & Germanorum auxilia contra Germanos; hæc ipse. Sed hæc in secunda expeditione facta esse, post mortem Lucij idem Author affirmat: quo itém tempore filium eius septennem oborto sub atre rubere; ea vi morbi sublatum esse tradit. Alijs adhuc cladibus Urbem ipsam, atque Romanum Imperium fuisse exagitatum, docet his verbis: Interpellauit istam felicitatem, & securitatem Imperatorum prima Tyberis inundatio, quæ sub illis granissima fuit; quæ res, & multa Urbis ædificia vexauit, & plurimum animalium interemit, & famem grauissimam peperit; quæ omnia mala Marcus sua cura, & præsentia temperauit. Verum hæc de excrescente Tyberi, ipso Imperij exordio cõtigisse videtur.

Cæterum tantum abest, vt his cladibus Gentiles afflicti à Christianorû persecutione cessarint: vt potius quod sibi persuaderent, hæc omnia mala ob spretum à Christi-

nis deorum cultum, ab illis immitti. Idcirco in eos sæuius insanire, acerbius infilire, & quasi authores malorum omnium, iunctis animis conspirare studuerint: Nam ad hæc respexisse quoque tempora videtur Tertullianus, cum ait: Aduersus sanguinem innocentium conclamant prætexentes, sane ad odij defensionem, illam quoque vanitatem, quod existimetur omnis publicæ cladis, omnis popularis incommodi, Christianos esse causam. Si Tyberis ascendit in mœnia, si Nilus non ascendit in arua, si cælum stetit, si terra mouit, si fames, si lues statim, Christianos ad Leonem. Tantos ad vnum? sicut etiam ad hæc eadem tempora allufisse visus est, cum superius ait: Si enim hostes exertos non tantum vindices occultos agere vellemus, desset nobis vis numerorum. Plures nimirum Mauri, & Marcomanni ipsique Parthi, vel quantumcumque ipsius tamen loci, & suorum finium gentes, quàm totius Orbis; quos enim populos nominauit, sub horum Imperio aduersus Romanos arma mouisse, certum est de Parthis, & Marcomannis iam dictum est: de Mauris idẽ affirmat Iulius Capitolinus inualuisse, ac deuastasse Hispanias: quod bellum per legatos confectũ ait.

*Iul. Cap.
in Mar.*

Perseuerarunt hæc quamdiu Gentiles, qui in Christianos hanc calumniam frequenter, vt quoddam telum potissimum intorquentes, obiectare consueuerunt, cuius rei causa per-motus Arnobius (vt ipse testatur) aduersus Gentes libros septem conscripsit, in quorum exordio hæc præfatur: Quoniam comperi nonnullos, qui se plurimum sapere suis persuasionebus credunt insanire, bacchari, & velut quiddam promptum ex oraculo dicere, postquam esse in mûdo Christiana gens cœpit, terrarum orbem perijisse, multiformis malum affectum esse genus humanum, ipsos etiam cælites derelictis curis solemnibus, quibus quondam solebant inuisere res nostras, terrarum ab regionibus exterminatos: statui pro captu, & mediocritate sermonis, contraire inuidiæ, & calumniosas dissoluere criminationes, ne aut illi sibi videantur, popularia dum verba depromunt, magnum aliquid dicere, aut si nos talibus continuerimus à litibus obtinuisse

nuisse, se se causam putent, vitam sui vitio non assertorum silentio destitutam. Non enim negauerim validissimam esse accusationem istam. Refellit eandem Tertullianus, tum in Apologetico, tum scribens ad Scapulam. Cyprianus itidem agens aduersus Demetrianum, & in Commétario illo, quem de Idolorum vanitate edidit, sed & alij complures Ecclesiastici Doctores eandem calumniam potentissimè confutarunt. At non hæc tantum Gentiles sub Etnicis Imperatoribus Christianorum hostibus in nos iaculari, sed etiam sub Christianis Principibus eadem procaciter obiectare non desierunt; quorum causa, vt suo loco fusius dicemus, Orosius scripsit historias; & sanctus Augustinus eruditissimos illos de Ciuitate Dei commentarios ingenti studio, atque solertia elaborauit.

Hoc eodem anno octauo Imperatorum, post Heronem, Antiochenum Episcopum, qui viginti sex annos in Episcopali functione expleuit, eligitur Theophilus vir perquam eruditus, cuius excellentis ingenij, ac pietatis complura Eusebij tempore, vt ipse tradit, extabant opera; sedisse hunc annos octo idem author affirmat, Verum cum ex eius commentarijs ad Autolicum constet ipsum superuixisse Marco Aurelio Imperatori, dicendum profecto est, dictum annorum numerum excessisse: quamobrem Nicephori chronologia de Theophili annis æquius est assentiri, qui sedisse eum tradit annos tresdecim; de eius lucubrationibus Eusebius agens hæc habet: Theophili vero, quem Antiochenæ Ecclesiæ Episcopum fuisse supra monstrauius, tres libri extant, quos Religionis elementa, & quasi seminaria complectentes, Autolico dedicauit: aliud item opusculum edidit, cuius inscriptio est: Contra Hermogenis hæresim, in quo testimonijs sumptis ex Apocalypsi vitur; alij sunt eius libri, qui ad primam Christiani in fidè institutionem spectant; Cum verò Hæretici tanquam zizania etiam id temporis, non minus quàm antea sincera doctrinæ semina hominum moribus mandata, labefactare niterentur; Ecclesiarum pastores vndique illos tanquam immanes, & agrestes bestias

Cyp.

Euseb. in
Chron.Euseb. lib
4. cap. 23.

bestias à Christi ouibus arcere; & à præda depellerè laborabant; Interdum fratres admonendo, cohortandoq; non raro ipsos hæreticos aperto Marte adoriendo, & coram abisq; scripto, tum differendo cum illis, tum eorum errores refutando; nonnunquam quibûsdam commentarijs, quos diligenter scripserant, opiniones ab illis inuentas accuratissimè coarguendo; Theophilum autem cum alijs nonnullis contra eos viriliter dimicasse, ex libello quodam summa industria ab eo contra Marcionem elaborato, qui quidem cum alijs eius libris, quos diximus, est ad hoc vsque tempus seruatus, satis perspicuum est: hæc Eusebius.

*Hier. de
scrip. eccl.
in Theo-
philo.*

*Idē epist.
151. ad
Algas. g.*

Sanctus Hieronymus eius scripta relegens, addit: legi sub nomine eius in Euangelium, & in Prouerbia Salomonis, commentarios, qui mihi cum superiorum voluminum elegantia, & phrasi non videntur congruere: Idem alibi ad Algasiam scribens, hæc de eodem habet: Theophilus Antiochenus septimus post Petrum Episcopus, qui quatuor Euangelistarum in vnum opus dicta coniungens, ingenij sui nobis monumenta reliquit; hæc super hac parabola in suis Commentarijs est locutus; Verum cum septimum numeret Antiochenum Episcopum Theophilum post Petrum, Eusebius, & alij sextum ponunt, nempe post Petrum primo loco Euodium (licet alij Ignatium recenseant) secundo loco Ignatium, tertio Heronem seniore, quarto Cornelium, quinto Heronem iuniorem, sexto vero Theophilum, de quo agimus collocant. Rursus idem in præfatione in Euangelium Matthæi testatur se legisse eiusdem Theophili Commentarios in Matthæum; in fine autem Commentariorum in quatuor Euangelia de symbolicis in Ecclesia formulis: hæc eleganter idem Theophilus ait: Hortus Domini est Ecclesia Catholica, in qua sunt rosæ Martyrum, lilia Virginum, violæ Viduarum, hædera coniugum; nam illa, quæ æstimabat, cum hortulanum significabat, scilicet cum plantantem diuersis virtutibus credentium vitam, hæc ipse distinguens iisdem, cuiusque status in Ecclesia ordinem, & prærogatiuam.

Idem

Idem verò Theophilus scribens ad Autolicum in primis Catholicam veritatem, ad quam, velut ad tutum portum confugiendum admonuit, ac rursus ipsas hæreses, quas scriptis exagitauit, eiusmodi venusta similitudine præsignando; quo modo quis eas posset effugere demonstrauit, sic dicens: Quemadmodum in mari Insulæ quædam prominent habitabiles, frugiferæ, & quibus est aqua salubris, nec non naualia, & portus commodi, quibus se naufragi recipient, sic Deus dedit mundo, qui peccatorum tempestatibus, & naufragijs iactatur, Synagogas, quas Ecclesias nominamus, in quibus veritatis doctrina feruet, ad quas cõfugiunt veritatis studiosi omnes, quotquot saluari debent; denique iudicium, & iram vitare volunt; sed quod hic Theophilus non ad vnam, sed ad omnes quos velit, confugiendum monet Ecclesias, planè declarat, quod diximus ex Egesippo omnes Ecclesias, siue ab Apostolis, siue ab eorum successoribus fundatas in Ciuitatibus tam Orientis, quàm Occidentis semper perstitisse in eam diem in fide Catholica; Ac proinde hæreticos nullos in eis habuisse his temporibus fundatas, vel specietenus Ecclesias, sed instar ferarum extra iter, lustra vagatos esse, de quibus idem hæc subdit: vt verò aliæ sunt Insulæ saxosæ, aqua potabili vacuæ, steriles, efferatæ, inhabitabiles; quæque plurimum damni, tum nauigantibus, tum naufragis afferunt. In his etiam naues atteruntur, & quotquot ad eas appellunt, extrema pericula subeunt; Ita sunt doctrinæ errores, dico hæreses, quæ suos sectatores perdunt; non enim à præiua veritate ducuntur. Verum quemadmodam piratæ, vbi impleuerunt naues suas penètrant ad prædicta loca, vt exitium apportent. Sic accidit ijs qui relicta veritate, in hæreses abeunt, à quibus tandem perduntur: hæc ipse.

At scribendi ad Autolicum libros illos, ea fuit impulsus occasione, quod ipse Autolicus inter Gentiles, cum primis disertus, non secus ac Celsus Epicureus, aduersus Christianam Religionem, ad ipsum Theophilum Commentarium conscripsisset, quo Græcorum cultum, nempe Gentili-

liciam superstitionem exaltās, laudibus celebraret, & ipsam Christianam Religionem, vt qui illi addictus esset, Theophilum subsannaret; ad quem ipse respondens, ac confutans, hisce cum in primis verbis compellat: Tu me ò amice tantum non obruisti sermonibus tuis, quibus declaras te multum gloriari, & superbire propter Deos tuos lapideos, ligneos, sculptos, fusos, fictos & pictos, qui neque cernunt, neque audiunt. Præterea mihi crimini vertis, quod sim Christianus, & insigne, præclarumque hoc nomen geram. At ego quidem libenter confiteor me Christianum esse, gaudeoq; hoc nomine, quod DEO gratum, & acceptum est appellari, & nihil æquè in votis habeo, quam vt sim ευχρηστος, idest bonus erga Deum, siue, vt me bonum Deo exhibeam, Non enim vt tibi videtur odiosum, & molestum nomen est; Verum enimvero tu fortassis ita sentis de Deo, quod ακρηστος, idest malus erga Deum &c. Tribus enim libris tum veritatem Religionis Christianæ demonstrat; tum etiam falsitatem ipsorum Gentilium superstitiones redarguit. Cæterum, quod tam Eusebium, quàm etiam Hieronymus tradant scriptum fuisse à Theophilo Antiocheno librum aduersus Hermogenē Hæresiarcham falli eos necesse est affirmare, qui eius hæresim post hæc tempora, dixerunt, in Ecclesiam erupisse; Quamobrem, vt de eo hic agamus, tēporis ratio à nobis exigit: Quis nam igitur, qualisue fuerit Hermogenes hic opportuno loco dicamus. Docuit in Africa, picturæq; studiosus, ex Christianis transijt ad Philosophos Stoicos, ex quibus inferre conatus est in Ecclesiam, de materia ingenua opinionem, & ab alijs turpitudinem mortum, haud dubium hanc hæresim sugillauit Tertullianum in libro de præscriptionibus cum ait: & vbi materia cum DEO æquatur, Zenonis disciplina est fortasse, vt adularetur Imperatori Stoicam disciplinam profiteri: Ex schola Stoicorum Hermogenes ingenuam materiam in Christi Ecclesiam inuehere conatus est. De eo idem Tertull. in Commentario, quem in ipsum scribit, multa in medium prodit, ac primum, quod nouellus esset hæreticus, quippe

*Tertull. de
præscript.
cap. 7.*

*Idem in
Hermog.
cap. 1.*

quippe qui adhuc, cum scriberet in eum, viueret. Nam ait: Hermogenis autem doctrina, tam nouella est; denique ad hodiernum homo in sæculo, & natura quoque hæreticus etiam turbulentus, qui loquacitatem facundiam existimet, & impudentiam constantiam deputet, & maledicere singulis officium bonæ conscientiae; subdit, & de eius arte pingendi: præterea pingit licitè, nubis assidue, legem DEI in libidinem defendit, in artem contemnit, bis falsarius, & cautherio, & stilo torus adulter, & prædicationis, & carnis. Et paulò post: A Christianis enim conuersus ad Philosophos, de Ecclesia ad Academiam, & porticum, vnde sumpsit à Stoicis materiam cum domino ponere, quæ & ipsa semper fuerit, neque nata, neque facta, hæc initium habens omnino, vel finem; ex ea Dominus omnia postea fecerit. Hanc primam umbram planè sine lumine, pessimus pictor illis argumentationibus colorauit. Rursum verò malum à materia prodijisse ipsum docuisse tradit.

Adhæsisse Hermogeni sodalem Nigidium quendam, idem alibi testatur, cum ait: Cæterum, & Nigidius nescio quis & Hermogenes adhuc ambulat, peruertentes vias Dei. Cupio ostendant mihi ex qua auctoritate prodierunt: addit Philastrius hæc de Hermogene: Is dicebat Corpus Domini in Sole esse depositum, Diabolum autem, & Dæmones esse in materiam refundendos. Porro ex Hermogenis hæresi Manichæorum esse deductam hæresim, Gregorius Nyssenus docet: aduersus verò Hermogenem non tantum, quos diximus Theophilus, & Tertullianus; sed & Origenes in Periarcho, Eusebius, & alij, qui in Exameron Commentarios ediderunt. Ex Hermogene prognatos esse non solum Manichæos, quod diximus, sed & Sabellianos auctor est Philastrius, qui addit Galathas omnes, Seleucum, & Hermiam eandem de materia Deo congenita opinionem sectatos, aliaque addidisse, nempe quod subdit: Paradisum visibilem appellant ex Platone, animas hominum de igne, & spiritu esse existimantes: isto baptismo non vtuntur, propter verbum hoc, quod dixit Ioannes: Ipse vos ba-

Gregor.
Nyss. de
Hermog.
c. 24 &
25:

Orig. in
Periarch.
lib. 1. c. 2
Euseb. de
prepar. l.
7. c. 8. 9.
Philast.
de hæres.
cap. 55.
56. 57.
Luc. 3.

ptizabit in spiritu, & igne: isti Angelos dicunt creatores esse animarum nostrarum; non Christum Salvatorem; Mundum autem istum infernum esse asserunt, & resurrectionem in filiorum procreatione hanc esse prædicant, quæ fit in humano genere quotidie, non illam immortalitatis futuram; & gloriosam annunciant expectantes, qui ab his descendebant, Hermiotitas dictos: alios quoque tradit errores, quos recenset cumulasse: hos omnes Hermianos ab Hermia, vel Seleucianos à Seleuco nominat Augustinus.

*August.
de Hæresi
cap. 59.*

Quod verò tam Philastrius, quàm Augustinus nonnisi cum agunt de Sabellianis, de Hermogene meminerunt, accepta est à quibusdam erroris occasio, ut putarunt post Sabellium vixisse Hermogenem. Porro Hermogenis sectatores ab hæresi, quam assererent, Materiarij nuncupati sunt, ab eodem Tertulliano, quos æquè omnes Hermogénianos dictos Lactantius confutat.

*Tertull.
contr. Her.
mag. c. 25.
Lactant.
lib. 2. c. 9.*

CAP. VII.

Annus quintus Aniceti.



SEQUENTI anno centesimo septuagesimo primo Sosio Prisco, & Celio Apollinare Consulibus, Marcomanicum bellum certum est, ipsis Imperatoribus ad bellum proficiscentibus, de quorum profectio, ac obitu Lucij Veri hæc scribit Capitolinus: Profecti tamen sunt paludati ambo Imperatores, Parthis, & Marcomannis cuncta turbantibus, alijs etiam gentibus, quæ pulsæ à superioribus Barbaris fugerant, nisi reciperentur, bellum inferentibus. Nec parum profuit ista profectio, cum Aquileiam vsque venissent; nam plerique Reges cum populis suis se retraxerunt, & tumultus Auctores interemerunt. Quadi autem amisso Rege suo, non prius se confirmaturos eum, qui erat creatus dice-

dicebant, quàm id nostris placuisset Imperatoribus. Lucius autem inuitus profectus est. Cum plerique ad Legatos Imperatorum mitterent, defectionis veniam postulantés, & Lucius quidem, quòd amissus esset Præfectus prætorio Furius Victorinus, atque pars exercitus interiijset, redeundum esse censebat. Marcus autem fingere Barbaros existimans, & fugam, & cætera, quæ securitatem bellicam ostenderent, ab hoc, ne tanti apparatus mole premerentur, instandum esse dicebat. Denique transcensis Alpibus longius processerunt, composueruntq; omnia, quæ ad munimen Italiæ, atque Illyrici pertinebant. Placuit autem, urgente Lucio, ut præmissis ad Senatum litteris, Lucius Romam rediret. Unà quoque postea iter ingressi sunt: sedens cum fratre in vehiculo, Lucius apoplexia arreptus periit, & post multa addit: corpus Lucij Romam aduectum, illatumq; maiorum sepulchro; ac inter diuos ipsum Lucium à Senatu esse relatum.

In eius sepulchro ad Adriani molem posito, inscriptio legitur, qua erroris redarguitur ipse Iulius Capitolinus, & Aurelius Victor, qui dixerunt eum imperasse annos vndecim, cum nouem tantum reperiatur in Imperio vixisse, quod eius sepulchri eiusmodi docet elogiū, his verbis exaratum: Imp. Cæsari L. Aurelio Vero Med. Partic. Pontif. Tribunic. Pot. IX. Imp. V. Cos. III. PP. Quot enim vicibus habetur numerus Tribunitiæ potestatis, tot annis eum vixisse in Imperio dicendum est. Nam (ut ex nummis constat) ea primum cum Imperio semel adepta, annisq; singulis iterata, certum eius Imperij numerum annorum constituit; ex numero igitur Tribunitiæ potestatis certam, & firmam chronographiam annorum, cuiusq; Imperatoris, superius quoque, auctore Dionē, notasse meminimus. Quod ut exploratius cuique sit, eiusdem Dionis hic reddam verba, quod maximi ponderis sit; nam de his frequenter ob dubium annorum numerum, cuiusque fermè Imperatoris oportuit meminisse; ait itaque Dion: Gerere quidem Tribunatum plebis, & nefas ducunt Imperatores, cum utrique ipsi Patritij sint; omnem verò Tribunitiam potestatem, quan-

*Dion. hist.
Rom. lib.
53.*

quantum vnquam maxima fuit, accipiunt. Et quia quotannis eam cum Tribunis plebis eius anni renouant, annorum Imperij ipsorum, hinc summa concipi solet. Hæc Dion. Ex quibus tempus exordij Marcomannici belli, & obitus Lucij perspicuè demonstratur.

Cæterum M. Aurelius, qui funus Lucij curaturus Romam aduenit, haud passus est, se illic diutius retineri; sed inde mox recedens, susceptum Marcomannicum bellum, & prosecutus, eòq; diu detentus fuit; quod quidem Galenus narrat his verbis: Dum Aquileiæ hibernarent, exercitum colligere, & instruere decreuissent, nuncios ad me miserunt, quibus vt ad se venirem iubebar. Cæterum Lucio media, hieme ad superos concedente, vt cadauer Romam retulit, & quæ consueta sunt fieri peregit; iter in Germanos suscepit, atque se subsequeretur mandauit. Verum cum bonus, & humanus esset, ipsi, sicut scis, persuadere volui, vt me in Vrbe relinqueret, præsertim cum breui rediturus esset; & post nonnulla: Præter opinionem igitur cum Imperator diutius bello Germanico detentus fuisset, omne id ocium ad scribendum contuli. Hæc ipse: Quod vero Capitolinus post Lucij obitum Cassium rebellasse tradit; non id continuo accidit, sed post acceptam de Barbaris victoriam contigisse; inferius tradit.

Tempore eiusdem Marcomannici belli, martyrio coronatos Geruasium & Protasium, quæ S. Ambrosij nomine conscripta habetur, eorum acta testantur. Expetiuisse enim Sacerdotes Idolorum ab Aftasio Duce, vt si vincere Barbaros, & ad Imperatores victor reuerti cuperet, & de dijs benemereri: Geruasium & Protasium Christianos supplicio afficeret: quod ille impigre faciendum curauit. Scimus tamen alios ad alia tempora eorum referre martyrium.

At quomodo falso oraculo opera Alexandri impostoris, tanquam ab Aesculapio, qui recenter apparuisset prodito, Marcus Imperator illi fidem præstans, insigniter deceptus, ipseque Romanus exercitus ingenti clade affectus sit; Lucianus rem gestam in hunc modum describens: Accipe (inquit)

*Galen. de
Precog. ad
posthum.
cap. 9.*

*Lucian. in
Pseud.*

quit) iam facinus hominis scelestissimi, vnum inter omnia multo imprudentissimum. Quum iam non mediocrem in regiam aditum sibi patefecisset, inque Aulam Cæsaream, præsertim Rutiliano rem adiuuante, atque approbante: cum bellum, quod in Germania gerebatur, maximè flagraret, Diuo Marco cum Marcomannis & Quadis conscrente oraculum diuulgauit, quo iubebat, vti duos leones viuos in Danubium immitterent, varijs cum odoribus, & sacris quibusdam magnificis, sed præstat oraculum ipsum referre:

Gurgitibus fluij turgentes ab imbris Istri

Immisisse duos Cybeles edico ministros

Monte seras alitas, tum quantum alit Indicus aer

Florum, atq; herbarum bene olentum, moxq; futura est,

Et victoria pax, & amabilis, & decus ingens.

Hæc cum facta essent, quemadmodum ille præscripserat: leones quidem, simulatq; in hostium regionem enataissent, Barbari canes quospiam, aut lupos esse rati, fustibus arcebant. At nostrorum protinus maxima strages consecuta est, viginti fermè millibus simul extinctis. His similia, sunt ea, quæ in Aquileia contigerunt; quum parum abfuerit, quin Vrbs ea caperetur. At is, ad id quod euenerat Delphicam illam responsionem, Cræsoq; redditum oraculum frigidè sanè detorsit: dicens Deum quidem prædixisse victoriam; haud tamen explicuisse vtrum Romanorum futura esset an hostium. Hucusque de oraculo impostoris famosissimi Lucianus. Ex his videas Imperatorem dijs fidentem, & Christianos odio prosequentem, in extremum discrimen adduxisse Romanum exercitum; sed quod in eo militarent plurimi Christianorum, haud funditus deleri potuisse: horum namque præstantia, ac pietate postmodum non ipse tantum Romanus exercitus diuinitus est liberatus, sed & hostes penitus profligati: hæc autem quomodo facta sint, suo loco vberius dicturi sumus.

Dio Cassius, de huiusmodi miraculo loquens scribit: post periculosum bellum, magnumque certamen cum Populis Quadis suscepit, de quo quidem bello victoriam præter omnem

nem

nem spem est consecutus; vel potius Dei Optimi Maximi beniguitate: nam cum Romani præliarentur, & maximo in discrimine versantes, mirificè, diuinèq; custoditi fuere: nam à Quadis in opportunis locis inclusi, simul omnes acerrimè pugnabant. Cum verò Barbari certamen protraherent, sperantes hostes inorti proximos, esse ab æstu, atque siti viduos, qui cum eos vndique curam dedissent, ita incluserunt (cum ipsi maioris militum copiarum essent) vt carerent aqua. Quàm obrem Romani in tot tantisq; periculis versantes, à morbis, vulneribus, Solis ardore, sitiq; vexati, decertare non poterant, aut alio se se referre, sed in acie morantes proptius in locis ardebant: Cum illico nubes condensata, atque collecta in maximam aquarum copiam ceciderunt, non sine Dei beneficio. Fertur Anuphidem Magū Aegyptium tunc temporis in acie cum Marco commorantem, aerium Mercurium inuocasse, aliosq; daemones magica arte, ipsiq; adiuuantibus pluuiam procurasset; quæ quidem cum primum cadere incepit, Romani sursum insipientes, eam ore sumebant, postea clypeos, & galeas submittentes, largè potabant, eorumq; equos refrigerabant. Cum Barbari eos bibere viderent, aduersus eos impetu petebant, qui etiam decertabant. Plurimi vulnere percussi, effusum in clypeis sanguinem simul cum aqua absorbebant; & quia plurima pars eorum in bibendo occupata erat, grauissimis detrimentis à furenti hoste fuit affecta. Tunc impetuosa grando, pluresq; sagittæ contra hostes cadebant. Itaque illico videri poterat, aqua & ignis à cælo cadere: nam nonnulli bene valebant, & potabant, alij ardebant, & omnino peribant; ignis enim nullum Romanis damnum inferebat, & si fortè aliquando inter eos miscebatur, repentè exstinguebatur.

Nec pluuiæ cadens adiuuabat Barbaros, quos instar olei comburebat; itaque à pluita madefacti, quærebant aquam, ac se ipsos vulnerabant, vt ignem sanguine exstingerent. Aliqui ex ipsis ad Romanos transfugebant, ac si apud ipsos salutifera aqua reperiretur. Marcus misertus illorum, ob quam rem à militibus Imperator fuit appellatus. Quod quidem

quidem, quamvis recipere non auderet, antequam à Senatu definitur: tamen non recusavit, ac si à Deo huiusmodi Imperatoris dignitas ei concessa esset; hucusque Dio. haud à sincero calamo hæc conscripta. Ideo Ioannes Xiphilinus ^{In Xiphilini, in sua epit.} in sua epitoma subdit: hæc Dio de Magis Aegyptijs narrat: Sed mihi mentiri videtur (nescio an volens, an nolens, potius censeo volens) cognoscens ipse militum legionem proprio nomine nuncupatam *Κεραυνόφορος*, idest fulminatricem, de qua meminit in Cathalogo aliorum militum, non ob aliam causam (veluti verum non erat) quàm ob illam, quæ accidit in bello, nuncupatam esse. Quæ legio Romanorum salutis causa extitit, & Barbarorum excidij: non enim Magus erat Anuphides, cum nullibi scriptum reperiatur, quod Marcus Antoninus societate, & Magorum incantationibus delectaretur. Quod igitur hac in re dico, est, quod cum Marcus militum Melitenensium legionem haberet (omnes isti Christum adorant) ad ipsum accessit Prætorum Præfectus, videns Imperatorem dubium esse consilij, atque sententiæ, cui assentiretur, & propter exercitum metuebat, cum quo ita eum loquurum esse fertur: Nihil esse, quod precibus impetrare non possent illi, qui Christiani dicuntur; subdens esse legionem huius gentis in exercitu. Quod cognoscens Marcus, maxime incubuit, ipsos suppliciter apud eorum Deum preces effundere: Orarunt fideles, & Dominus non despexit eos, & hostes fulminibus percussit, ac Romanos refecit pluvia. Huius rei maxima affectus admiratione, Marcus, edicto Christianos veneratus est, eorumque legionem *Κεραυνόφορον* appellavit; & fertur de omni hac re, esse quandam epistolam Marci: & Gentiles faciunt, ut illa legio fulminatrix vocetur, & planè hoc ipsum testantur. Verum causam non aperiunt, cur tale nomen obtinuerit. Celebrat Tertullianus idem miraculum, S. Apollinaris Episcopus Hieropolitanus, Eusebius Pamphilus, & S. Gregorius Nyssenus in oratione, in laudem quadraginta martyrum.

Dubium nullum est, quin beatissimus Pontifex Anicetus, Romanum exercitum, suis ardentibus precibus comitatus

fuerit, vt Gentiles cognoscerent se inimicos esse illius, aduersus quem in persona suorum seruorum adeo sæuiebant. Itaque ego summa ratione adscribo, & miraculum, & victoriam contra barbaros obtentam meritis, precibus, tandemque effuso sanguini, propter Iesu Christi amorem, suarumque ouium sancti Pastoris. Immo quod hætenus narrauius, & de sanctis sermonem habituri sumus, qui sub Aniceti Pontificatu floruerunt, in ipsius Pontificis honorem, atque gloriam resultat, non solum quia id, quod ingenuus efficit miles, Duci rationabiliter adscribitur; sed etiam, quia vero consentaneum est, Anicetum eo tempore, vt potè custodem vigilem à Domino constitutum, summa prouidentia inspexisse, ne oues Christi à lupis infernalibus discerperentur, etiam tanquam validissimum Imperatorem, pro salute & victoria suorum militum laborasse. Quàm feruidas preces putabimus, ex sanctissimo pectore, ad solium sanctissimi euolasse pro salute suorum? Quot epistolas, sermones, exhortationes ad fideles, persecutionibus diuexatos emanasse? cuius namque patris tam feruens charitas? cuius ducis tam ingens vis, ad fortitudinem in militum animis imprimendam? Hæc fuerunt Christi militibus arma; quibus freti aduersus hostium impetus constiterunt; quibus alacres effecti, contra immanissimos fidei hostes, gloriosissimos triumphos victoriæ extulerunt. Opportuno sanè tempore talem pastorem, ac ducem Dominus Ecclesiæ prouidit. Si enim vnam sancta Ecclesia tanto præside indigebat, illud sane tempus erat, cum à toto mundo exagitaretur, infestantibus tot, tantisque scelestis hominibus, quorum vnus Lucianus, de quo superius meminimus. Hic ferè omnes in suis dialogis (inquit Photius Patriarcha in sua bibliotheca) res Gentilium (velut in scæna) irridet, eorum errores Deorum fingendo insaniam, effrænatum in luxuria, & impudentia impetum. Addit Suida: In Antiochia ab initio concionator fuit, cum censuerint nonnulli, eum Christianum fuisse; qui cum alius extiterit, atque expectaretur, ad conscribendi studium se adiunxit, innumerasque res conscripsit: Fertur cum

*Phot. par.
in sua bi-
blioth.*

eum à canibus dilaniatum esse : nam contra veritatem rabiem exercuit ; in vita enim Peregrini, Christianam rempublicam improbat scelestissimus , & perfidissimus Lucianus . Quapropter hac in vita , æqua castigatione fuit affectus (vt eius furor exigebat) Atque in futurum ignis æterni hæreditate simul cum diabulo fruetur, digno sane sepulchro illius, qui Ecclesiam persequitur .

CAP. VIII.

Annus sextus Aniceti.



CENTESIMO septuagesimo secundo Christi anno, Seuero Cethego, & Iulio Claro Coss. M. Aurelij Imperatoris anno decimo, Melito Sardensis in Asia Episcopus, pro Christianis sæua persecutione exagitatis, eidem Marco Aurelio Antonino Imperatori Apologeticum obtulit. Quam neruosus fuerit liber ille, & Christiano Episcopo dignus, pauca quidem ex eo accepta, Eusebius recitat, faciliè monstrant. Sunt enim hæc : Iam quod nunquam antea accidit, totum genus piorum hominum, qui se diuino cultui addixerunt, persecutione affligitur, & nouis edictis promulgatis, per vniuersam Asiam exagitatur. Nam impudentes, & proterui calumniatores, atque adeo alienarum rerum appetentes, ex his edictis occasionem nacti, palam noctu, atque interdiu furantur, eosque expilant, qui nihil cuiquam omnino intulerunt iniuriæ ; & paulo post : Quod si te præcipiente hoc sit (Iustus enim Imperator, & Rex non iniusti quidquam aliquando consilio statuit) sit sanè rectè factum, atque eiusmodi mortis præmium lubenti animo perpetimur . Istam autem vnam tibi supplices petitionem offerimus, vt tu ipse, Auctores talis contentionis, & dissidij despiciendos cures : denique recto iudicio decidas, mortem,

*Euseb.
hist. lib. 4.
cap. 25.*

ne ac supplicium, an salutem, & securitatem sint promeriti. Sin verò istud consilium, hocq; nouum decretum tua auctoritate minime sancitum est, (quod planè ne contra cruedes quidem, & barbaros hostes statuere æquum est) multo magis te obsecramus, ne tam aperto latrocinio, nos expoliari permittas. In hoc sexto anno Pontificatus Aniceti, multi celebres scriptores fuerunt, & sanctimonia præditi, qui libros in defensionem Christianæ Reipublicæ contra Hæreticos, atque etiam libros summa sapientia plenos conscripserunt, atque elaborarunt. Primum Melitonis duo de Paschate libri, alius de recta vitæ Christianæ institutione, de Prophetis alius, liber item de Ecclesia, alter de die Dominico: est præterea eiusdem liber de natura hominis, de eius creatione, de obedientia fidei, de sensuum sedibus, istis accedit liber de anima, & corpore; inter quos est etiam liber de lauacro regenerationis, de veritate, de fide, de generatione Christi, liber etiam eiusdem de prophetia, de hospitalitate, Vnus item, qui clauis inscribitur, alius etiam de diabulo; alius de Apocalypsi Ioannis, de Deo incarnato, postremo ad Antoninum scriptus. In libris, quos de Paschate confecit, quo tempore illos scripserit, in ipso illorum exordio, his verbis refert: Cum Seruilius Paulus esset Asiæ Proconsul, quo quidem tempore Sagaris martyrij corona donatus est, controuersia de Paschate; quod quidem festum, fortè eodem temporis articulo, quo oriebarur controuersia incidit, atque illis ipsis diebus, etiam à me ista, de festo illo fuere præscripta, & in fine: Idem Auctor præterea in proœmio operis sui, quod breues, & selectas sententias ex scripturis depromptas, continet, librorum veteris testamenti, qui sunt omnium consensu & auctoritate probati, catalogum citat, quem quidem isto loco ad verbum percernere necessarium duximus.

Melito Onesimo fratri S.

Quoniam sæpenumero incredibili studio erga verbum Dei succensus, à me vehementer flagitasti, vt quædam breues, & selectas sententias, ex lege, & Prophetis, & Salvatore
re,

re, & vniuersa fide nostra excerptas, tibi contexerem; & item librorum veteris testamenti accuratè cognoscendorum cupiditate incitatus, quot numero sint, & quo ordine collocati, magnopere scire experiuisti, cum studium tuum erga fidem, & cognoscendi auiditatem erga verbum Dei pro certo intelligerem: & quod pro æternæ salutis corona strenuè instar athletæ decertans; istas res ob desiderium illud, quo erga Deum exardescis, maxime omnium præferre videre: illud planè cum tale, & tam fructuosum cernerem cumulatè quoad poteram, perficere laboraui. Proinde in Orientem itèr suscipiens, & eò vsque loci proficiscens, vbi hæc & prædicata, & gesta fuerunt: cum accurate à quibusdam de veteris testamenti libris didicissem, illorum nomina his subscripta ad te misi, quæ sunt hæc: Moyses quinque Genesis, Exodus, Leuiticus, Numeri, Deuteronomium, Iesus naue, Iudices, Ruth, Regum, seu Regnorum libri quatuor, Paralipomenon duo, Psalmi Dauidis, Salomonis proueria, Sapientia, Ecclesiastes, Canticum Canticorum, Iob, Prophetarum libri, Isaia, Hieremia, & duodecim Prophetarum scripta, in vno libro separatim contenta, Daniel, Ezechiel, Esdras, ex quibus breues, & selectas sententias excerptissimus, eas in sex libros dispertiuimus. Tot libri dicuntur esse Melitonis: hæc Eusebius. Sed quod ait de sua profectioe ad Orientem, ad locum vbi diuina scriptura prædicatione est vulgata: haud dubium, de Hierosolyma est intelligendum, vbi agens, ex Canone Hebræorum tantum, quos recitat libros recensuit. Cum igitur Melitonis lucubrationes, tum ab Eusebio, tum etiam à S. Hieronymo, adeo exactè sint enumerasæ: planè constat librum illum, de transitu Virginis, Melitonis nomine decoratum, alterius potius esse Auctoris; nec vel Melitonis continere apicem, eruditus quisque perfacile iudicabit. Sed enim illum recens emisisse, & antiquos omnes lauisse, certum est: ac proinde apocryphum iurè censendum.

Quod vero in libro de Paschate, Melitonem meminisse ait de Sagari martyre, fuisse hunc Laodiceæ Episcopum, ac illu-

*Apud Eu-
seb. lib. 5.
cap. 25.*

illustris martyrij obijisse certamen, testatur Polycrates Episcopus Ephesiorum, qui & de Melitonis exitu meminit, dicens: Quid attinet dicere de Sagari Episcopo, & martyre, qui Laodiceæ mortem appetijt? Quid porro Beatum Papi-rium, & Melitonem eunuchum recenseam, qui Spiritus sancti instinctu afflatus, totum vitæ suæ tempus, piè, sanctèq; exegit, qui Sardis tumultu conditus est, expectans Christi è cælo ad vniuersam carnem visitandam aduentum, ex quo ex mortuis resurget? Isti omnes diem Paschatis decimoquarto die lunæ ex Euangelij præscripto obseruarunt, &c. Huius (inquit Hieronymus) elegans, & declamatorium ingenium laudans Tertullianus, in septem libris, quos scripsit aduersus Ecclesiam, pro Montano, dicit eum à plerisque nostrorum Prophetam putari; sed de his superius vbi toleratam eam de Paschate celebrando sententiam, tunc fuisse, duximus. Quamobrem Sagaris, & aliorum nomina publica attestazione, sunt in Ecclesiasticis tabulis meritò recensita, certusque singulis tributus dies, quo anniuersaria eorum memoria celebretur.

*Hier. de
scrip. eccl.*

*Euseb. lib.
4 cap. 26.*

At non Melitonem solum, sed & Apollinarem Hieropolitanæ Ecclesiæ Episcopum, fama conspicuum, scripsisse librum suis temporibus, pro fidei Christianæ defensione, idem testatur Eusebius, qui & cæterorum eius scriptorum his verbis seriem texuit: Ex multis Apollinaris scriptis, quæ apud multos integra seruantur ista sunt, quæ ad nos peruenerunt, liber ad Imperatorem, de quo antea diximus, scriptus: quinque libri contra Gentiles, de veritate duo, contra Iudæos duo; & alij, quos deinceps scripsit, contra Cataphrygarum hæresim, quæ id quidem temporis (quandoquidem iam tum Mtanous, cum suis pseudopphetis, peruersæ suæ opinionis fundamenta iaciebat) tanquam nosci cœpit: atque etiam non longo tempore post, de integro renouata, multo scripsit longius. Hæc de Apollinari Eusebius. Alios item complures tunc claruisse in Ecclesia viros sanctitate, & doctrina egregiè excultos testatur, inquiens: Philippus porro, quem Dionysij testimonijs, Ecclesiæ Gortynensis Episcopum

pum fuisse cognouimus, longè accuratissimum opus contra Marcionem contexuit: idem ab Irenæo factitatum est. Modestus quoque egregiè præter cæteros, viri illius errorem conspicatus, omnium oculis subiecit, ad contemplandum. Alij item complures Scriptores extiterunt, quorum lucubrationes, adhuc in permultorum fratrum manibus integræ custodiuntur. Inter alios verò est de Musano, apud eundem memoria nobilis, cum ait: Musani autem, quem inter eos, qui supra demonstrati sunt, numeramus: extat quidem liber elegantissimus, ab eo scriptus aduersus quosdam fratres, qui videbantur inclinare ad hæresim eorum, qui Encratitæ dicuntur. Meminit horum omnium S. Hieronymus. Recenset quoque inter hos Eusebius Pinytum, Episcopum Cretensem, de quo idem Hieronymus ait: Pinytus Cretensis Gnosæ Urbis Episcopus, scripsit ad Dionysium Corinthiorum Episcopum valde elegantem epistolam, in qua docet, non semper lacte populos nutriendos, ne quasi paruuli ab ultimo occupentur die, sed quasi solido vesci debere cibo, vt in spiritualem proficiant senectutem: Sunt & alij, qui his temporibus claruerunt Catholici scriptores ecclesiastici, de quibus aliàs opportunius. Vides ex his, & planè intueris diuinam erga Ecclesiam prouidentiam, quæ scilicet perditissimis hisce temporibus, quibus dictæ hæreses inualescebant, quæ ex diuersis scholis Philosophorum prodierant, eruditissimos, omniq; disciplinarum genere excultissimos dederit viros, qui non eorum modo procaciam infringerent, petulantiam reprimerent, omnesque conatus frustrarentur; sed, & eruditissimis Commentarijs Gentilium etiam in Christianos, vt impiorum oblatrantium impetum tetunderent, atque audaciam coercerent.

Iustinus Philosophus, & gloriosissimus martyr, ab omnibus alijs magus nuncupatus, Romæ moram faciebat philosophans, ait: Photius verbis, vita & habitu, nulla dubitatio in vllum cadere debet, quin tantus vir, assidua consuetudine vteretur, cum Aniceto consultans, ac decernens id, quod magis expediebat Ecclesiæ. Iste magnus Philosophus
innume-

*Hier. de
scrip. eccl.
in Pinyto.*

innumeros libros edidit, in quibus modo reprehendit Gentiles, tanquam leues in credendo tot, tantisque falsis Deis; modò ostendit Christianos veri cælestis numinis, veros cultores esse; & modo disputans aduersus aliquos, solum nomine philosophos. Demum Iustinus, ob suam altam sapientiam ab omnibus, permagni æstimabatur; atque omnes in admirationem adducebat. Quapropter fides Catholica non mediocre augmentum suscipiebat, & cum Christi Domini rerum summo amore, ac desiderio exardesceret, habuit quendam aduersarium, nomine Crescentem, qui & in vita, & in religione ei aduersabatur; nam sanctum accusauit, fecitque, vt martyrij palma coronaretur, laborum & sudorum ob Christi amorem effusorum veri præmij. Quod ipsemet veluti futuri prælagus ita innuit: Atque ego igitur expecto quempiam dictorum insidias mihi moliri, ac in ligno clauis affigi: ò Crescens simulate, & superbe Philosophæ, cum haud dignus sit retinere nomen Philosophi is, qui publicè Christianos, tanquam impios, & scelestos lacerat, cum ei, quales sint non innotescant; sed solum propter multorum deceptorum obsequium, ac satisfactionem id efficiens: nam, vel Christi Domini doctrinam non callens, nobis aduersus est; & ita pessimus est, rudiumque ignorantiumque hominum peior, qui loqui, ac falso testari cauent ea, quæ illos latent, vel vidit, & magnitudinem, quæ in ipsa continetur, haud capere potuit, vel cum capere posset, ne se Christianum esse in suspicionem veniret, hæc agit, atque ita est abiectissimus, pessimus, ac rudi, irrationabiliq; opinioni, & timori subiacer. Placuit diuinæ providentiæ tot, tantosque illustres viros excitare ad hoc, vt illius turbulentissimæ ætatis erroribus obijcerent, & aduersarentur.

Annus septimus Aniceti .



ANNO Christi Domini nostri centesimo septuagesimotertio, Severo, & Herenniano Coss. Marci Aurelij Imperatoris anno vndecimo, pseudoprophetia, quæ iuxta Phrygas nominatur, accepit exordium, Auctoribus Montano, Priscilla, & Maximilla infans Varibus: hæc Eusebius. Verum

*Euseb. in
Chron.
Epiphani.
heresi 48.
Apud Euseb.
lib. 8.
cap. 15.*

Epiphanius aduersus eosdem agens, hæc ait: Hic fuerunt circa annum 19. Antonini Pij, post Adrianum. Rursum autem scribit Apollinaris, qui eodem quo Montanus vixit tempore, sub Grato Asiæ Proconsule, Montanum ad fidem venisse, ac mox coepisse se efferre superbia. Mentio de Grato Consule apud Cassiodorum habetur, anno quarto Antonini Pij Imperatoris, quem si velimus, more maiorum, post Consulatum Proconsulatum Asiæ accepisse, ad ea tempora eius sunt primordia referenda; at possumus, hanc sententiâ eiusdem Eusebij, de Apollinare hæc scribentis, simul conciliare: Scripsit, inquit, contra Cataphrigarum hæresim, quæ id quidem temporis (quandoquidem iam tum Montanus cum suis pseudoprophetissis peruersæ suæ opinionis fundamenta iaciebat) tanquam nasci coepit, atque etiam non longo tempore post, de integro renouata, multo scripsit longius. Duo igitur tempora, imo & tria Montani, ac sociorum considerata putamus. Primum, cum iidem in Ecclesia prophetare coeperunt, & in admiratione sunt habiti, sed nondum detecti Hæretici, quippe qui ouinis pellibus lupos induentes, vitam optimis compositam moribus, abstinentiam præsertim excultam, extrinsecus præferrent. Insuperq; & miraculorum sibi virtutem arrogantes, nec dum quidquam catholicis dogmatibus contrarium loquentes. Iam toti Orbi facti conspicui, & in admiratione habiti, ab omnibus pro-

modum præconijs tolli, & laudibus prædicari cœperunt.

Secundum verò tempus fuit, cum res in controuersiam deduci cœpit, primis Marci Aurelij, Antonini temporibus, cum in Gallijs ingens persecutio vigeret: quæ duo tempora *idem lib. 3. cap. 8.* Eusebius simul oratione coniungens ait: Cum Montanus, & Alcibiades, & Theodotus in Phrigia, iam prophetandi opinionem, apud complures adepti fuissent, permulta enim diuina gratia largiente, miracula, & opera stupenda ad illud vsque tempus per varias Ecclesias edita, fidẽ multis faciebant, illos etiam donum prophetiæ fuisse consecutos. Cumque de istis hominibus controuersia orta esset, fratres rursus, qui in Gallia habitabant, priuatum iudicium, idque prudens & rectum, cum primis de ijsdem epistola, quam diximus, subiunxerunt: hæc de illis cum scribar Eusebius, planè significare videtur, eos aliquando recta ambulasse, & diuina gratia illustratos, signa & miracula edidisse; sed ea de re aduersas, his fuisse postmodum nonnullorum sententias sanctorum virorum.

Tertium verò tempus illud fuit, cum ijsdem iam palam facti, quales essent, ab Ecclesia Catholica penitus eiekti sunt, quod quidem non fuit parui negotij opus; tantam enim sibi apud plurimos æstimationem, & gloriam comparauerant, vt nec iam detecti, exciderint ab opinione multorum: immo, & qui de eis aliquando recta sensissent, atque damnassent, postea fraude pellecti, eorundem facti fuerint acerrimi defensores, vt Tertullianus planè infelix, qui in calce lucubratißimi operis, quod aduersus hæreticos conscripsit, de præscriptione, secundum Phrygas, hæreses notat, atque condemnat; post verò ijsdem omnibus, intensis neruis patrocinator est. Magna certè Montani fraus, tentatio in Ecclesia fuit, cum non hic, vel ille inanis homo, & facilis ad credendum, ab eiusmodi composita larua deceptus sit, sed, & qui magna præditi videbantur sanctitate, atque doctrina. Enituit tunc temporis, quæ de Sede Petri impolluta seruanda viguit, semper vigilans diuina prouidentia: nam cum illi, totis viribus nisi essent, primariæ Ecclesiæ

*Tertull.
de præscr.
cap. 32.*

clesie communicationem suffurari, quò sic ab vniuersa Ca-
 tholica Ecclesia viderentur esse recepti, atque probati. Dum
 res apud Romanum Pontificem ageretur, idemq; de imper-
 tienda illis communicatione, litteras dedisset, continuò re-
 uocauit, cum adueniens Praxeas, Catholicæ Religionis tunc
 homo multa de illis, quæ hætenus præterijissent, ipsum Ro-
 manum Pontificem idem significasset, inculcassetq; testa-
 tur id quidem Tertullianus, cum ait: Nam idem Praxeas
 tunc Episcopum Romanum agnoscentem iam prophetias *Tertull.
aduers.
Prax. c. 9.*
 Montani, Priscæ, Maximillæ; & ex ea agnitione, pacem Ec-
 clesijs Asiæ, & Phrigiæ inferentem, falsa de ipsis Prophetis,
 & Ecclesijs eorum adseuerando, & Prædecessorum eius au-
 thoritatem defendendo, coegit, & litteras pacis reuocare
 iam missas, & à proposito recipiendorum charismatum,
 concessare. Hæc Tertullian. quem licet velimus, non men-
 titum esse (periculosum enim alioqui est hæreticis, de suis
 dogmatibus, quæcumque dicentibus fidem prestare) quid
 magnum est falsis assertionibus, surreptam pacificis scriptis
 litteris communicationem, dare Romanum Pontificem.
 Accidit id quidem aliàs sæpe; & inter alia plura exempla
 illud est perspicuum, quod in præsentiarum menti occurrit:
 Eustathius Sebastenus hæreticus, Romam veniens cum suis,
 ad Liberium Papam, fidei Catholicæ sinceram professionem
 edens, dolosè communionem surripuit, rediensq; gloriosè
 de Romanæ Ecclesiæ communione se extulit; sed reclaman-
 tibus Orientalibus, & qualis adhuc esset Eustathius decla-
 rantibus, rursus sic cognitus, ab Ecclesia pulsus est, atque
 damnatus, vt suo loco dicemus, qui nouit nunquam à Ro-
 mano Pontifice, atque etiam aliis consueuisse litteras com-
 municatorias dari, quas & pacificas dicimus, absque fidei
 Catholicæ præmissa prius confessione; nec rursus illam
 profitentibus, ac eas petentibus, litteras potuisse negari.
 Haud profecto mirabitur, Papam per litteras impertitum
 fuisse pacem Ecclesijs Phrigiæ, atque Asiæ, quarum fidem
 Catholicam, edita ex more rectæ fidei professione, iam ex-
 ploratam habuisset: Hoc est namque, quod ait Tertullia-

nus, ipsum Romanum Pontificem agnoscentem prophetias Montani & sociorum, ex ea (quod addit) agnitione pacem Ecclesijs Asiæ, & Phrigiæ, per litteras concessisse, perinde ac si diceret, cognita ab eis edita fide Catholica, nec ab eorum prophetias dissentire cognoscens, (haud dubium eas, quæ in illis erant hæreses, oculuisse) ad dictas Ecclesias litteras pacificas dedit. Nam quid est per Praxeam alijs significatis reuocasse, quas dederat, pacificas litteras, nisi prodita illorum hæresi, eos auersatum fuisse? vt appareat in omnibus viguisse simul, eiusdem Romani Pontificis sinceritatem, ac pariter potestatem.

Sic igitur tribus his temporibus consideratis, nulli sanè crimini dari potuit, si ipso initio, vel medio tempore, cum primum illorum prophetiæ, iunctæ miraculis veris, vel apparentibus ederentur; vel cum postea de ijs dubitatione exorta, diuersæ essent diuersorum sententiæ, quis ijsdem communicaßet; sed tantummodo crimen erat, cum patefacta, atque à Catholica Ecclesia improbata ipsorum hæresi, id sciens quis, prudensq; fecisset; fuisse namque semper à temporibus Apostolorum, ac perseuerasse imposterum spiritum prophetiæ, absque controuersia apud omnes est, de quo & Iustinus martyr hæc ait: Apud nos enim hucusque, prophetica extant dona. Vnde, & vos intelligere debetis, quæ olim in genere nostro, (de Iudæis intelligit) fuere, ea esse in nos translata. At quemadmodum apud vos sanctorum Prophetarum tempore, etiam pseudoprophetæ erant; ita, & apud nos permulti sunt falsi doctores, quos cauendos esse Dominus noster præmonuit. Et post multa: est (inquit) apud nos videre, & fœminas, & masculos dona à spiritu Dei habentes. Equidem ex veteri quoque prophetia iure sibi sancta Ecclesia, nouas vindicat prophetias, Ioelis nempe oraculo dicente: Effundam spiritum meum super omnem carnem, & prophetabunt filij vestri, & filiæ vestræ; idque sibi per Christum concessum est, diuino spiritu, ex menßura fidei, quod ait Apostolus, his & alijs charismata singula diuidente.

*In Iustin.
dialog. c. 8.
Triphon.*

Ioel. 2.

Rom. 12.

Cete-

Cæterum, quod spectat ad Montanum, & socios eius, perfacile fuit ab eis decipi, quippe qui in omnibus speciem pietatis præferebant: nam vt docent Philastrius, Epiphanius, Theodoretus & alij, scripturas omnes, tam veteris, quam noui testamenti recipiebant de Patre, Filio, & Spiritu sancto, paria cum Ecclesia sentiebant, dona Spiritus esse pariter in Ecclesia, ac fidelibus etiam impertita affirmabant; disciplinam insuper ecclesiasticam se arctissimè seruare profitebantur, ieiunia, martyria, & cuncta alia, quæcunque in pretio essent in Ecclesia Catholica, excolere diligentissime curabant; Nec id quidem verbis dumtaxat, sed re ipsa præstare videbantur. Magna itaque hæc omnia, apud vnumquemque, durioris licet ingenij hominem, vim habuisse quis dubitet?

*Philast.
de hæres.
cap. 5.
Epiph. de
hæres. 48.
Theodor.
hæres. fab.
lib. 3.*

Cæterum quis hæc accuratè considerans, non afficiatur magna animi admiratione, atque stupore, perspicuens diaboli callidam artem, atque in decipiendo versutiam, nouo semper certamine, quominus suarum technæ insidiarum, prodita, euitentur Dei Ecclesiam oppugnantis? Ecce tibi qui non ita pridem, nempe hoc ipso sæculo, Gnosticorum, & aliorum, quos retulimus turpitudines, commentus erat, vt ignominiam irrogaret Ecclesiæ, eamque penitus labefaceret: iam detectus, & vnà cum suis sectarijs, omni execratione dignus habitus, atque proscriptus, immutans speciem, omnesq; exuens prioris habitus impuritates, sordes, at turpitudines, superinducta summæ, atque admirandæ sanctitudinis composita larua, progreditur, nonnisi ieiunia, continentiam, & martyria prædicans, ostentansq; in suis prophetiæ spiritum, & summa illa à Christo olim promissa fidelibus charismatum dona, multa; alia superaddens, quæ ad sectam esse possent illecebræ, maximo omnium fuit Ecclesiæ detrimento.

Quod verò ad Montanum ipsum attinet, S. Hieronymus *Hier. 7.* ad Marullam scribens, in primis eum abscissum, & semiui- *54* rum appellat, ac proinde eunuchum fuisse declarat; qui nuper baptizatus, propriæq; excellentiæ gloria elatus, ma-

*Apud En
scilicet lib. 5.
cap. 15.*

lo arreptus spiritu, prophetam profiteri cœpit, magnamque inde sibi exultationem comparauit, nactus ad eam rem duas, quas seduxit nobiles fœminas, Priscam videlicet, quam nonnulli Priscillam nominant, & Maximillam, eademque eodem afflatus spiritu, docuit prophetare, quarum ope innumeros penè seduxit: nam Hieronymus scribens contra Pelagianos ad Chresiphontem de ijs, hæc ait: Montanus immundi spiritus prædicator, multas Ecclesias per Priscam, & Maximillam, nobiles & opulentas mulieres, primum auro corruptit, deinde hæresi polluit; hæc ipse: At quod ad rerum ab eo gestarum historiam pertinet, à nullo fidelius, atque certius, quàm ab eius temporis homine, qui aduersus eum cominus decertauit, assequi licet: Is fuit nobilis eruditione, atque virtutibus præstans, Apollinaris Hieropolitanus Episcopus, qui ab ipso rerum exordio, narrationem instituens, ad Anicium Marcellum scribens, in hunc modum præfertur: Quamquam longo, iam & prolixo temporis spatio, Anici Marcelle charissime, à te, vt aliquid contra Cataphrygarum hæresim scriberem, incitatus sum, tamen hætenus me ab illo instituto continui, non tam, quod dubitarem falsa eorum commenta, me posse conuincere, & firmis testimonijs, ac veritate corroborare, quàm quòd tum metuerem, tum sedulò præcauerem, ne Euangelico noui testamenti verbo, cui neque apponere, neque detrudere quidquam licet, & præsertim, qui secundum Euangelium vitam degere instituerit, quibusdam viderer meo quasi Marte, aliquid vel addere, vel statuere, quod non in eo omnino comprehensum sit.

En quanta modestia, animiq; demissione antiqui Patres, quantumlibet eruditissimi, atque sanctissimi, ad diuinas scripturas tractandas, etiam si ex eis oppugnaturi forent hæreticos, se conferebant: sed prosequitur deinde inchoatam de Montano narrationem, sic dicens: Verum cum nuper essem Ancyra Galatiae Vrbe, & Ecclesiam, quæ est in Ponto, contentionum procellis ab ista, noua & inusitata, non (vt illi dicunt) prophetia; sed potius (vt demonstrabitur) pseudo-

pseudoprophetia concitatis, iactatam offenderem; quantum poteram, iuuante Deo, de his ipsis eorum erroribus, qui iam passim vagantur, & de ijs, quæ ab illis proponebantur, multis diebus in Ecclesia assiduè disceptabam, adeo ut ea non solum permagna efferreretur lætitia, sed ad veritatem vehementer roboraretur; & qui contrarias partes tuebantur, eodem temporis momēto, à me refutati, animos deiicerent, & omnes veritatis aduersarij summo dolore angerentur. At cum Presbyteri, qui in eo loco erant, præsente Zoticō Otrēno postularent, ut de ijs, quæ fuissent contra veritatis aduersarios, eo sermone disputata commentarium aliquem relinqueremus; istud quidem minimè ibi præstitimus, sed constanter illis sumus polliciti, Domino nobis gratiam largiente, nos illum scriptis hoc loco mandaturos, & absque cunctatione ad eos missuros. Ista, aliaq; deinceps verba in exordio libri præfatus, & in sermone progressus paululum auctorem erroris, de quo locuti sumus, hoc modo commemorat, & paulò post.

Pagus esse dicitur in Mysia Phrigiæ, qui nuncupatur Ardabam: ibi ferunt quendam nomine Montanum, qui nuper ad fidem venerat, Grato tum Proconsule Asiæ; primum insatiabili quadam animi cupiditate, in Primatu ambiendo incensum, simulatq; aditum diabolo aduersario, ad se patefecerat, spiritu quodam maligno abripi, & de repente furore, & mentis insania exagitatum, bacchari, atque, mox non temerè solum garrere, sed peregrinas quasdam voces fundere, & contra quam Ecclesiæ consuetudo cum traditione, tum successione antiquitus ab Apostolorum temporibus, eò usque deriuata, postulabat, prophetare, scilicet cœpisse ex illis, qui eo temporis articulo adumbratas eas, & adulterinas voces auditione acceperant, nonnulli contra illum tanquam insano spiritu præditum dæmonio agitatū, falsi erroris, quasi vento pulsū, & hominum denique multitudinem magnopere conturbantem, acriter increpabant; & Domini tum distinctiones, qua spiritus innotescerent, tum minarum, quibus perterriti vigilan-

ter, pseudoprophetarum aduentum præcauerant, recordati, ne ita deinceps garrirēt prohibuerunt; alij autem dominicæ distinctionis penitus obliti, de eo, velut Spiritu sancto, & dono prophetiæ imbuto, se se gloriosè extulerunt, atque insolenter intumuerunt; à quo decepti, inque fraudem adducti, spiritum illum vesanum fallaciter blandientem, & populum in errorem astutè inducentem, vehementer sollicitarunt, vt se à loquendo non amplius prohiberi permitteret.

Diabolus igitur cum arte quadam, immo eiusmodi falsæ, & fraudulentæ astutiæ præstigijs, perniciem contra istos, qui ita se Deo opposuissent, machinatus esset, ab eisdem contra, atque meruerat, magno honore affectus, illorum mentem à fide, quæ est secundum veritatem, lapsam, errorisq; somno consopitam excitauit, incenditque, vt duas meretrices in illud ipsum scelus impellerent, spiritusq; complerent adulterino, quo non aliter quàm Montanus quem diximus furiosè, ineptè, ac nouo & peregrino modo garrirēt, vsque adeo, vt spiritus ille veteratorius, eos, qui tum in eo se oblectarent, tum effusè gloriarentur, interdum beare, & promissionum magnitudine admodum inflatos reddere videretur; interdum coniecturis, & rationibus probabilibus nixus, apertè eorum peccata coram redargueret, vt putaretur etiam corrector vitiorū, quamquam pauci ex Phrygijs erant, qui eius erroris tenebris inuoluebantur: præfractus tamen, & arrogans spiritus, ad Catholicam, & vniuersam sub cœlo Ecclesiam contumelijs onerandam, eos propterea perdocuit, quod idem ille pseudopropheticus eius spiritus, neque aditum ad illam sibi patentem habere, neque honorem in illa acquirere potuerat. Nam vbi fideles, qui Asiam incolebant, sæpenumero, & multis in locis eiusdem in vnum conuenerant, & doctrinam recens inductam explorarent, & eam prophanam, ac detestabilem ostenderant, & errorem ipsum improbarent. Sic tandem isti, tum ab Ecclesia extrusi, tum à communione penitus depulsi fuerunt. Hæc Apollinaris. Reliqua verò, quæ ab eodem scripta

scripta sunt de fide ipsorum, inferius suo loco dicemus.

Quæ autem ab Apollonio egregio eiusdem sæculi scriptore, de iisdem sint memoria commendata, hic intexere operæpretium existimamus. Ait enim: Atqui quis sit hic recens & nouitius doctor, facta illius & doctrina satis declarant. Iste est, qui nuptiarum diuortia perdocet; qui nouas ieiunij leges sancit, qui Pepuzam, & Thymium (istæ enim sunt paræ Ciuitates Phrygiæ) cupiens omnes, vndique eo conuocare, Hierusalem nuncupat: qui pecuniarum exactores constituit, qui oblationum nomine, munera accipienda prætexit; qui denique sui verbi Prædicatoribus, vt eiusdem verbi doctrina, sordido ventris abdomine, & ingluuie roboretur, salaria suppeditabat. Hæc de Montano; de cuius Prophetissis sermone aliquanto longius producto, sic scribit.

Intelligendum est istas primas Montani prophetissas, vt primum spiritu illo repletæ erant, maritos deseruisse. Quàm falsò igitur mentiti hi, qui Priscam virginem appellabant? Deinde subiungit: At non vniuersa scriptura videtur Prophetam vetare, ne munera, & pecuniam accipiat? Quando ego igitur fortè video prophetissam, aurum, argentum, & vestes pretiosas cupidè accipientem, quid est cur illam non prophetissarum numero excludam? Iterum sermone longius prouectio, de quodam illorum, quos confessores nominabant, hæc disserit: Themison etiam totus reuera auaritiæ sordibus inuolutus, qui non toleranter Crucem afflictionis (quæ est viri confessoris nota) gestabat, sed pecuniarum multitudine, se è vinculis eripiebat, cum oportuisset illum ob istud peccatum humili, submissoq; animo se gessisse: martyrem, & testem Christi se esse gloriatus, audebat Apostolum imitâdo, Catholicam ad omnes Ecclesias epistolam contexere; ac tum illos, qui planè multò melius credebant, quàm ille fide, & religione instruere, tum suæ doctrinæ confirmare ineptias, tum denique in Dominum in Apostolos, & in sanctam Ecclesiam conuicia petulanter iacere. De alio item eorum, quos tanquam Martyres apud se

honore, & obseruantia decorabant, sic tradit.

Vt non de pluribus verba faciamus, dicat nobis ipsa prophetissa de Alexandri facinoribus, qui se martyrem prædicat, & quem ipsa conuiuio excipit familiariter, quem etiam alij complures adorant: cuius latrocinia, & alia flagitiorum genera, pro quibus debitas poenas perfoluerit, nihil nostra interest commemorare, præsertim cum in ipsas tabulas publicas satis accuratè relata sint. Igitur quisnam istorum alterius condonabit peccata? Prophetissanè martyrij latrocinia, an martyr prophetissæ auaritiàm? Cum enim Dominus dixerit: Nolite possidere aurum, neque argentum, neque duas tunicas: isti omnia contra in rerum veritarum possessione, magnopere deliquerunt. Nam illos, qui ab istis prophetæ, & martyres dicuntur, non à diuitibus solum, sed à pauperibus etiam, ab orphanis, & viduis pecunias exegisse perspicuè ostendimus. Quod si in hac re sibi confidant, prodeant in medium; & de his nobiscum vnà disceptent, vt si fortè conuincantur, desinant de cætero peccare; oportet enim fructus Prophetæ exactè explorare, nam arbor à fructu ritè internoscitur.

Vt verò Alexandri flagitia, cuique ea cognoscere cupienti dilucidè aperiuntur, hoc pacto ostendimus. Ephesi ab Aemilio Frontino Proconsule, non propter nomen Christi, sed propter latrocinia (erat enim maleficus), quæ turpiter admiserat, in iudicio condemnatus est. Verum postea, cum se ob nomen Christi, persecutionem passum fuisse apud fideles, quos callidè hac astutia deludebat, falsò prætexuisset: illis Proconsulem rogantibus pro eo, dimissus est. Attamen propria, ac sua, vnde erat Ecclesia, eum, quia latro erat, recipere nolebat. Cæterum, qui plura de rebus gestis illius, cuius vitæ rationem, hæc Prophetissa, licet cum illa, multis iam annis commoratus sit, ignorare præferet, penitus agnoscere cupiant, Asiæ tabulas publicas habent, vnde discant: Istius igitur mores depingendo, in iisdem tanquam in tabula propriam etiam, & veram Prophetissæ effigiem scitè depinximus, similem etiam inscitiam in multis eorum

eorum possumus declarare. Quod si sibi, suisque ingenijs prædant, veniant quæso in quæstionem, iudiciumque subeant.

Alio etiam loco eiusdem libri, de Prophetis, de quibus se ita iactant, ista adnectit: Si inficias eant, ipsorum prophetas munera accepisse, hoc pro confesso statuunt, si se munera accepisse manifestò conuincantur, non omnino esse Prophetas. De quibus rebus infinita penè, eaq; certissima, argumenta proferemus, quin omnes Prophetæ fructus examinare necesse est. Dic mihi: Prophetanè comam coloribus tingit? Prophetanè oculos stibio oblinit? Prophetanè sumptuosè, & vestitu splendido ornatus incedit? Prophetanè tabulis, & tesseris ludit? Prophetanè scœnus exercet? Ista verò mihi fateantur, & dicant utrum liceat vsurpare, an cōtra? Ego certè, hæc apud illos factitata perfacilè ostendam. Idem iste Apollonius, in eodem libro commemorat, quod quadragesimus iam annus, in quo quidem ad hoc opus scribendum se contulit, agebatur, ex quo Montanus illam confictam, & commentitiam prophetiam incepit; atque rursus dicit: Zoticum, cuius superius scriptis meminerat, cum Pepuzam aduentasset, ibi iam Maximilla, prophetare se simulante, insanum in illa spiritum coargueri conatum esse. Verum ab illis, qui Maximillæ partibus fauebant, ab instituto prohibitum. Porro Thraseæ cuiusdam ex numero Martyrum, qui tum erat, meminit. Hæc ex Apollonio Eusebius, qui nobilis inter scriptores Ecclesiasticos aduersus Cataphrygas, ad eorum auctores confutandos, librum separatim conscripsit.

Qui verò decimoquarto anno à morte Maximillæ, alterius ex prophetissis Montani, aduersus eosdem commentarium scripsit Miltiades, hæc in eodem habet, quæ ex multis, idem Eusebius recitat his verbis: Hic pseudopropheta Montanus, quem impudentia & audacia sequuntur, ut comites, cum esset furore correptus, ex inscitia quadam, voluntaria, ordiens in insaniam animi non voluntariam, sicuti ante diximus, præceps tandem dilabebatur. At verò

neque quemquam veteris testamenti Prophetam, neque quemquam noui ostendere potuerunt, qui insano spiritu in hunc modum fuerint aliquando exagitati. Neque de Agabo, neque de Iuda, neque de Sila, neque de Philippi filiabus, neque de Ammia Philadelphica, neque de Quadrato, neque de alijs quibusuis. Præterea, quod de insano ipsorum more vlla ex parte aliquando prophetauerint, omnino gloriari potuerunt. Rursum ista memorat paulò post: Quod si post Quadratum, & Ammiam ex Philadelpia, mulieres illæ Montani, sicut prædicarent: In prophetiæ vnus, proximè succedebant, proferant etiam eos, qui post Montani, & mulierum illarum mortem (nam donum prophetiæ in Catholica Ecclesia ad postremum vsque Christi aduentum debere versari, asseruat Apostolus) In idem munus successerint. Verum decem & quatuor annis, qui iam à Maximillæ morte hætenus intercesserunt, ne vnum quidem Prophetam commonstrare poterunt. Hætenus ex Miltiade Eusebius, qui subdit ab eodem auctore, editum quoque librum fuisse contra Gentiles, & alium contra Iudæos: Apologiam quoque pro Christiana religione ad illius temporis Imperatores scripsisse tradit. Quæ cum omnia magno detrimento deperijsse noscantur, fragmentum saltem ex eo ab Eusebio recitatum, tanquam Perillustre antiqui Theologi monumentum, vt eius quoque, sicut aliorum memoria viuat in chartis nostris, hic volumus recitasse.

*Apud Eu
seb. lib. 3.
cap. 10.*

De ipsorum verò pseudoprophetarum damnatione, ab Episcopis Asiæ, & alijs facta; hæc Serapion eiusdem quoque sæculi clarus inter Scriptores Ecclesiasticos, in epistola ad Coricum, & Ponticum habet: Vt verò istud intelligatis, omnem in Christo fraternitatem, quæ per vniuersum orbem terrarum diffusa est, ab hac noua, & peregrina prophetia, tam falsis præstigijs instituta reaptè abhorrere, litteras Claudij Apollinaris beatissimi, qui Hieropoli, Asiæ Ciuitati Episcopus præfuit, ad vos misi: In hac Serapionis epistola, extant diuersorum Episcoporum subscriptiones, quorum vnus sic ferè subscribit: Aurelius Cyrenius testis
Chri-

Christi, vobis salutem, & prosperam valitudinem opto. Alter isto modo : Aelius Publius Iulius ex Debeito Colonia Thraciæ Episcopus; viuit Deus in cælis, quod Soras in Anchiælo voluit Priscillæ Dæmonem eiicere, sed veteranos illi hypocritæ, neutiquam permiserunt. Sunt etiam in iisdem litteris permultorum aliorum Episcoporum subscriptiones, sua ipsorum manu exarata, qui eidem sententiæ suffragati sunt.

At non in Asia solùm, sed & in Græcia hoc sæculo, pleraque acta fuisse Concilia, in quibus dignoscendis iisdem habitum fuisse tractatum putamus; nam Tertullianus ait: Aguntur præcepta per Græcias illas certis in locis Concilia ex vniuersis Ecclesijs, per quæ, & altiora quædam in commune tractantur, & ipsa repræsentatio totius nominis Christiani magna veneratione celebratur. Ex Apostolorum namque traditione, eiusmodi dimanauit in Ecclesiam consuetudo, vt contentionibus de fide exortis, vel cum aliis perdifficilia tractanda essent, Ecclesiarum Episcopi in conditum omnes locum conuenirent: ad quidpiam de eisdem definire, haud fuisse liberum absque Romano Pontifice, (neque enim soliti erant) vel si quid definissent, illius auctoritate probari, solemne semper in Ecclesia fuit, vt innumera propemodum declarant exempla, suis quibusque locis ponendo. Ad hæc spectat, quod cum Asiæ Episcopi de celebrando Paschate, Luna decimaquarta agerent: Polycarpus Romam ad Anicetum (vt dictum est) ad eius, ea de re explorandam sententiam venit, qui inolitæ Asiæ Ecclesiæ consuetudini noluit refragari. Festinasse itaque, ea item ex causa Montanum, atque falsa relatione subripuisse litteras pacificas à Romano Pontifice diximus.

Sed iam quis fuerit Montani, & Prophetissarum exitus à Claudio Apollinare Hierapolitano Episcopo audiamus. In secundo libro inquit Eusebius, ista de morte illorum, Euseb. lib. 5 cap. 23. quos supra prosequuti sumus, commemorat: Quin nos ideo Prophetarum interfectores appellarunt, quod garrulos in primis, & loquaces illorum Prophetas, minimè admiserimus

nus (hos enim prædicant esse , quos Dominus pollicebatur , se populo missurum) nobis iam quæso respondeant : & quis amabo , ò optimi illorum , qui Montani , & mulierum illarum disciplina eruditi , garrire cœperunt , qui vel à Iudæis sit persecutionem perpeffus , vel à nefarijs , & facinorosis gentibus neci traditis ; nemo certè , neque quisquam illorum præhensus , aliquando pro Christi nomine Cruci affixus est ; neque in Iudæorum Synagogis , mulier vlla inter eos aliquando flagris cæsa , aut lapidibus vsquam obruta : & quod ad Montanum ipsum , & Maximillam spectat , illi alio quodam , & longè diuerso mortis genere occubuisse dicuntur : nam istos ferunt , spiritus vesani & perditì impulsu commotos , sibi laqueo mortem consciuisse , non ramen simul credo , & eodem momento (ipso temporis puncto , quò alteruter obierit , nullus sermo de illis inter homines versabantur) sed ita occubuisse , vt diximus , & eundem cum Iuda proditore , vitæ exitum adeptos , constans est fama . Est etiam pari ratione de admirabili illo Theodoro , qui primus illius commentitiæ Prophetiæ , quasi Theodorum suscepit , valde creber sermo , quo modo è mentis potestate deturbatus , fraudulentò spiritui se ipsum concediderit , à quo sublimem aliquando in aerem sublatum , ac de repente præcipitem deiectum , miserè ac perditè interiisse ferunt . At illi : Rumor est , inquiunt , istud ita gestum esse . Nos nè , ò Beate , nos nè eiusmodi quicquam pro certo nos scire censebimus , cum oculis ipsi minime conspeximus ? Montanus nanque , Theodotus , & mulier illa , quæ supra commemorata est , fortasse sic , fortasse secus , mortem oppetuerunt .

Rursus eodem in libro dicit : Sanctos , & pios Episcopos id temporis conatos esse , Maximillæ spiritum redarguere , reprimereque ; sed ab alijs , qui videlicet spiritui illi patrocinio esse studebant , impeditos esse ; sic enim scribit : Ne amplius loquar Maximillæ spiritus , sicut Asterius Urbanus in libro suo , illam loquentem inducit : Omnium insectatione vrgor , & tanquam lupus ab ouibus repellor : non sum
lupus :

lupus: verbum equidem sum, spiritus, & virtus; sed virtutem quæso in spiritu, euidenter declaret, ostendatque. Atque adeo Zoticum ex vico, qui dicitur Comana, in Iulianum ex Apamæa, cum viros probatos, tum Episcopos, qui id temporis ad eam explorandam, & cum ipso gariente spiritu differendum aduentauerant, quorum ora Themison cum suis opturabant, neque vlllo modo patiebantur mendacem illum, & subdolum spiritum ab illis redargui, refellique, cogat fateri, si poterit, illum ipsius spiritum verum, & ingenuum esse. In eodem libro, iterum paucis verbis interpositis, quæ ad Commentitias illas Maximillæ prophetias conuincendas accommodantur, tum tempus, quo ista ipse scripsit, ostendit, tum Vaticiniorum illius meminit, quibus ante augurabatur bellâ, & seditiones futuras, quarum commenta isto modo redarguit: Qui fieri potest, vt istud illius mendacium, iam non satis omnibus exploratum sit; nam ex eo tempore, quo illa mulier abiit, è vita in hunc vsque diem, plures quàm tredecim anni intercesserunt; & neque bellum in aliqua regione separatim, neque passim in toto orbe terrarum gestum, hæcenus accepimus: quin Christianis, etiam Dei misericordia largiente, pax secura & stabilis permansit. Hæc cum scribat Apollinaris ab obitu Maximillæ, tresdecim annos, & vltra Romanum Imperium, omni ex parte bello vacasse; satis potest intelligi ipsam defunctam esse vltimo M. Aurelij tempore; & Apollinarem scripsisse vltimo tempore Commodi Imperatoris: nam anni tresdecim illius Imperij pacifici, absque bello transferunt: antea verò, & postea, vel externum, vel ciuile bellum viguit, vt dicemus suis quibusque locis. Sed rursus ex Apollinari Eusebius.

Ex tertio libro item pauca quædam proferam, quibus Montani æmulos, qui iuani ostentatione complures ex suis Martyres fuisse iactauit, impugnat in hunc modum: cum iam omnia illorum argumenta, quæ supra posuimus, sint penitus confutata, & nihil habeant, quod dicant amplius, ad Martyres confugiunt; seque affirmant, complures habe-

re Martyres : atque hoc certum argumentum esse virtutis , & potentia , quæ est in prophetico illo spiritu abdita . Cæterum istud , vt videtur , omnino à veritate alienissimum est . Etenim non pauci , aliarum hæreseon propugnatores , permultos venditant se habere Martyres : non tamen propterea cum illis consentiemus , neque illos veritatem penes se retinere fatebimur . Qui primi ex Marcionis hæresi , Marcionistæ vocati sunt , permultis se Christi Martyribus abundare prædicant , sed tamen Christum ipsum (vt Veritas postulat) minime profitentur . Non multo post hæc subdit : Simulatque viri , verè Ecclesiastici , & Catholici , persecutionis temporibus , ad testimonium fidei , quæ est ex veritate , vnà cum quibusdam Cataphrygarū hæresi obcæcatis , quos illi hæretici pro martyribus habebant , essent fortè vocati , ab illis planè dissenserunt plurimum : & ne cum Vesano , ac dementi Montani , & mulierum sibi in societatem oscitatum spiritu , vlla ex parte consentire viderentur , cum illis communicare , ad extremum vsque spiritum prorsus recusarunt . Atque hoc verum esse , & nostris temporibus Apameæ , quæ iuxta Mæandrum sita est gestum . Gaius , & Alexander Eumeniæ prognati , qui tunc martyrium subibant , satis perspicuè declararunt . Hucusque ex Apollinari Eusebius . Quod autem ad Montani dogmata pertinet , quæ ab alijs de his dicta sunt , recensebimus . Aiunt ergo , illum primum eius , & maximum fuisse errorem , à quo vt è fonte fluxerunt cæteri , quòd diceret se esse Paraclitum illum Spiritum Veritatis , quem Pater pollicitus erat se daturū Apostolis : Eo etiam nomine , cum sæpe citat Tertullianus : ac proinde ipsum negasse Apostolos accepisse Spiritum paraclitum . Rursum , quod spectat ad doctrinam fidei de sanctissima Trinitate docuisse Montanistas , quæ postea Sabellius prædicauit , testatur S. Hieronymus , cum ad Marcellam scribens : Primum , inquit , in fidei regula discrepamus : Nos Patrem , & Filium , & Spiritum sanctum in suum unumquemque persona ponimus , licet substantiam copulemus : illi (namque asseclæ Montani) Sabellij dogma sectantes ,

*Tertull.
de fug. in
persec. c. 1*

*S. Hier.
p. 54.*

stantes Trinitatem, in vnius personæ angustias cogunt; Inde quoque potuit accidisse, vt qui se Paracletum diceret, idem quoque se esse DEVM Patrem, impudentissimè affirmaret; vt ait his verbis Epiphanius: Insuper apponit idem Montanus, sic dicens: Ego Dominus Deus omnipotens conuersans in homine. Ac subdit: Montanus autem seipsum solum glorificat, & dicit esse Patrem omnipotentem, & in homine inhabitare: vt vndequaque ostendatur, quòd non ipse sit ab illo missus, neque qui ab illo accepit; & paulò post: Deinde rursus, inquit miserimus homuncio Montanus: neque Angelus, neque Legatus, sed ego Dominus Deus Pater veni. Hæc autem cum dicat, deprehenditur alienus esse, vt qui Christum non glorificet; nam de Spiritu Paracleta dictum ab eo fuerat: Ille me clarificabit, quia de meo accipiet. Hæc cum dicant de Montano Epiphanius, atque Hieronymus, falsum esse oportet, quod idem Epiphanius, necnon ante ipsum Philastrius, Theodoretus, & alij dixerunt, Montanum de Patre, Filio, & Spiritu sancto eadem sensisse, quæ Ecclesia Catholica. Verum hæc omnia arbitror iactata potius à Montanistis, quàm à Montano: nam Tertullianus, qui eum nominat Paracletum, & omnia ab eo dicta, eidem Paracleta fert accepta: ac subinde eadem, vt diuinitus tradita, pro viribus propugnare non destitit, nihil huiusmodi de Trinitate eum sensisse demonstrat. Rursum verò, si tam horrendas palàm blasphemias Montanus effutisset, quorsum de eo dubitare, Prophetanè, an pseudo-propheta fuerit, opus erat? quid tam diu de eo altercatum, atque consultatum? in re enim tam patente, nulla prorsus opus erat consultatione; nam ipso primo auditu blasphemix, eam cuiuscunque, licet impij aures, exhorruissent.

Hæc vt existimem, adducor, quòd nullus antiquorum scriptorum, qui eodem sæculo cum illo vixerunt, & aduersus eum scripserunt, hæc obijciat: Cum multa in eum inferant, & quæ longè minora his erant (vt vidimus) magnopere exaggerent. Nec tam immania, quæ ante omnia obijcienda, ac refellenda fuissent; putandum eos obuoluta si-

*Theod. ba
ret. fab.
lib. 8.*

*Tertull.
de praeser.
cap. 32.*

1. Cor. 12.

*Hier. ep.
34.*

lenius reliquisset, si re vera ab ipso dicta fuissent. Et quod de Sabellianismo Montanistarum tradit Hieronymus, nequaquam sensisse Montanum, nec Montanistas quidem omnes, sed ex eis aliquos affirmat Theodoretus, nempe ex illis, quos Tertullianus vocat Aeschinem; nec item credimus, licet dixisset se esse Paracletum, ut Theodoretus affirmat, atque Tertullianus, qui hoc nomine eum appellat, significare voluisse, Paracletum humanam assumpsisse carnem, & illum ipsum se esse Montanum, vel absque carne se spiritum tantum, & negasse se esse hominem; nam nullus planè est, qui id aliquando dixerit de Montano, dum, vel & aduersans ab eo, proditas impugnat hæreses, vel eas pugnaciter, ut Tertullianus defendit. Quamobrem sic existimamus ipsum à Tertulliano, vel alijs dictum esse Paracletum, quod se illum diceret accepisse Spiritum Paracletum, quem Christus pollicitus fuerat à Patre mittendum: ipsumque se maiori plenitudine, quàm fecissent Apostoli alijs impertiri, quod illum maiori abundantia, quàm Apostoli accepisset, quippe qui diceret illos (ut de se quoque testatur Paulus, cum ait: Ex parte cognoscimus, & ex parte prophetamus) nondum, quod perfectum erat accepisset, sed in se, ac suos plenitudinem illam Spiritus, immo ipsum Paracletum descendisse: ac proinde (quod de ipso Spiritu à Christo dictum erat: Ipse docebit vos omnia, & suggeret vobis omnia) se suosque plenissimam rerum scientiam affecutos esse. Ea quippe ratione secundas nuptias, quod non reijcit Apostolus, ipse tanquam maiori scientia præditus, ut fornicationem damnauit. Insuper, quod nec ipse Christus, nec Apostolus admisisset, nuptiarum docuit solutionem. Ad hæc etiam ieiunia quædam noua, & penitus inusitata, in Ecclesiam conatus est introducere, de quibus Hieronymus ad Marcellam: Nos, inquit, vnam quadragesimam, secundum traditionem Apostolorum, toto anni tempore, nobis congruo ieiunamus: illi tres in anno faciunt quadragesimas, quasi tres passi sint Saluatores; non quod diceret Montanus, se tertio quadragesimale ieiunium repetere,

petere, quòd tres passi re vera essent Saluatores : Cum vna tantum ea ratione in Ecclesia, ex traditione Apostolorum, post Christi passionem, sit solita celebrari, sed aliam ab hac diuersam, prætexebat ieiuniorum causam Montanus, quam refert Tertullianus, cum ait : Spiritus sanctus, cum in quibus vellet terris, & per quos vellet, prædicaret, ex prouidentia imminentium, siue ecclesiasticarum tentationum, siue mundalium plagarum, quæ Paracletus, idest aduocatus ad exorandum ludicem, huiusmodi officiorum remedia mandabat. Puta nunc ad exercendam sobrietatis, & abstinentiæ disciplinam, hunc qui recipimus, necessario etiam, quæ tunc constituit, obseruamus. Hæc ipse : Sed quam falsus vates extiterit, pax Ecclesiæ, quæ secuta tunc est (vt ex Apollinare didicimus) perspicue declaramus.

*Tertull.
aduers.
Physich.
cap. 13.*

At subdit Hieronymus : non ob id Ecclesiam non amare ieiunia, quod respuat illa Montani; nam ait : Non quòd, & per totum annum, excepta Pentecoste, ieiunare non liceat, sed quod aliud sit necessitate, aliud voluntate munus offerre. Hæc cum dicat Hieronymus, planè significat Montanum, tanquam totius Ecclesiæ Præsulem, lege sancita, adhæc sua seruanda ieiunia, vniuersam voluisse Ecclesiâ obligare, quod non obscure declarat Tertullianus, cum sæpissimè in Catholicos inuehatur, quòd à Paracleto tradita ieiunia non seruarent. Ex ijs apparet quàm calumniosè agant, qui sanctos Monachos, aliosq; regulares damnant, quos & seruantes plura in anno ieiunia, ac quadragesimas, Montanizare dicunt, & non nisi à Montani spiritu afflatis, iactant eas de ieiunijs leges esse statutas; nam hi, non vt Montanus eiusmodi leges vniuersæ præscripserit Ecclesiæ, vt ob id, qui eas non seruarent, esse damnatos dicerent; sed eas tantum, qui arctiori vinculo disciplinæ sua sponte se voro ad ea, & alia seruanda obligassent, teneri voluerunt : nec eos semper, sed cum idoneæ vires suppeterent. Quod verò ad Ecclesiam eius temporis spectat (vt paucis Tertulliano isthæc in Catholicos inclamante, satisfaciamus) consultò quidem, atque prudenter ea penitus Catholici reiecerunt :

*Tertull.
aduers.
Physic.
cap. 13.*

primo quidem, quòd si ob aliquam imminensem cladem, erant indicenda ieiunia, hoc non Montani erat, sed Episcoporum munus: id enim consuetudine iam in Ecclesia receptum fuisse, idem ipse testatur, cum ait: Bene autem, quod Episcopi vniuersæ plebi mandare ieiunia assolent, non dico de industria stipium conferendarum, vt vestræ capturæ est, sed interdum, ex aliqua sollicitudinis Ecclesiasticæ causa. Præterea, si quæ à Montano statuta essent ieiunia, Ecclesia recepiisset, Spiritum illius comprobasse penitus visa esset. At quantumlibet existimasset, ipsum diuino afflatum spiritu illa loquutum: adhuc tamen, quod sciret, quæ à Deo sunt, secundum Apostolum, ordinata esse: non erat illius partium illa edicere, adijcereq; ea seruandi necessitatem.

*Hier. cõ.
in epist. ad
Ephes. lib.
2. cap. 3.*

Sed ad cætera recensenda Montani dogmata, redeamus. Idem alibi addit Hieronymus, dixisse Montanum: Prophetas in extasi esse loquutos, adeo vt nec ipsi scirent quid dicerent: Præter alia complura mendacia, atque deceptiones Pseudoparacletus Montani, illud superaddidit, vt assereret, nequaquam martyrij tempore fugiendum; sed loco sistendum, & martyrium expectandum: immo nec quauis occasione id redimete licere: quæ ex eiusdem Paracleti auctoritate pluribus Tertullianus, scripto de ea re commætario, disputauit: cum tamen ex Apollonio superius sit recitatum, ex eiusdem Mõtani secta virum, eorum opinione celebrem, ingenti collata pecunia, se ne subiret martyrium, redemisse: & in hoc quidem subdolum Diaboli planè fuisse consilium declaratur; nimirum, quòd cerneret nihil profecisse per Gnosticos, & alios quos diximus, negasse subeundum esse pro Christo martyrium, cum nihilominus fides quotidie magnæ constantiæ, in perferendis pro Christo tormentis specimen ederent: mox contrariam huic struens aciem, Christianos sua sponte ad martyrium properantes, quodam veluti impulsu, in præceps eos agi contendit: eo nempe consilio, vt omni seclusa fuga, & intercepto euadendi remedio, omnes se neci dederent; sicque insimul omnes absumerentur, atque Ecclesia Christi omnino deficeret.

*Tertull.
de fug. in
Persec.
Apud Euseb.
lib. 5.
cap. 17.*

Præter

Præter hæc etiam: Animam esse corpoream, & anthropomorphitam, quandam ex Montani prophetissis docuisse. Tertullianus, qui omnes est illorum errores sectatus, declarat his verbis: Est hodie soror apud nos reuelationum charismata sortita, quas in Ecclesia inter dominica sollemnia, per extrasin in spiritu patitur, conuersatur cum Angelis, aliquando etiam cum Domino; & videt, & audit sacramenta, & quorundam corda dignoscit, & medicinas desiderantibus submittit. Iam verò, prout scripturæ leguntur, aut psalmi canuntur, aut ad loquutiones proferuntur, aut petitiones delegantur: ita inde materiæ visionibus subministrantur. Fortè nescio quid de anima differueramus, cum ea soror in spiritu esset. Post transacta sollemnia dimissa plebe, quo usu solet nobis renunciare, quæ viderit (nam & diligentissime digeruntur, vt etiam probentur) inter cætera, inquit: ostensa est mihi anima corporaliter, & spiritus videbatur, sed non inanis, & vacuæ qualitatatis, immo quæ etiam teneri repromitteret, tenera, & lucida, & aerij coloris, & forma per omnia humana. Hæc est visio. Deus testis, & Apostolus, charismatum in Ecclesia futurorum id oneris sponsor. Hucusque infelix Tertullianus, qui licet eruditissimus, ac prudentissimus videretur, hisce tamen muliercularum commentis traduci, atque seduci passus est. Hæc autem, & alia plura didicit in schola Montani, quæ ab erudito viro, ac pio Pamelio habes adnotata in Paradoxis Tertulliani, in vnum collectis.

Rursum hæc de Montanistis S. Hieronymus: Apud nos Apostolorum locum Episcopi tenent: apud eos, Episcopus tertius est. Habent enim primos de Papuza Phrygiæ Patriarchas, secundos, quos appellant, Canones, atque ita inter tertium, idest penè vltimum locum Episcopi deuoluuntur, quasi exinde ambiciosior religio fiat, si quod apud nos primum est, apud illos nouissimum sit. Illi ad omne penè delictum, Ecclesiæ obserant fores; & subdit: Rigida autem sunt, non quo & ipsi peiora non peccent, sed hoc inter nos, & illos interest, quod illi erubescunt, confiteri peccata-

Tertull.
de Anima.
cap. 9.

Hier. 7.
54.

peccata, quasi iusti. Nos dum poenitentiam agimus, facilius veniam promeremur. Prætermitto scelerata mysteria, quæ dicuntur de lactante puero, & de Siefturo martyre confarrata. Malo, inquam, non credere sit falsum, omne, quod sanguinis est. Hæc de sanguine Hieronymus: sed quod innuit solum Epiphanius, his explicat verbis: In hac verò hæresi, aut in cognata eius Quintilianorum, seu Priscillianorum, & Peputianorum appellata, horrendum, ac nefarium facinus fieri dicunt. Puerum quendam valdè infantem, in festiuitate quadam per totum corpus æreis aciculis compungentes, & sanguinem ipsius sibi ipsis comparant, ad apparatus videlicet sacrificij. Hæc Epiphanius, qui tamen hæc de puero tribuit Quintillianis, ex Montano prognatis. Hæc eadem de eorum mysterijs, Paschatis festo

Philast.

de hæres.

cap. 50.

Aug. de

hæres. cap.

24.

Theod. hæres. fabul.

lib. 3.

fieri solitis, tradunt Philastrius etiam, & Augustinus: verum Theodoretus hæc ait: De mysterijs autem nonnulla quidam iactitant, sed illi non fatentur; & sui accusationem calumniam appellant. Certè quidem hæc à Montano facta esse non credimus: nullus enim antiquorum in eum eiusmodi scelus intulisse certum est. At hæc ipsa his temporibus à Gnosticis perpetrari solita diximus, dum de eorum origine superius sermonem habuimus. Num verò, qui à Montano prouenerunt hæretici, talia factitarint, vt in diuinis mysterijs imitati sunt Gnosticos, aliorum sit iudicium: laborasse quidem eos hac diu infamia certum est: licet tamen, quæ de his scribuntur, diuersæ sint ab ijs, quæ de Gnosticis dicta sunt; ait enim S. Augustinus: post sanguinem è puncturis infantis emunctum, si ille ex eo mortuus fuerit, apud illos celebrari pro martyre; si autem vixerit, pro magno Sacerdote.

Aug. d. hæres. c. 50.

ref. c. 50.

Philast. de

hæres. c.

50.

Hier. ep.

14.

Addit Philastrius eosdem Cataphrygas cōsueuisse mortuos baptizare. Hieronymus hæc de ipsorum dogmatibus: Aperta est conuincenda blasphemia, dicentium: Deum primum se in veteri testamento voluisse per Moysen saluare mundum: sed quia non potuerit explere, corpus sumpsisse de Virgine, & in Christo sub specie filij prædicante, mor-

tem

tem obiisse pro nobis : & quia per duo gradus mundum saluare nequiuert, ad extremum per Spiritum sanctum in Montanum, Priscam, & Maximillam insanas foeminas descendisse, quem Paulus non habuerit, & cætera: ac demum. Hæc sunt (inquit) quæ coargutione non indigent: perfidiam eorum exposuisse, superasse est: digna planè tanto Doctore sententia: nam sicut est in Geometricis assertionibus: Rectum est mensura sui, & obliqui; ita computatione non indiget, quod collatione recti, cunctis rectè intrantibus, esse demonstratur obliquum, ac proinde certum, exploratumq; reddi, quod ait: perfidiam hæreticorum exposuisse, superasse est. Qua ratione & nobis satis hæreses recensuisse, cum hoc ipsum sit confutasse.

Cæterum, quod spectat ad Montanistas: non ipsa tantum insania dogmatum redarguit eos mendaces, & impostores, sed ex suis ipsorum falsis editis vaticinijs, quæ ex contrario euentu vana prorsus sunt reddita; se esse pseudo-prophetas certo certius ostenderunt: nam præter illa, quæ superius dicta sunt, hæc addit Epiphanius de falso Maximillæ vaticinio: Dicit enim Maximilla, ab ipsis appellata prophetissa: Post me prophetissa non amplius erit, sed consummatio. Ecce quomodo vndique apparet spiritus erroris. Quæcunque enim Prophetæ dixerunt, & cum intelligentia consequenter loquuti sunt; & perfectæ sunt, quæ ab ipsis dicta sunt, & adhuc implentur. Hæc verò dixit: Post ipsam esse consumationem, & nondum consummata sunt, maximè cum tot Reges postea fuerunt, & tantum tempus transierit. Anni enim sunt ab eo tempore plus ducenti nonaginta vsque ad nostrum tempus duodecim anni Valentiniani Valentis, & Gratiani Regni, & nondum est consummatio, iuxta illam, quæ seipsam nominauit prophetissam, cum ne diem quidem obitus sui nouerit. Hæc Epiphanius.

Quod verò omnibus hæreticis commune est (eo quod non sit solum filiæ Chaldeorum stabilitatem nescire, nec in proposito firmitate consistere, sed inconstantia nutare, & in deterius prolabi, idem, & ipsis euenisse conspicitur, ipso
nimi-

*Epiph ha-
res. 48.*

Isai. 47.

*Tertull.
de præf.
cap. 52.*

nimirum sectæ Montani exordio, sectarios eius inter se
diffidio separari, ac quemque ex suo nomine sectam confi-
cere: nam Tertullianus cum sanioris mentis esset, scribens
eruditum illum commentarium, de præscriptione aduersus
hæreticos: in fine, cum de hæresi secundum Phrygas agit,
hæc habet: Accesserunt alij hæretici, qui dicuntur secun-
dum Phrygas; sed horum non vna doctrina est: Sunt enim,
qui Cataproclum dicuntur: sunt qui secundum Aeschinem
pronunciantur. Hi habent aliam communem blasphemiam,
aliam blasphemiam non communem, sed peculiarem, &
suam: & communem quidem illam, quod in Apostolis
quidem dicant Spiritum sanctum fuisse, Paracletum non
fuisse: & qui dicant Paracletum plura in Montano dixisse,
quàm Christum in Euangelium protulisse, nec tantum plu-
ra, sed meliora atque maiora. Priuatam autem blasphe-
miam illi, qui sunt Kata Aeschinem, hanc habent, qua
adijciunt etiam hoc, vt dicant: Christum esse Filium, & Pa-
trem. Hucusque Tertullianus de Catholicis dogmatibus, in
eam diem sanè optime meritus: quando autem mente mo-
tus infano delirio cœperit agitari, suo loco opportunius
dicturi sumus: tunc enim, quem hic hæresis signiferum no-
minat Proclum, mirificè laudauit, & inter nobilissimos Scri-
ptores Ecclesiasticos adnumerans, hæc ait: Non solum
nostri antecessores, sed ipsorum hæresiarcarum contempo-
rales inſtructissimis voluminibus, & prodiderunt, & retu-
derunt, vt Iustinus Philosophus & martyr, vt Miltiades
Ecclesiarum Sophista, vt Irenæus omnium doctrinarum
curiosissimus explorator, vt Proculus (idem est, quod Pro-
clus) virginis nostræ senectæ, & Christianæ eloquentiæ di-
gnitas, & cætera; quem enim sui compos inculat hæresiar-
cam, postea in transuersum actus, adnumerat inter summos
oppugnatores hæresiarcarum. Aduersus hunc Proclum
egregiam conscriptam fuisse disputationem à Caio, nobili
inter illius ætatis Theologos, tradunt Eusebius, atque S.
Hieronymus. Cæterum cum eloquentiæ nomine Proclus à
Tertulliano laudetur, non leuis est apud me coniectura,
hunc

*Tertull.
aduers.
Valenti-
nian. cap.
52.*

*Euseb. lib.
3 cap. 25.
Hier de
scrip. eccl.
in Caio.*

hunc illum fuisse Proclum Siciensem ex Africa, insignem Grammaticum, quo inter alios Latinos, vsum esse magistrō M. Aurelium Imperatorem, ac cum vsque ad Proconsularem dignitatem prouexisse, auctor est Capitolinus. Sed & ^{Iul. Cap. in Alaric} his temporibus vixit alius Proclus Lycius, Plutarchi auditor, Platonicus Philosophus. Cum verò commentarios ab eo scriptos recenseret Suidas, post alios enumeratos, hæc ait: Scripsit argumenta contra Christianos decem & octo. Hic est Proclus ille, qui alter à Porphyrio, impuram & contumeliosam contra Christianos linguam exacuit, sed Ioannes Philoponus præclarissimè, decem & octo eius propositiones refutauit; eumque Græcis etiam, quibus efferebatur, rudem atque indoctum esse ostendit. Hæc Suidas; Sed ad Montani hæresim redeamus.

Rursum verò constat eandem hæresim, alia diuersa atque deformia peperisse portenta, quæ suos foetus alijs nominibus appellarunt, de quibus hæc Epiphanius: Quod verò ^{Epiph. hæ. ref. 48.} nihil relinquamus ex ijs, quæ ad nomen pertinet vniuscuiusque sectæ à nobis præiudicatæ, etiam de Trascodugitarum nominis appellatione, rursus dicemus. Est enim hoc nomen, aut in hac ipsa (nempe Cataphrygarum) aut in sequenti Quintillianorum appellata; ab ipsis enim, & hoc nomen proficiscitur. Vocantur autem Trascodugitæ, ob hanc causam. Trascut enim apud ipsos pertica appellatur. Drusas verò nasus, siue rostrum; & ab eo, quod imponunt digitum suum, indicem appellatum, in nasum dum orant, tristitiæ nimirum, & vltroneæ iustitiæ gratia, ab aliquibus Trascodugitæ appellati sunt, hoc est Perticonasati, &c. quod enim nasus esset iudicii signum, & digitus Hieroglyphicum dimensionis (vt est apud Orum Apollinem) digito nasum tangere, idem significare videbatur, quod recto iudicio cuncta metiri, ac iudicare.

Addit insuper Epiphanius, alios, qui ex Montano descenderunt, dictos esse Quintillianos, à Quintilla, Peputianos à Vico in Phrygia dictos, & Priscillianos à Priscilla pseudo-prophetissa Montani. Harum alteram finxisse Christum ad

*Epiph. h. i.
res. 49. &
50.*

se venisse in mulieris forma, & sapientiam sibi communicasse. Idem tradit, cum de his agit, subditque: in Ecclesiam ingredientes, secum ferre incensas lampades, septemque virgines secum ducere, quæ populo vaticinarentur; itemque Episcopos, ac Presbyteros apud eos esse fœminas. Adhuc insuper alios Montanistas ait fuisse Atotyritos, sic dictos, eo quod in mysterijs suis apponerent panem & caseum, & sic mysteria sua facerent: ex his etiam prognatos esse Tesseredecitas, quos dicimus quartadecimanos: idem affirmat sic dictos, quod quartadecima luna celebrandum esse Pascha contenderent; sed horum puto aliam esse rationem, de quibus inferius dicturi sumus.

*Apud eū-
dem h. i.
res. 48.*

*Hier. in
præf. lib.
2. in ep. 2.
ad Galat.*

Occupasse hos hæreticos vsque ad tempora Epiphaniij Phrygiam, Cappadociam, atque Galatiam; viguisseque plurimum in Cilicia, atque Constantinopoli ipse testatur. S. Hieronymus hæc ipsa, & alia his cognata monstra; suo tempore in Galatia extitisse, tradit his verbis: Scit mecum, qui vidit Ancyram Galatiæ Ciuitatem, quod nunc vsque schismaticis dilacerata sit, quod dogmatum varietatibus constuprata. Omitto Cataphrygas, Ophitas, Barboritas, Manichæos; nota enim hæc humanæ calamitatis vocabula sunt. Quis vnquam Pattalorinchitas, & Trascodrogas (sic legendum puto pro Ascerodobos) Artotyritas, & cætera magis portenta, quàm nomina, id aliqua parte Romani orbis audiuit? De iisdem etiam in Imperatorum rescriptis habetur mentio; sed de Pattalorinchitis hæc S. Augustinus: Pattalorinchitæ (sic enim eos nominat) in tantum silentio student, vt naribus & labijs suis digitum apponant, ne vel ipsam taciturnitatem voce præripiant, quod tacendum sibi esse arbitrantur; vnde etiam illis nomen inditum πατταλος enim Græce dicitur palus, & ῥινκος nasus. Cur autem per palum, digitum significare maluerint, à quibus hoc nomen compositum est, nescio, cum Græce dicatur digitus δακτυλος, & possint vtrique Dactylorinchitæ multo euidentius nuncupari. Hæc Augustinus ex Philastrio, vt apparet. Puto autem (quod nuper dictum est) digitum, quod dimensionis

*Philast. de
heres. 6.
77.*

hiero-

hieroglyphicum esset, per palum significatum esse. Addit Philastrius conatos huiusmodi hæreticos imitari Prophetam dicentem: Pone Domine custodiam ori meo; & ostium circumstantiæ labijs meis. Additur & quia ieiunijs Beati Prophetæ vacantes, silentium sæpius commendabant, vnde vsurpantes isti æstimant obseruandam Pithagoricam vanitatem, potius quàm Prophetarum cælestem vitam, & sapientiam sequi properantes. Agit idem de Ascodrogitis, qui Montani Paracleto plenos se esse iactantes, insanis motibus, instar baccantium, furentes agebantur. Sed de Montani, & ex eo orta sobole satis: Aduersus Montanum autem, ac suas Prophetissas, ipso principio constat scripsisse, quos diximus Claudium, Apollinarem, Miltiadem, Apollonium, & Caium, celebrem illorum temporum scriptorem, aduersus Proclum Montani primogenitum, commentarium edidisse, post alios Theodoretus affirmat.

Idem cap. 76.

*Theod. Bo
rot. sabuk
lib. 2.*

C A P. X.

Annus octauus Aniceti.



SEQUITUR Annus Domini centesimus septuagesimus quartus, Maximo & Orphito Coss. duodecimo M. Aurelij Imperij anno, quo (inquit Eusebius) Tatianus hæreticus agnoscitur, à quo Encratitæ. Ex his, & alijs superius de eo narratis, corrigendus est textus Epiphanij, quo dicitur post obitum Iustini, sub Antonino Pio, Tatianum ab Urbe recessisse; emendanda quoque est Philastrij lectio, qua dicitur post Decij tempora vixisse. Hic quidem natione Syrus ex Philosopho Platonico Christianus (ut dictum est) viuentis Iustino Philosopho, quem in fide habuit Catechistam, florentissimus in Ecclesia fuit; Romæque viuens, docuit, ac scripsit pro Christianis, aduersus gentes egregium

*Epiph. h. 2
ref. 46.*

*Philastr.
cap. 49.*

volumen, cum adhuc sibi constaret : quomodo autem infelix in errores sit lapsus, factusque sit hæresis auctor, Irenæum eodem cum illo viuentem tempore, audiamus, qui ait : Ipsum cum esset Iustini auditor, quamdiu ille vixit, nec latum vnguem aberrasse, sed eximie pietatis specimen edidisse; illo autem per martyrium sublato de medio, cum profiteretur se aliorum magistrum, elatus in Valentini dogma dilapsus, ab illo errores didicit, & Marcionis, & Saturnini amplexatus continentiam, detestatus est nuptias: de Adam illud edicens, ipsum minus consequutum esse salutem. Eadem de eo habet Tertull. illi æqualis. Tantæ is fuit æstimationis, vt venerit ad eum Romæ profitentem audiendum Rhodon ab Oriente, de quo hæc Eusebius, postquam ab eo elaboratas lucubrationes recensuit: Idem Rhodon in eodem libro (illum autem Callistioni dedicabat) se Romæ à Tatiano, & doctrina, & litteris institutum asserit. Ait verò à Tatiano elaboratum librum quendam quæstionum, quibus cum Tatianus polliceretur, se sacras litteras inuolutas, & obscuras demonstraturum: Idem Rhodon contra se easdem quæstiones in libro separato perspicuè soluturum promittit. Hucusque Eusebius.

Porro quamdiu Romæ fuit, veritus fortasse multos oculos se inspicientes, ipsiusque Romanæ Ecclesiæ, quam Apostoli instituissent, sincerissimam puritatem, steterisse in fide, nec quicquam docuisse, quod Catholicæ fidei aduersaretur; sed cum in Orientem profectus est, ipsum à recto fidei tramite deuiasse, & alios in errorem induxisse, Epiphanius testatur, cum ait: Cum Roma post mortem S. Iustini, digressus ad Orientis partes, & illic conuersatus, in malam opinionem incidit, & sæcula quædam, & fabulas Valentini, & Principatus quosdam, ac emissiones etiam ipse introduxit; maximam verò prædicationi suæ partem in Antiochiam ad Daphen sitam fecit, & in Cilicum partibus; multum autem in Pisidia valuit. Ab hoc enim per successionem, qui Encratitæ, idest continentes appellantur, venenum transpserunt. Et paulo post, eius relegens impia dogmata, hæc

ait:

*Tertull. de
prescript.
cap. 32.
Euseb. lib.
5. cap. 13.*

*Epiph. hæ-
res. 40.*

ait: hic quidem asserit, non saluari Adam ipsum; continentiam verò hic prædicat, nuptias autem scortationem & corruptionem putat, asserens nihil differre matrimonium à scortatione, sed idem esse. Vnde in prætextu continentix, & continentium morum, nequitiosam vitam duxit, velut lupus rapax; ouilla pelle indutus, & temperantiæ prætextu deceptos seducens. Mysterijs autem similiter vsus est ad imitationem sanctæ Ecclesiæ; Verum aqua solùm vsus est in iisdem mysterijs. Hæc Epiphanius. Aquarios S. Augustinus hos nominat hæreticos, qui aquam tantum in sacrificio offerrent.

Docuisse etiam Tatianum ab animantibus abstinentiam, ex Irenæo tradit Eusebius. Addit Clemens Alexandrinus, à Tatiano etiam illud dictum; Alterius Dei esse legem, alterius Euangelium; & duplex genus hominum statuisse, vetus, & nouum, non tamen eosensu, quo à Catholicis. Hæc ab eo dici consueuerunt. Nam addit Tatianus: Separat veterem quoque hominem, & nouum, sed non, vt nos dicimus; veterem quidem virum, legem; nouum autem Euangelium: ei assentimur nos quoque dicentes, sed non eo modo, quo ille vult, dissoluens legem, vt alterius Dei, &c. Hæc etiam à Marcione, ipsum esse mutuatum apparet, vt auctorem legis Deum diceret aduersarium esse Euangelij conditoris. Disputat idem pluribus aduersus eius hæresim, vini vsus prohibentem, in libro, cuius titulo est. Πædagogος. Ad hæc Eusebius: Hunc autem aiunt nonnullos Pauli Apostoli voces, vt potè qui dictionis, & loquendi compositionem in illis corrigere moliretur, audaciter, & temerè commutasse, ab eodem elaboratum esse opus, quod Διατρεσασμων appellauit, quod vnum ex quatuor Euangelium contexuisset, idem affirmat. Laudabilis planè fuisset, hac ex parte Tatianus, nisi dolosè sic compingens, vnum ex quatuor multa reliquisset, quæ de Christi carne in eis ab Euangelistis sunt prodita, quippe qui Marcionis semel malè imbutus, tinctura quæcunque valuit, pro eius dogmatibus facere non prætermisit.

Euseb. lib. 4. cap. 27. Clem. Alex. Strom. lib. 3.

Idem in Πædag. lib. 2. c. 2. in fin. Euseb. lib. 4. cap. 23. in fin.

*Theod. l. a
vet. fabul.
lib. 3.*

De eodem opere agens Theodoretus, hæc ait: Is autem composuit etiam Euangelium, quod dicitur, ex quatuor, amputatis genealogijs, & alijs quæcunque ostendunt, Dominum natum esse ex David, secundum carnem. Eo autem usi sunt, non solum hi, qui sunt illius sectæ; sed ij, qui dogmata Apostolica sequuntur, compositionis fraudem non cognoscentes, sed simplicius eo tanquam libro compendioso videntes. Ego quoque inveni plusquam ducentos eiusmodi, qui in honorem habebantur in nostris Ecclesijs, quos cum omnes simul coegissem, deposui, & in loco eorum reposui quatuor Euangelistarum Evangelia. Hæc Theodoretus, quæ quidem latuisse oportuit Victorem Capuanum, dum quodnam esset Tatiani opus, & quod Ammonij Alexandrini eodem argumento conscriptum, dubitasse se dicit; At quod deterius est, post longam de ea re habitam discussionem, quod Ammonij erat opus Tatiano tribuit, & Diatheßaron Tatiani adscripsit Ammonio. Existimo enim hæresiarchæ opus, absque Auctoris titulo, ob sectæ infamiam, fuisse descriptum.

Sed præstat, quæ ipse præfatur in Harmoniam Ammonij (Hic nempe erat titulus libri) quam adscribit Tatiano, hic ut cuncta certiora habeantur est scribere. Est autem eiusmodi eius ad opus præfatio: Dum fortuito in manus meas incideret vnum ex quatuor Euangelij compositum, & absente titulo, non inuenirem nomen auctoris, diligenter inquirens, quis gesta vel dicta Domini, & Saluatoris nostri Evangelica lectione discreta, in ordinem quo se consequi videbatur, non minimo studij labore redegerit: reperi Ammonium quendam Alexandrinum, qui Canonum quoque Euangelij fertur inuentor, Matthei Evangelio, reliquorum trium excerpta iunxisse, ac in vnam seriem Euangelium nexuisse, sicut Eusebius Episcopus Carpiano cuidam scribens, in præfatione editionis suæ, qua Canones memorati Euangelij edidit, supradicti viri imitatus studium, refert in hunc modum: Ammonius quidam Alexandrinus multum, ut arbitror, laboris & studij impendens, vnum ex quatuor reliquit

reliquit Euāgelium. Ex historia quoque eius comperi, quod Tatianus vir eruditissimus, & orator illius temporis clarissimus, vnum ex quatuor compaginauerit Euangelium, cui titulum Diapente imposuit. Hic Beati Iustini Philosophi & Martyris, dum adiuueret discipulus fuit, quo migrante ad Dominum palma martyrij, magistri sancti deferens disciplinam, & doctrinæ supercilio elatus, lapsus in Encratitarum, hæresim, Marcionis potius amplexus errorem, quam Iustini Christi Philosophi veritatem, suæ vite perniciosus extitit: asserens inter alia, nuptias & stupra pari crimini subiaccere. Sed & dictis Apostolicis manus prophanæ emendationis, vel (vt dicam verius) corruptionis dicitur intulisse. Sed quia, & hominum perfidorum (Christi nostri operante potentia) confessione, vel opere sæpe triumphat gloria veritatis (nam vt dæmones Christum fatebantur, & filij Sceuæ in Actibus Apostolorum in nomine Iesu, quem Paulus prædicaret, dæmonia fugabant) Tatianus quoque, licet prophanis implicitus erroribus, non inutile tamen exhibens studiosis exemplum, hoc Euangelium (vt mihi videtur) solerti compaginatione disposuit: & forsitan adhuc B. Iustini adhærens lateri, illius eruditionis merito, hoc opus explicuit. Arbitror enim propterea, non Ammonij, sed huius esse editionem memorati voluminis, quod Ammonius Marthæi fertur relationi, Euangelistarum reliquorum relatione discretos annexuisse sermones: hic verò S. Lucæ principia sunt assumpta, licet ex maxima parte Euangelij S. Matthæi reliquorum trium dicta coniunxerit, vt iure ambigi possit vtrum Ammonij, an Tatiani inuentio eius operis debeat æstimari. Veruntamen, vel si iam hæresiarches huius editionis auctor extitit Tatianus, verba Domini mei cognoscens, libenter amplector interpretationem: si fuisset eius propria, procul abijcerem. Hucusque de his Victor, qui post præfationem eiusmodi ponit operis titulum: Sancta quatuor Euangeliorum Harmonia, Tatiano Alexandrino auctore.

*Matth. 8.
Act. 19.*

Cæterum ipso tantum Tatiani sublato, & restituito Ammonij

monij nomine, omnia se rectè habent: nam quod ponitur Alexandrinus, Ammonio conuenit, qui fuit Alexandrinus, non Tatiano, qui Syrus: & Harmoniæ nomen, non operis Tatiani, sed Ammonij titulus fuit: hæc ita se habere ipse contextus, qui sequitur quatuor Euangelistarum planè declarat, in quo nihil ponitur Auctoris, sed ipsa tantum, vt se habent in Codicibus quatuor Euangelistarum verba, nec quidquam ab eo prætermisum, quod illi dixissent: quod quidem nequaquam factum esse à Tatiano, Theodoretus est firmissimus testis: nam ait ab eo prætermisas esse genealogias, & alia, quæ ad insinuandam Christi generationem, secundum carnem spectarent: quæ quidem omnia exactè (vt habent verba Euangelistarum) in ea Harmonia Ammonij à Victore Tatiano tributa, habentur recitata.

Quod denique ad eiusdem Tatiani commentarios pertinet: Auctor est Clemens Alexandrinus, ab ipso scriptum librum hoc titulo prænotatum: De perfectione secundum Saluatorem, sed repletum blasphemijs, cum in eo totus fuerit Auctor in condemnationem nuptiarum, & eius auctoris, nempe DEI, qui eas primus instituit: nam ex paucis, quæ idem Clemens recitat, ex eo facile est de cæteris coniectari. At quoniam Theodoretus de Tatiano agens, ait: Hunc habent Ducem, qui dicuntur Hydroparastatæ, & Encratitæ: qui nam hi fuerint suscepta narratio de Tatiano, vt dicamus, postulat. Nominati sunt autem, Hidroparastatæ, qui Tatianum sectabantur, eo quod aquam in sacrificio loco vini offerrent. Porro Tatianos cum Encratitis coniungit Epiphanius, adeo vt appareat vnus monstri, ex diuersis actibus duo fuisse nomina.

Encratitas igitur ex Tatiano prognatos, non modo omnia ab ipso accepta sectatos, sed & in deteriora esse prolapsos, Epiphanius docet: quippe quia, sicut illi abominarentur nuptias, abstinerent ab animatis & vino, & alia sectarentur, quæ Tatiani essent; aliaq; etiam eos addidisse tradit; nam ait: Afferunt etiam hi principatus quosdam esse, & qui diaboli est, aduersus Dei opera oppositum esse, & Deo

Clem. Alex. Strom. lib. 1.

Theod. bar. fabul. lib. 1.

Epiph. hæres. 47.

& Deo non subiectum, sed robustum, & facientem velut ex propria potestate, & non velut qui aberret; additq; eos ad suorum ipsorum dogmatum adstipulationem, aucupatos esse scripturas quasdam apocryphas, nimirum adā, quædam, quæ dicerentur Andreæ, Ioannis alia, alia verò Thomæ, & aliorum. Insuper admittere fœminas ad sacra mysteria, inter quas & viuant, adeo vt qui nomine continentes sunt dicti, re ipsa turpes essent: horumque non exiguum numerum sua adhuc ætate vixisse in Phrygia, Galatia, Pamphilia, Cilicia, atque Syria.

Auxisse autem Tatiani dogmata Seuerum quendam, qui Seuerianis hæreticis nomen dedit, tradit Eusebius cum ait: non longo tempore post, Seuerus quidam nomine, hæ- *Euseb. lib. 4. cap. 24.* resim modo à nobis commemoratam, mordicus tuebatur, atque illis, qui ex eo tanquam ex erroris fonte demanarunt, auctor exitit, vt Seueriani appellatione ab eo derivata nominarentur. Meminerunt eiusdem Hieronymus, ac Theodoretus. S. Augustinus autem de iisdem Seuerianis hæc addit: Vinum, inquit, non bibunt, eo quòd fabulosa vanitate, de Sathana & terra germinasse asserunt vitem: etiam ipsi non sanam doctrinam suam, quibus volunt inflant nominibus Principum, carnis resurrectionem, cum veteri testamento respuentes. Hic præterea Philomelam, quandam puellam dicebat, inspiratam diuinitus ad pronuntianda futura, ad quam somnia atque æstus animi sui referens diuinationibus, seu præfagijs eius secretim erat solitus præmoneri, eodem phantasmate eidem Philomelæ pueri habitu se demonstrante, qui pater apparens Christum se aliquando, aliquando esse assereret Paulum, à quo phantasmate sciscitans, ea soleret respondere, quæ se audientibus diceret: nonnulla quoque illa miracula operari solitam, inter quæ illud præcipuum, quod in angustissimi oris ampullam vitream, panem grandem immitteret, eumque extremis digitulis leuare soleret illæsum, eoq; solo, quasi diuinitus sibi cibo dato, fuisset contenta. Hæc Augustinus: Veruntamen Philumenen (vt dictum est superius) alij tri-

buunt Apelli hæresiarchæ, sed fortasse hæc alia ab illa, quæ hisce nuptijs, atque præstigijs magnam sibi æstimationem à vecordibus comparauerat.

Quod item ad Tatiani fautores spectat, addit Clemens Alex. Iulium Cassianum Valentini hæresiarchæ discipulum in eandem sententiam conspirasse cum Tatiano, fuisseque hunc principem hæresis Docitarum, qui dicerent Christum corpus sumpsisse fantasticum; sed & ad roborandum Tatiani dogma, scripsisse librum de continentia, vel castitate, & pseudo Euangelio secundum Aegyptios dicto, mutuatum esse testimonium de Christo loquente cum Salome, ac matrimonium derestante; eundemq; perperam interpretatum esse Genesim, cum per lignum veritum diceret, significatum esse coniugium, & per pelliceas tunicas humanam carnem. Hæc & alia ex eo recitat Clemens, quem hæc detestantem vtinam Origenes eius discipulus auscukasset.

Scripsisse aduersus Tatianū, & Encratitas Musanum veritatis patronum, tradit Theodoretus, cui & alios annumerat, nempe Apollinarem Hierapolis in Phrygia Episcopum, Clementem Alexandrinum, & Origenem; Rhodonem quoque Tatiano aduersatum esse, Eusebius non obscure significat: qui licet illius discipulus fuerit, tamen magnam sibi laudem ex fide Catholica, ob certamina aduersus diuersos hæreticos inita, propagauit, de quo hæc Eusebius breui narratione commemorat: Eodem tempore Rhodon, Asiatico genere procreatus, & Romæ (vt narrat ipse) de litteris, & doctrina à Tatiano, qui ex superiori nostro sermone satis cognosci potest institutus, varijs libris exquisitè compositis, strenuè cum reliquis fidei nostræ Patronis impugnauit Marcionis hæresim, eamq; etiam sua ætate in varias & discrepantes distractam sententias, explanat, ac non modo dissidij, & dissensionis describit auctores, sed falsa cuiusque illorum commenta, quæ callidè excogitauerant, accurate coarguit. Ex ijs namque vnum fuisse Tatianum, quem Marcionis sectatum vestigia diximus, satis potest intelligi: Demum lucubrationes, ab eo editas recensens, ab eo elaboratum

*Theod. lib.
ret. fabul.
lib. 3.*

*Euseb. lib.
1. cap. 13.*

ratum tradit Commentarium, in sex dies creationis rerum omnium, quo errores Apellis, & eius blasphemias egregiè confutauit; alia verò eius ingenij monumenta superius recitata, hic iterum enumerare prætermittimus: quæ singula Hieronymus ex Eusebio recenset.

His igitur, alijsq; ab hæreticis, ad demolendam Ecclesiam compositis arietibus, cum & adhuc gladius persecutionis sæuaret, quo sublatum etiam sequenti anno Anicetum, Papam dicemus: satis certum, exploratumq; proditum est experimentum; ipsam supra solidum fundamentum esse constructam, super ipsam nimirum immobilem perram, Christum, vt nulla aduersaria obnitente potestate, aliquando dissijci posset, & dirui: quin potius sicuti clauus, quo maioribus, ac frequentioribus mallei ictibus percutitur, eo pressius, atque altius figitur, ac firmitus solidatur, ita Dei Ecclesia, ingruentibus maiorum persecutionum insultibus, magis visa est firmari, atque solidius stabiliri, vt plane iuge miraculum cognoscatur: cum assidue emergentibus, ab inferis aduersarijs legionibus: indeque erumpentibus quotidie in eius incendium flammarum globis: ipsa nihilominus omnia sibi aduersantia, superet, referatque triumphum, ingenti illo gloriæ titulo prænotatum: Portæ inferi non præualebunt aduersus eam.

C A P. X I.

Annus nonus Aniceti.



ANNO Christi Domini nostri centesimo septuagesimo quinto, Aurelius Seuerus secundum, & Claudius Pompeianus declarati sunt Consules. Hunc Claudium M. Aurelius post obitum Lucij fratris profecturus ad bellum, data ei Lucilla filia, quæ fuerat Lucij in coniugem, asciuit sibi generum, quem postea

*Grego. h-
mil. 3. in
Evang.*

bis Consulem fecit, quod tradit Capitolinus in Marco. Hunc etiam in eadem expeditione præfectum fuisse exercitui: edictum ab ipso Marco datum pro Christianis, de quo suo loco agemus, significat. Quod verò gener Imperatoris in Consularibus factis non priori loco, sed posteriori ponatur (nam Seuerus secundò Consul, primitus adscriptus habetur) illud planè tunc accidit, quod S. Gregorius Papa tradit his verbis: Fertur apud veteres moris fuisse, vt quisquis Consul existeret, iuxta ordinem temporum honoris sui locum teneret: & si quis posterius ad Consulatam veniens, Consul non semel, sed bis fortasse, aut tertio fieret: etiam illos laude, & honore transcenderet, qui non plus, quàm semel Consules extitissent. Hæc Gregorius; sed ex Dione, vt superius diximus.

1. Cor. 11.

Hic sanctus vir, licet in multis constitutus periculis, animum tamen à re diuina nunquam reuocauit; & ideo constituit, vt Clericus comam non nutriret, secundum præceptum Apostoli, qui ait: Omnis autem mulier oras, aut propheters non velato capite, deturpat caput suum: Vnum est ac si decaluetur; velet caput suum, quoniam imago, & gloria Dei est: mulier autem gloria viri est. Non enim vir ex muliere, sed mulier ex viro. Etenim non est creatus vir propter mulierem, sed mulier propter virum (ideo debet mulier velatum caput habere propter Angelos) Veruntamen neque vir sine muliere, neque mulier sine viro, in Domino: nam sicut mulier de viro, ita & vir per mulierem; omnia autem ex Deo. Vos ipsi iudicate: Decet mulierem non velatam, orare Deum? nec ipsa natura docet vos, quod vir quidem si comam nutriat, ignominia est illi; quoniam capilli pro velamine ei dati sunt, iuxta Apostolum: non nutriant comam. Hoc decreto Anicetus Pontifex confirmat id, quod Apostolica traditione, ac constitutione in Ecclesiam derivatum est, vt scilicet eorum capita in modum spheræ tondeantur desuper, qui à communi hominum vita recedentes, excultius vitæ genus sectentur: Ita Isidorus de diuinis officijs. Huius ritus mentio est apud Dionysium de Ecclesiastica

*164. de
diu. off.*

stica

itica Hierarchia par. 2. cap. 3. In Ecclesia à primis sæculis
 vsque huc, prædictum ritum frequentatum esse constat, non
 tantum ex Dionysio Areopagita, supra allegato loco, vbi
 ait: Monachos tonderi solitos fuisse; sed etiam ex Epiphanio
 hæresi 80. Augustinus de operibus Monachorum cap. vlti-
 mo, vbi reprehendit quosdam Monachos, qui aliorum
 more tonderi nollent. Ex Hieronymo in epistola quadam
 ad August. quæ est inter epistolas Augustini 26. vbi sic ait:
 Euodium, vt meo nomine salutes, precor coronam tuam.
 Item ex Augustino epist. 147. ad Proculianum Episcopum,
 quo loco hæc scribit: Per coronam nostram nos adiurant
 vestri: per coronam vestram vos adiurant nostri. Ex Conci-
 lio Carthaginensi 4. Canon. 44. quod prohibet Clericis co-
 mam & barbam alere; ex Concilio Tolerano 4. cap. 40. iu-
 bet, vt omnes Clerici de tonso superius capite, toto inferius
 solam circuli coronam relinquant. Rectè igitur hic Anice-
 tus ait: secundum Apostolos esse comam non alere, sed ca-
 put demissè tondere: nam quæ per vniuersam Ecclesiam
 toto terrarum orbe recepta, ab Apostolorum temporibus
 vsu frequentata leguntur, ea secundum regulam S. Augu-
 stini epist. 118. ad Ianuarium, ab Apostolis profecta, & con-
 stituta esse rectè creduntur.

Et vt liquidò constet omnibus, hunc tonsuræ vsus, quem
 Anicetus instituit, non solum secundum Apostolicam tradi-
 tionem, vt dictum est; verum etiam antiquissimum extitisse,
 vt liquet ex Baronio tomo 1. anno octuagesimo, & di-
 citur infra abundanter: nam Nazaræni, qui cæteris sanctio-
 res haberentur, religionis ergò, in templo capita radenda
 offerrent, Apostolica traditione in Ecclesiam deriuatum tra-
 ditur, vt qui à communi hominum vita recedentes, excul-
 tius viuendi genus affectarentur, ac per omnia se se diuino
 cultui manciparent, deberent eorum capita radi. Id Isido-
 rus his verbis testatur: Tonsuræ Ecclesiasticæ vsus à Naza-
 rænis, ni fallor, exortus est: qui prius crimine ablato, denuò
 post vitæ magnam continentiam, deuotione completa, ca-
 put radebant, & capillos in ignem sacrificij ponere iube-
 bantur,

Dionys. de
 eccl. hier.
 par. 2. c. 3

Epiph. hæ-
 resi. 80.

Aug. de
 oper. mo-
 nachor. c.
 ultimo.
 Hier. in
 epist. ad
 Aug.

Aug. ep.
 147.

Conc. Car-
 thagin. 4.
 can. 44.
 Conc. Tol.
 4. cap. 40.

Isid. de di-
 uin. off. in
 Concil. A-
 quisgran.
 cap. 1.

*Ezech.
proph. 5.*

bantur, scilicet, vt perfectionem deuotionis suæ Domino consecrarent. Huius ergo exempli vsus ab Apostolis introductus est, vt qui diuinis cultibus mancipati, Domino consecrantur, quasi Nazaræi, idest sancti Dei, crine præciso innouentur. Hoc quoque & Ezechieli Prophetæ iubetur, dicente Domino: Tu fili hominis sume tibi gladium acutum, & duces super caput tuum, & barbam. Videlicet, quia ipse sacerdotali genere Deo in ministerio sanctificationis seruiebat. Hoc & Nazaræos, Priscillam, & Aquilam in Actis Apostolorum primos fuisse legimus; Paulum quoque Apostolum, & quosdam discipulorum Christi, qui huiusmodi cultu imitandi extiterunt. Est autem Clericis tonsura signum quoddam, quod in corpore figuratur, & in anima agitur, scilicet, vt hoc signo, & religione vitia rescentur, & criminibus carnis nostræ, quasi crinibus exuamur, atque inde innouatis sensibus, vt comis rudibus, enitescamus expoliantes nos, iuxta Apostolum, veterem hominem cum actibus suis, inducentes nouum, qui renouatur in agnitione Dei: quam renouationem in mente oportet fieri, sed in capite demonstrari, vbi ipsa mens noscitur habitare. Quod verò de tonso capite superius, inferius circuli corona relinquitur, sacerdotium, regnumq; Ecclesię in eis existimo figurari. Thiara enim apud veteres constituebatur in caput Sacerdotum, hæc ex bisso confecta, rotunda erat quasi sphaera media, & hoc significabatur in parte capitis tonsi: non autem latitudo aurei circuli est, quæ Regum capita cingit. Virumque itaque signum exprimitur in capite Clericorum, vt impleatur corporis etiam quadam similitudine, quod scriptum est, Petro Apostolo prædocente: Vos, estis genus sanctum, regale Sacerdotium. Quæritur autem: Cur sicut apud antiquos Nazaræos, non ante coma nutritur, & sic tondetur? Sed qui hæc exquirunt, animaduertant quid sit inter illud propheticum velamentum, & hanc Euangelij reuelationem, de qua dicit Apostolus: Cum transieris ad Christum, auferetur velamen. Quod autem significabat velamen interpositum inter faciem Moysi, &

aspe-

aspectum filiorum Israel, hoc significabat illis temporibus coma Sanctorum. Nam & Apostolus comam pro velamento dicit esse, proinde iam non oportet, ut velentur crinibus capita eorum, qui Domino consecrantur, sed tantum ut reuelentur, quia quod erat occultum in sacramento prophetiæ, iam in Euangelio declaratum est. Hucusque Isidorus.

Quod igitur non integra Clericorum, vel Monachorum capita raderentur, præter ea, quæ ab Isidoro sunt dicta, illa etiam causa suppeditari posse videtur, ne scilicet secundum Iudaicum, vel Gæcilium ritum nos facere videremur: nimirum Iudaizare cum Nazaræis, & superstitionem sectari Isidis, Serapidis, & aliorum Gentilium sacerdotum, qui omnes corporis pilos, & capillos penitus corradabant. Scimus, & apud Græcos, Tragenios, & Assyrios Iudæis confines æmulatos esse eiusmodi ritum tendendi capillos, eosdem in templo offerendi numini; sicut & abstinentiam ab esu porcinæ carnis, & alia: sed & apud Romanos cum primum barbam raderent, atque crines, ea numini dedicare moris fuisse, apud Suetonium in Nerone notatum habes. Alia insuper affertur causa, quod capillorum corona, reliquo raso capite, integra consueuerit remanere: nimirum ob iugem memoriam spineæ coronæ impositi capiti Domini nostri Iesu Christi; idque ab Apostolis factitatum, & Ecclesiæ traditum, certa assertione apud Bedam legitur post alia: Inter omnes autem, quas in Ecclesia, vel in vniuerso hominum genere reperimus tonsuras, nullam magis sequendam, amplectendamque, iure dixerim ea, quam in capite suo gestabat ille, cui se consentienti Dominus ait: Tu es Petrus, &c. & paulò post: Neque ob id tantum in coronam attondemur, quia attonsus ita est Petrus; sed quia Petrus in memoriam Dominicæ passionis ita attonsus est. Idcirco & nos, qui per eandem passionem saluari desideramus, ipsius passionis signum cum illo in vertice, summa videlicet corporis nostri parte gestamus: Sicut enim omnis Ecclesia, quæ per mortem sui viuificatoris, Ecclesia facta est, signum sanctæ Crucis in fronte gestare consuevit, ut cre-

bro

*Hieron. in
Ezech. c.
48 & Am
bros. ad
Sabin. ep.
3. edit.
Rom.
Lucian in
Dea Sy-
rta in fin.*

bro vexilli huius munimine à malignorum spirituum defendatur incurfibus, & crebra huius admonitione doceatur, se quoque carnem cum vitijs, & concupiscentijs crucifigere debere. Ita enim oportet eos, qui vel Monachi votum, vel gradum clericatus habentes, arctioribus necesse habent pro Domino se continentiae funibus astringere: formam quoque coronæ, quam ipse in passione sua spineam portauit in capite, vt spinas ac tribulos peccatorum nostrorum portaret, idest exportaret, ac auferret à nobis, suo quemque in capite per tonsuram perferre, vt se irrisiones, & opprobria pro illo libenter, ac prompto animo sufferre, ipso etiam frontispitio doceant, vt coronam vitæ, quam repromisit Deus diligentibus se semper expectare, piaq; huius perceptione, & aduersa mundi, & prospera contemnere designarent. Hæc ibi, quæ & alij tradiderunt. Cum enim sciamus consueuisse eiusmodi ludibrio Romæ affici sapientes viros, qui Philosophi dicerentur, eandem in Petrum illatam esse contumeliam, haud vanum erit existimare. Sanè quidem de Apollonio Thiano Philosopho Pithagoreo, qui eius sectæ suo tempore esset facilè Princeps, scribit Philostratus à Domitiano esse detrusum in carcerem, ab eodemque missum esse tonsorem, qui comam capitis, & promissam philosophicam barbam amputaret. Cum alioqui criminum rei intonsa barba, atque capillo agere solerent. Sed & si quæ fides apocrypho est adhibenda: legitur in Pseudoprocoro Ioannem Euangelistam iussu eiusdem Domitiani, ignominiae causa, capite attonsum esse. Testatur & Cyprianus similia, de damnatis ad metalla, cum ait: Semitonfi capitis horrescit capillus; & in responsione: semitonfi capitis capillaturam adequasti. Solebat eiusmodi abrasio capitis signum esse hominis turpissimi, & scelestissimi. Vnde illud Ciceronis pro Roscio Comædo: Nonne ipsum caput, & supercilia, illa penitus abrasa olere mala tiam clamitare calliditatē videtur. Et infra: qui idcirco capite, & supercilijs semper est rasus, ne vnum pilum boni viri habere dicatur. Hæc Cicero de leuissimo homine, qui sic se raserat.

Verum

Cypr. ep.
77.

Abrasio
capitis si-
gni tur-
pitudinis
& scele-
ris apud
veteres.

Verum quæ ab alijs ignominia causa hisce hominibus fieri solebat, abrasio diuersi generis erat: Nam præter illos, de quibus est dictum, alia erat, quæ à Luciano sic describitur, dum agit de Morione: Moxq; ingressus deformis quidam derafo capite, pauculos capillos in vertice gestans, eosq; cristæ in morem erectos. Hæc in conuiuio Lucianus. Idem in epistola ad Saturnum: Vertex illius asperis, & pungentibus fetis sit hirtus. reliqua capitis parte nuda, Terrullianus etiam sic attondi consueuisse Numidas testatur, cum ait: Apud aliquos Numidas etiam equis Cæsariatos iuxta cutem tonsos, & cultri vertex solus immunis. Hæc ille. Addimus illud, quod Caius Imperator occipitia adolescentulorum, ludibrij causa, radere consuevit, de quo Suetonius: Pulchros, & comatos quoties sibi occurreret, *Suet. c. 35* occipitio raso deturpat. Moris fuisse etiam penes Romanos seruorum radi capita, Tacitus, & alij plures testantur, sicq; *Cor. Tac.* videas non vnus generis fuisse capillorum abrasionem, licet omnes æquæ ad inurendam ignominia notam ab alijs pro animi cuiusque sententia excogitarentur. In sacris demum litteris huiusce etiam contumelia vestigium extat, secundo Regum 10. & primo Paralip. 19. Legatos, quos Dauid miserat ad Naas Regem filiorum Ammon, de morte patris sui consolandum; ille iniquis cedens consilijs, in signum contumeliae rasit, & decaluauit. Sensit ignominiam Rex Dauid, adeoq; molesto animo tulit, vt aduersus Ammonitas grauissimum suscepit gesseritq; bellum, non desistens donec fufis exercitibus, regione vastata, Urbibus captis, atque direptis, incolis eiectis, popularibus, variè cruciatis, dignam tantæ iniuriæ retulerit ultionem. Immo ad hunc morem radendi captiuorum capira alludens, Deus ipse loquens per Moysem Deuter. 32. verba illa protulisse videtur: De cruore occisorum, & de captiuitate nudati inimicorum capitis, vt ibi glos. notauit. Sed iam ad Clericorum tonsuram, cuius causa eiusmodi facta est digressio, reuertamur. Ea igitur, quæ Principi Apostolum derisionis, & ignominia causa illata est infamia nota, totius Ecclesie

M

honori

honori cessit. Et quid mirum cum ipsa quoque poenarum instrumenta pietas Christiana, in amplissimam gloriam commutata, & habere consueuerit in honore; Idque virtute, ac merito Crucis Christi; quæ mundi contemptibilia, ignobilia, & infirma, ad maximum omnium gloriæ culmen euexit? Sed antiquum eius rei usum inspiciamus: præter illa, quæ de Apostolica institutione, atque traditione sunt ex dictis nuper auctoribus recensita: non aliunde id certè, quàm ab Apostolico fonte fluxisse, Oriens, Occidensq; pariter, ac omnes denique regiones, in quibus Christiana fides est aliquando propagata, pari consensione visæ sunt, ne dum hæc esse testatæ; sed æquè omnes id ipsum firmissima eius rei obseruatione probasse. Doceat quis velim Prouinciæ orbis aliquam, quæ Christi nomen accepit, eiusdem fuisse tonsuræ clericalis expertem. Queniam alio quæso, quàm Apostolorum præconia rem tam nouam, atque adeo inusitatam, ac penitus ab alijs intentatam radendi in modum spheræ, vel coronæ capitis Christianus orbis potuit suscepisse, ac firmiter tenuisse, nullo præcedente maiorum exemplo? Nam si Iudæos spectes, vnde fluxit Christiana religio diuina lege radere caput Sacerdotibus interdiktum fuisse reperies, dicente, atque monente: Sacerdotes nec radent caput, nec barbam; & communiter omnibus vetitum in rotundum attondere comam, & radere barbam; licèt verborum illorum diuersa lectio habeatur. De Gentilibus diximus planè diuersum à nostro fuisse illorum ritum, quippe qui non tantum capitis capillos omnes vsque ad supercilia, sed totius corporis pilos, Isidis præsertim sacerdotes radere consueuerint. Et quis existimet Christianos voluisse illos imitari, quorum non tantum sacra, sed & sacerdotes etiam, præsertim ob causam, tantoperè deriderent? Consulat qui de his dubitat antiquorum Patrum aduersus gentes scriptas apologias, in ijs vtrique hæc omnia fusius inueniet explicata. Nemo igitur sanæ mentis leuiter dixerit esse introductum, atque seruatum absque exemplo, quod Catholica vbique Ecclesia custodiuit.

Certè

Certè adeò peruulgata in orbe res fuit, vt nec scriptores Ethnici de ea tacuerint. Nam Ammianus Marcellinus testatur temporibus Iuliani Apostatæ, Theodorum quendam Ecclesiæ ædificandæ Præfectum, ab Ethnicis supplicio affectum, quod, vt ait, cirros puerorum licentius detondebat, nihil aliud significans, nisi quod pœnas dedit, eo prætextu, quod complures pueros in Clericos cooparet; capillorum enim tonsura eiusmodi initiari (vt etiam modo sit) antiquitus consueuisse, satis est exploratum, sed & exemplum habes in Otreio Episcopo Melitensi, sanctitate & doctrina celeberrimo, qui claruit temporibus Theodosij senioris, cuius & sanctionibus commendatur, cum sanctum Euthymium ordinauit lectorem. Hæc de eo Cyrillus in rebus gestis Euthymij scribit: Cum eum baptizasset, & pilos, qui ex lege tondentur pueris totondisset, in gradum lectorum eum cooptat; sed quod amplior esset illorum tonsura, qui maioribus initiaretur ordinibus, hinc Euagrius Scholasticus ait: Coma abrafa presbyter designatus est. Mentio est eius ritus apud Dionysium: Cum igitur de his qui in Monachos cooptantur, eiusque rei spiritualis census declaratur. Ad hoc pertinet, quod in libro de Romanis Pontificibus peruetusto, qui fertur nomine Damasi, de Aniceto habetur, instituisse scilicet secundum præceptum Apostoli, ne Clerici comam nutrent. Multa enim quæ ab Apostolis siue scripto, siue sine scripto statuta essent, decretis iterum editis, ea accuratius esse seruanda, sæpe Romani Pontifices præcepere: Sed quod illic breuiter notatur, vt secundum Apostoli præceptum, Clerici comam non nutrant: haud de communi illa viris omnibus, à Paulo præscripta lege, ne videlicet illi, mulierum exemplo comam nutrent, significare voluit auctor illis verbis: Sed vt qui sanctioris vitæ mancipantur ordinibus, excultioris etiam vitæ charactere in capite ferrent. Hocq; idem esse, quod habetur in Concilio Carthaginensi, & Agathensi, ne Clerici comam nutrant, sed tondeant. At si non de tonsura in modum spheræ fieri solita patres intellexerunt: quid tam instantè

*Ammon.
Marc. lib.
12.*

*Cyroll. de
fid. Cath.
li. 3. Cod.
Theod.
Id in Euthym.
A.
pud Lips.
tom. 5.
Euagr. hi
stor. lib. 3.
c. 20. in fi.
Dionys. de
eccl. hier.
p. 2. c. 30.*

*Conc. Carthagin. 4.
cap. 44.
Conc. Agath. c. 20*

Clericis faciendum esse mandarunt, quod Apostolica lege quisque laicus facere teneretur, nempe comam non nutrire, sed capillos disponere? Quod igitur Clericis id faciendum præcipitur, quia alia ratione videretur esse mandatum, alio etiam ritu erat implendum, nimirum ut in summo vertice depresso caput tonderent, aut raderent. Cum verò multæ eius rei allatæ sint causæ, illam adijcimus, nempe, ut mancipatæ semel vitæ diuino cultui per capillorum oblationem, eo signo sæpius iterato, assiduo meminisse deberent; & quod sollemniter præstitissent, semel sæpe reterent; Aliquibus verò in locis, ut in Hispania postmodum accidit, ut occasione quorundam hæreticorum, qui eandem cum Catholicis usurparent capillorum tonsuram, ac proinde eo signo vellent videri Catholici: eius regionis Episcopi conuentu habito, dilatandam eiusmodi capitis tonsuram statuerint. Est de his Canon in hæc verba descriptus: Omnes Clerici, vel Lectores, sicut Leuitæ, & Sacerdotes detonso superius capite toto, inferius solam circuli coronam relinquant: non sicut hucusque in Galiciæ partibus facere Lectores videntur, qui prolixis, ut laici, comis in solo capitis apice modicum circulum tondent. Ritus enim iste in Hispanijs hucusque Hæreticorum fuit. Vnde oportet pro amputando ab Ecclesijs scandalo, hoc signum dedecoris auferatur, & sit vna tonsura, vel habitus, sicut totius Hispaniæ est vsus. Qui autem hoc non custodierit, fidei Catholicæ reus erit. Porro eandem coronæ formam in S. Nicetio Episcopo Treuerensi habes diuinitus efformatam: Sic enim de eo scribit Gregorius Turonensis: Sanctus Nicetius Episcopus ab ipso ortus sui tempore Clericus est designatus: nā cum partu fuisset effusus, omne caput eius, ut est consuetudo nascentium infantium, à capillis nudū quidem cernebatur; In circuitu verò modicorum pilorū ordo apparuit, ut putares ab eisdem coronam Clerici fuisse signatam.

Cæterum & in his, sicut in alijs, multa diuersa fuit diuersarum Ecclesiarum consuetudo. Vbi verò nihil corruptum est ab hæreticis, nulla alia mutatio intercessit. Non enim

*Conc. Tol.
4. cap. 40.*

*Greg. Turon. in
vit. Sæd.
Pat. c. 17.*

enim fuit recens æmulatio Hæreticorum, ut & ipsi incederent tonsura decori: Nam si fidem adhibemus his, quæ ab erudito Auctore Beda, iam ipsis Apostolorum temporibus, etiam Simon Magus tonsuræ genus quoddam excogitauit. Sed hæc à maioribus scripta non produntur: Nam & de eadem epistola, quam recitat Beda, loquutus esse videtur Amalarius, qui eam haud tantæ fidei fuisse dicit, ut recipere-
 retur ab omnibus; ipse enim dum de tonsuræ origine disputat, hæc scite quidem, atque prudenter affirmat: Interrogatus, inquit, ab aliquibus, quis primus tonsus sit in nostro more? Legi in epistola cuiusdam viri, Petrus: Sed quia non tantæ auctoritatis est, ut ex illa firmare valeamus nostram sententiam, maluimus eam silentio præterire: Non tamen ab re est, si dixerimus illum, aut aliquem successorem eius primo fuisse tonsum nostro more; quoniam ab illa Ecclesia sumptus est talis usus, in qua illi sederunt. Sed quid ad nos? cum multa agamus ex consuetudine præsentis Ecclesiæ, quorum auctores proferuntur specialiter, sicut nec observationes quadragesimalis temporis ante Pascha: scimus tamen ex demonstratione S. Augustini, consensione Ecclesiæ eam esse roboratam, sic & nos dicimus tonsuram nostram ex auctoritate, & consuetudine Romanam Ecclesiam esse roboratam. Hæc, & alia Amalarius. Sed quod ait: etsi non à Petro, saltem ab aliquo Petri successore, tonsuræ usum antiquam sibi originem vindicare, certè de nullo alio, quàm de Aniceto est testimonium, qui cum tam proximus fuerit Apostolorum temporibus, quod ipse statuit æque ab Apostolis traditum esse potuit: nam quod Irenæus testatur ad sua tempora, nempe sub Eleutherio in Romana Ecclesia traditiones Apostolicæ illibatæ, atque incorruptæ seruatæ sunt, ut merito ob eam causam idem appellet ipsam Romanam Ecclesiam, diues depositorium Apostolicarum traditionum.

Verùm distinctam fuisse tonsuram Monachorum ab ea, quæ est Clericorum, certum est: cum illi non tantum verticem capitis, sed totum ferè caput radere consueuissent,

*Beda hist.
Angl. lib.
5. c. 22.*

*Annal. de
eccl'es. off.
c. 5.*

*Iren. lib. 3
c. 3. & 4.*

vt sic nimirum, quod esset ipsorum vitæ studium declararent. Abrasione quippe capitis symbolum, ac hieroglyphicum fuisse lugentis, atque moerentis hominis, non tantum proditur testimonijs diuinæ Scripturæ, sed assertionibus

Iob. 1.

etiam externorum. De Iob enim habetur testatum, cum suarum cladium nuncios accepisset, tōso capite adorasse. Et

Isai. 24.

Isaias: Vocabit Dominus Deus exercituum in die illa ad fletum, & planctum, ad caluitium, & ad cingulum. Et il-

Michæa

lud Michæa: Decaluare, & tondere super filios delictiarum. Dilata caluitium tuum; quod verò ad Gentiles pertinet

Suet. in

Caio Ca-

lig. cap. 5.

barbaros. Hæc Suetonius: Regulos quosdam barbam posuisse, & vxorum capita rasisse, in indicium maximi luctus.

Herodot.

lib. 1. dist.

Lucia. de

Dea Syria

6. not. in

C. Iulio.

cap. 67.

Facere id consueuisse Argiuos moeroris causa, testatur Herodotus: affirmat id ipsum Lucianus de Syris, qui funera-

raso capite celebrarent. Solum apud Romanos, quod tonsa barba, ac capite solerent incedere, in maximo luctu ca-

pillum, & barbam promittere mos fuit, vt Suetonius de

Iulio Cæsare sic tradit: Diligebat vsque adeo, vt audita

clade Titurriana, barbam capillumq; submiserit, nec antea

adempsit quàm vindicasset; & de Augusto: cum audisset

cladem Verianam in Germania acceptam, adeo, inquit, consternatum ferunt, vt per continuos menses barba, ca-

pilloq; submisso, caput interdum foribus illideret. Ostendit

Idē in Ca-

io cap. 24.

Plin. lib.

7. ep. 27.

1. vestem.

ff. de iniu-

rijs.

Senecc. lib.

9. declam.

4. resp. 27.

Vt igitur, quod Monachorum erat officij, solitariam vi-

tam agere, ac lugere peccata, hoc etiam corporis cultu

profiterentur, optime, iureque consultum est, vt ipsa initia-

tione Monasticæ conuersionis, capita raderent. Hæc etiam

Basilii in regula Monachorum suorum, quam scripsit, nuper Romæ excusa, demonstrat. De eadem Monachorum

Paulin.

epist. 7.

tonsura Paulin. ad Seuerum scribens, agit his verbis: Nos

adeant, & recusent conseruuli, & compallidi nostri, non

vestibus pictis superbi, sed horrentibus cilicij humiles, nec

clamyde

clamyde curta lini, sed singulis palliati: nec balteo, sed veste succincti: nec improba attonsi capitis fronte criniti; sed casta informitate, capillum ad cutem cæsi, & inæqualiter semitonsi, & destituta fronte prærasi, & ornatu pudicitæ inornati. Itemque de Monachis cûte tenus attonsis loquitur Saluianus Massiliensis, dum deplorans Africanæ Ecclesiæ acerbissimum statum, hæc ait: Non sine causa itaque istud fuit, quod intra Africæ Ciuitates, & maximè intra Carthaginis muros palliatum, & pallidum, & recisis comarum fluentium vittis, ad cutem tonsum videre, tam infelix ille populus, quàm infidelis, sine conuicio atque execratione vix poterat. Et si quando aliquis Dei seruus, aut de Aegyptiorum cœnobijs, aut de sacris Hierosolymorum locis, aut de Sanctis Eremitis, venerandisq; secretis ad Urbem illam officium diuini operis accessit; simul vt in populo apparuit, contumelias, sacrilegia, & maledictiones excepit. Nec solum hoc, sed improbissimis flagitiosorum hominum cachinnis, & distantibus ridentium sibilis, quasi taureis cædebantur, verû vt si quis ea inscius rerum fieri videret, non aliquem hominem ludificari; sed nouum, inauditumq; monstrum abigi, atque exterminari arbitraretur; Et post multa exaggerando congesta, demum hæc ait: Et miramur, si nunc barbaros illi perferunt, cum videamus, quod sancti viri in illis locis barbaros pertulerunt? Iustus ergo est Dominus, & iustum iudicium suum, &c. Itaque ex his videas in derisores tonsuræ Monasticæ seuerissimè Deum vltum esse, qui Vandalis eam Prouinciam per centum annorum spatium dederit deuastandam.

Quod verò, vt vidimus ex Saluiano, Monachi tonsurati deriderentur ab Afris, inde fortasse accidit, vt quidem in eadem Prouincia pseudomonachi abiecta tonsura, comam remitterent; aduersus quos Augustinus hæc ait: Sed alij sunt, quos isto sermone corripimus; illos autem, qui hoc vno vitio capillorum, contra præceptum Apostolicum demissorum, offendunt, & perturbant Ecclesiam. Redarguit & Epiphanius illos, qui in Mesopotamia agerent Monachos, quod

*Salu. lib.
8. de vero
iudic. &
providen.
Dei. in fi.*

*Aug. de
oper. Mo-
nach cap.
33.*

quod comam prolixam gererent : Nam alienum est, inquit, à Catholica Ecclesia saccus conspicuus, & coma extensa. Fertur, sed extra numerum aliorum Canon Nicænus de tonsura Monachorum, in hæc verba: Monachi alia habeant indumenta, & mores, quàm habent laici, ac caput tondeant in modum coronæ. Protulit hæc, & alia (ut cunque sint) ex Arabicis exemplaribus Turrianus, & edidit, à scilicet latinitati donata, quæ tamen cum fulciantur innumeris ferè aliorum testimonijs, prorsus contemnenda non sunt.

Socrat. hist. lib. 3. cap. 1.

Tolet. Synod. c. 12.

Nam ad hoc respicit, quod Socrates de Iuliano Apostata scribit; ipsum abrafa cute, vitam Monasticam simulasse. Sic igitur, quod caput radere, esset velut hieroglyphicum lugentis hominis: Ea de causa statuit tertia Synodus Tolertana, ut publicè poenitentibus, in primis Episcopus, vel Presbyter caput tonderent, ut sic in cinere, & cilicio poenitentiam agerent.

Greg. Nazianz. orat. in Maxim.

Episcopos etiam, magna saltem ex parte capitis abrasos fuisse, satis expressisse visus est Gregorius Nazianzenus, qui agens aduersus Maximum, ex Cinico Philosopho mox factum Episcopum, hæc ait: Cum ad Pastoralis muneris administrationem nihil aliud omnino contulerint, quàm quod comam, cui alendæ & ornandæ turpiter studuerant, raserint. Porro quoniam eiusmodi capitis rasionem, consueuisse à maioribus dici coronam, ea quæ dicta sunt superius, satis apertè significant. Ad huiusmodi coronam alluisse videtur

Euseb. hist. lib. 10. c. 4.

Eusebius Pamphili in ea oratione panegyrica, quam habuit in Dedicatione Ecclesiæ à Paulino Tyri Episcopo ædificatæ, cum sic exorditur: Amici Dei, & Sacerdotes, qui sacrosancto poderis indumento, celestis gloriæ corona diuina vñctione, & sacrata Spiritus sancti circumuestiti, &c. Inde etiam prouenit, ut consueto more loquendi soleret Populus, cum Episcopum interpellaret, & ab eo aliquid enixius peteret, per coronam ipsius obtestari; quod Augustinus scribens ad Proculianum Episcopum, docet his verbis: Honorant nos vestri, honorant vos nostri, per coronam nostram nos adiurant vestri, per coronam vestram.

Aug. epist. 147.

vos adiurant nostri. His igitur adeo manifestè, certoque probatis, non tantum Sanctorum Patrum, sed Ethnicorum immo omnium hominum, etiam hæreticorum per coronas Sacerdotum, tanquam quid sacrum obtestantium testimonijs. Quid est, quod obijci possit ex Hieronymo, quasi ipse minus probet capitis, ac barbæ rasuram, cum citati nuper auctores, de utraque re apertè testantes, ipsius Hieronymi vixere temporibus, vel haud multum post; qui quidem eam, quæ esset eius temporis Ecclesiæ consuetudo, planè declarant; sed ex his omnibus, quæ idem Hieronymus scribit in Ezechielem, vel in Isaiam, tres eliciuntur positiones; ac ea in primis ipsum non probare capillorum, siue barbæ tonsuram, solitam fieri more Gentilium; Sed in his nulla est discrepantia cum his, quæ superius dicta sunt, cum idem ipse gentium ritus ab omnibus æque damnetur. Secunda positio ea est, quod & ipse pariter cum cæteris consentit, capillos esse tondendos; sed sic tamen, ut operata, quod ait: sic cutis, sicque videas, nec in his ipsum à prædictis differre, nisi quod, non nouacula ad cutem usque radi velit capillos, sed forficibus, atque depresso, dummodo tamen non appareat nuda cutis: sed quam hæc sit differentia, nemo non videt. Tertia demum eius conclusio, quæ barbæ non probat tonsuram, ait ipse in Oriente agens. Quid mirum si Orientalium Clericorum, & Monachorum consuetudinem comprobauit?

*Hieron. in
Ezech. c.
44. & in
Isai. c. 5.
&c.*

His dictis, atque euidenter elucidatis, iam ad rerum gestarum narrationem reuocanda esset oratio, nisi suscepti semel argumenti ratio admoneret, ac penè cogeret, ut etiam de barbarum tonsura aliqua saltem leuiter attingamus. Et in primis, quod ad eos, qui foris sunt pertinet: sicut capita, ita & barbam radere commune fuisse quibusdam Sacerdotibus Idolorum, præter illa, quæ dicta sunt. Baruch de Babilonis Sacerdotibus testatur, cum ait: In domibus eorum Sacerdotes sedent, habentes tunicas scissas, & capita & barbam rasam, quorum capita nuda sunt. Quamobrem in diuina Scriptura hæc eadem prohibentur. In Leuitico enim

Baruch 6

Leuit. 21.

N

secundum

secundum vulgatam hæc leguntur: Non radent caput, nec
 barbam, nec in carne sua facient incisuras. Eadem quoque
Ezech. 4. apud Ezechielem leguntur. Apud Syros eandem consuetu-
Lucia, de dinem viguisse apud Sacerdotes Deæ Syriæ. Lucianus eo-
Dea Syria rum Gentilis, qui eo argumento libellum scripsit, testatur.
 Quapropter tota vis legis in eo versatur, vt Iudæos cohibe-
 ret, quæ proximæ Prouinciæ facerent Idolorum sacrificia;
 qui eo modo caput; & barbam tonderent, ac cultris suas
 sibi carnes inciderent, sicque ea, quæ illi faciebant, lex eis
 prohibuit Sacerdotibus. Hæc vt clariora fiant, reddamus
Leuit. lib. hic verba, quæ ex eodem Leuitici libro superius citata sunt:
19. Neque in rotundum attondebitis comam, nec radetis bar-
 bam, & super mortuo non incidetis carnes vestras, neque
 figuras aliquas, aut stigmata facietis vobis. Ac videamus
 quàm verè hæc eadem à prædictis Sacerdotibus Deæ Syriæ
 factitari solita esse. Idem Syrus autem, ibique versatus egre-
 giè memoriæ tradat. Nam in primis agens de antiquitate
 templi eius, atque cultu, multorum refert fuisse sententiam,
 vt à Deucalionē fuerit excitatum; Et licèt alias referat de
 ea re opiniones; antiquissimum tamen planè illud fuisse;
 vna omnium erat assertio, in eo exectos viros, glabros sa-
 crificare consueuisse, eosdemque se cultris incidere inter
 immolandum testatur; quod & Apuleius, dum eadem de
 Assiria agit, affirmat rursus illuc accedentes capita radere,
 & supercilia, necnon & barbas deponere solitos ibidem.
 Lucianus enarrat. Insuper, quod item in Leuitico est præ-
 ceptum ne barbas radant, neque incidant carnes, atque
 quod mox additur: neque figuras aliquas, aut stigmata;
 facietis vobis. Hæc eadem ab illis factitari solita, idem Lu-
 cianus eodem in loco tradit his verbis: Certis autem notis
 compunguntur omnes, alij quidem in vola manus, alij au-
 tem in ceruice; & inde est, quod cuncti Assirij notas inustas
 habent. Hæc Lucianus, qui & multa ibi recenset de illo-
 rum ritibus, cum Hebræis communibus. Quam igitur, qua-
 lemue capillorum, & barbæ tonsuram prohibuerit lex diui-
 na, ex dictis nulla remanet penitus dubitatio, vt ex his planè
 videas

videas quàm inuidiosè, atque iniuste pariter calumnientur, qui legis diuinæ prætextu, in Clericos ac Monachos Catholicæ Ecclesiæ inuehuntur. Quod verò deducunt No-
uantes ex Epiphanio, quasi ex Apostolorum institutione, non licere, nec caput, nec barbam radere, ipso affirmante, ac sic dicente: De barba quidem in Constitutionibus Apostolorum, dicit diuina Scriptura ac doctrina: Non corrumpas, hoc est, non seces pilos barbæ, neque meretricio more ob comam efferaris. Vnde accepta hæc sint, exactè perquirendum est. Nullus certè de his Canon est Apostolicus, sed tantum quæ in Constitutionibus Clementis nomine sic scripta leguntur: Fidelis cum sis & homo, non licet tibi nutrire capillum, & in vnum complicare, quod est delicatum & molle, vel discerniculo discriminare, vel flauum facere: quoniam quidem lex vetat, inquiens: Non faciatis vobis rotunditatem ex coma capitis vestri, neque incisiones; neque verò licet barbæ pilos corrumpere, neque hominis figuram, præter naturam mutare. Non scindetis, inquit lex, superficiem barbæ vestræ; hoc enim mulieribus decens Creator Deus statuit, viris indecorum esse iudicauit. Hucusque Clemens. Ex his verò satis perspicuum redditur, tum ex his, quæ Clementis nomine habentur constitutiones, tum etiam ex Epiphaniij sententia, qui eas citat, sic diuinam legem (si modo eam sequendam dixerimus lectionem) ita & Apostolos (vt Deus authenticum esse librum) vetuisse barbæ pilorum incisionem, cum comæ capitis non tantum promittantur, sed & foeminarum more crispentur, vel aliter in rotundum artificio componantur; Adeo vt sic culti, foemina repræsentarent effigiem, potius quàm viri. Hinc & illa iuxta eiusdem Epiphaniij querela, de Monachis, quos diximus Mesopotamiæ, qui muliebres, vt ait, producerent comas: cum è contra laudet Ecclesiæ filios in tonsura reuerendos; reprehensibilis enim haberetur illa barbæ rasio, cum capilli, more mulierum promitterentur. Cæterum sicut nec viri capitis comam radi, ita nec etiam barbam, non tantum diuinā Scripturam non prohi-

*Epiph. he-
res. 80.*

*Cōstit. A.
post. lib. 1.
c. 4. in fin.*

bere, sed etiam prædicare, atque aliquando præcipere, com-
Isai. 7. & plura Prophetarum loca demonstrant. Barbam enim, cum
41. & 48 capite radere, erat maximi omnium mœoris, ac luctus hieroglyphicum, adeo ut hæc rectè Monachis conuenire nullo iure negare possit. Si autem ex capillorum promissione,
Ezech. 5. vel tonsione Paulus Apostolus item hieroglyphicum signauit, cum ait: Vir si comam nutriat, ignominia est illi: mulier si comam nutriat, gloria est illi: quoniam capilli pro velamine ei dati sunt (ut dictum est supra.) Quis prohibet ex barbæ tonsura mysterium itidem consignare? nimirum, si cum à natura barba data sit homini, ob decorem & gloriam, lugens ac mœrens, ac proinde Monachus, qui se perpetur pœnitentiæ mancipauit ergastulo, ea etiam à natura sibi data velit carere gloria: Cum præsertim eiusdem rei alia quoque mysteria esse possint, quæ inter alios Beda pluribus declarauit, & alij. Quod verò his aduersantes non admittant hæc, esse turpe existimantes, amputare barbam, nimirum barbæ hieroglyphicum, ex auctoritate scriptorum Gentilium, dicerent esse virtutem. Cur apud eosdem Apolo Saturnus (quod ait Tertullianus) & Bacchus imberbes finguntur? adeo ut fateantur necesse est, vnius eiusdemque rei plures esse posse significationes, atque mysteria; nimirum, ut qui pilos consideret esse excrementa naturæ, eos qui reseceat, atque radat; abijcere se superflua, necessarijsque contentum esse profiteri. At quoniam non aequè Monachi omnes, nedum Clerici abrasis barbis incedere consueuerunt; nec pedagogus Christianus barbam nouacule subiecit, sed tantum forficibus: aliamque prorsus diuersam Orientalium ab Occidentalibus consuetudinem, moremque fuisse, certum est: nam in Ecclesia Orientali nunquam barba rasos inuenimus Monachos, vel Clericos, secus autem in Ecclesia Occidentali, cuius rei diuersitatis origo est accuratius peruestiganda.

Et ut primum dicamus de Clericis, qui in Ecclesia præsertim Occidentali longè antiquiores sunt Monachis: inuenimus hæc ex parte, secundum morem diuersarum Prouinciarum,

*Beda in 2
Esdr. 9.*

*Tertull.
lib. de spe
Nac. c. 23*

*Clem. A.
lex. in Po
dag. lib 3.*

ciarum, tam Laicos, quàm Clericos inter Gentiles viuentes, agere consueuisse. Et in primis, vt quia in Oriente tam Iudei, quàm Græci barbatos incedere vsum haberent, Christianos inter ipsos positos, itidem fecitasse. In Occidente verò, atque potissimum Romæ; quoniam, qui præsertim maturioris ætatis (vt auctor est Gellius) essent, tanquam quoddam nobilitatis insigne, radere barbam consueuerunt: notatus est enim à Dione, & alijs Adrianus, qui primus omnium barbatus incescit, vel alij pauci post eum; sed non sic tamen, vt ceteri Romanorum ipsos imitarentur) Christiani Romæ agentes, cum honestus spectatusque haberetur eiusmodi communis omnium cultus; nec aliqua, vel levis saltem esset eius obseruationis superstirio (nam alia ratio erat Iſidis Sacerdotum radentium etiam supercilia) Cur non sicut ceteri abraſi incederent barba? Sic igitur Clementem, sic Pudentem Senatorij ordinis omnes, sic denique siue Romanos, siue ceteros Romæ agentes, exceptis Orientalibus attonſos barba fuisse, nulla dubitatio esse debet. Certè vestitu tantum, non barba ab Ethnicis fuisse, Christianos distinctos, vt qui pallio amicti solerent incedere, Tertullianus sæpe testatur. Cumque non sicut pallium Christianorum illi sugillarent, & barbam, eos constat more cæterorum barbis attonſos incedere consueuisse. Verum, affectata illa nimis barbæ non attonſio, vel abraſio; sed auulſio porius dicenda, ab ipsis Gentilibus etiam condemnatur, vt de Iulio Cæsare, & Othone Suetonius memoriæ prodidit. Tertull. etiam huiusmodi notat, cum ait: Barbam acius cedere, interuellere, circumdare capillum, & componere, & cætera. Chirurghi enim instrumento, quod dicebatur vossella, & alijs medicamentis (vt idem auctor testatur) fœmineum vultum penitus affectabant. Cæterum barbæ illa abraſio, quæ more maiorum absque fuco, artevè simpliciter facta esset, æque communis Romanis omnibus erat. Quin etiam inter Græcos nonnullos in suis ipsorum regionibus, quo se Romanorum studiosos esse, signo aliquo præferrent, testatur Dio consueuisse, contra Græcorum omnium,

*Gell. lib. 3
cap. 4.*

*Dio. in
Adr.*

*Sueton in
Iul. Cæs.
& Otho.
Tertull.
lib. de cul
tu ſam.
cap. 8.
Idē lib de
Pallio c. 4.*

Dio. Chri
soſt. orat.
50.

Sid. lib. 4.
ep. 13.

omnium, suorumq; Gentilium consuetudine barba rasos incedere more Romano. Quod plus cæteris, qui Romæ agerent præstitisse, nullus iure poterit dubitare. Cæterum istud ipsum, quod agerent, Romanæ Ecclesiæ Christiani præstitisse, etiam cæteros orbis Occidentalis fidelis, eodemque libenter esse imitatos, vnde descenderent, facile existimare quis poterit; Nam de Sacerdotibus Galliarum perspicuum est, barba rasos fuisse. Est de ea re manifestum exemplum in Sidonio Apollinari, qui de Germanici Episcopi Cantillanensis corporis cultu sic scribit: Vestis astricta, tonsus, cothurnus, crinis in rotæ speciem accisus, barba intra rugarum latebras, mersis ad cutē secta forficibus, &c. Seruare in his igitur locorum consuetudinem, vel secundum cuiusque Prouinciæ mores, vel barbari, vel attonsi barbis incederent Sacerdotes, velut lege quadam fuisse præscriptum, ex eo saltem potest facile perspicui. Quod cum sæpe sæpius Occidentales vnà cum Orientalibus Sacerdotibus ad publicos conuentus Episcopi conuenissent, nulla vnquam de his aduersus se, inuicem negotium factum esse; neque vlla prorsus exorta eius rei gratia controuersia reperitur; rasi nimirum omnes id esse legitimum, quod quisque pro more suorum Gentilium facere videtur. Qui primus omnium hæc de barba exprobrare Latinis Sacerdotibus ausus est. Photius schismaticus Episcopus Constantinopolitanus fuit, de his scribens ad Nicolaum Romanum Pontificem: Hæc, inquam, præsumpsit homo schismaticus, cum alioqui ipse esset eunuchus, & glaber. Ad quodnam verò tempus apud Romanos eiusmodi vsus radendi barbas perseuerarit, haud est facile definire. Constat tamen, regnantibus etiam Gothis in Italia, eundem morem esse seruatum. Quamobrem Ennodius Ticinensis suis versibus vehementer exagitauit hominem, qui more Gothorum prolixam gestaret barbam, & secundum Romanorum consuetudinem, lacernam indueret. Hæc enim habet in Iouinianum his verbis:

*Barbaricam faciem Romanos sumere cultus
Miror, & in modico distinctas corpore gentes.*

Ac

Ac iterum :

Romuleam tegetem vox oris nubila fufcat .

Oppreffit veftes , tenebrofo tegmine vultus .

Idemque rurfus :

Nobilibus collis genium malè compta lacernis ,

Discordes mifcens inimico fœdere proles .

Hæc Ennodius in Iouinianum , quod haberetur loco prodigij , lacernatum hominem gestare barbam . Porro, & si senfim pristinus ille immutatus est vsus , cum Barbari Romæ , atque in Italia diutius morarentur ; tamen quod ad Clericos spectat , sic viguit eius rei obferuatio , vt non viuere more maiorum , ferè religio haberetur ; ficque factum est , vt penes eos eiusdem rei vsus inuiolatus , & constans plurimis sæculis perdurauit ; monentibus id præsertim Romanis Pontificibus . Extant enim eo argumento scriptæ litteræ Gregorij Papæ Septimi ad Iacobum Episcopum Calaritanum , iubentis , vt Clericos suos omnes , barbam radere cogeret : Idq ; ex maiorum consuetudine vindicantis : affirmantis nimirum ab ipso exordio nascentis Ecclesiæ , id illibatè esse seruatum : idemque de ijsdem etiam ad Ducem Sardinia dedit epistolam : Hæcque omnia anno Domini millesimo octuagesimo tertio , nonis Nouembris , Indictionis quartæ . Sed de his iam penè contrarius irrepsit vsus , nec constans habetur vbique ritus ; cum alij tondeant , radant alij , alij rurfus eandem barbam promittant , absque iactura fidei , vnusquisque abundans in sensu suo .

Dictum supra est , ex Concilio Toletano : desuper caput radant ; idest demissè tondeant : sic enim olim fiebat forficibus scilicet , non autem nouacula , vt colligimus ex Clemente Alexandrino libro 3. pædagogia capite 11. qui sic dicit : Pili tondendi sunt , non nouacula , sed tonsorum forficibus . Item ex Optato Mileuitano libro secundo contra Parmenianum , vbi arguit Donatistas , quod Catholicis sacerdotibus per vim capita raserint : Docete , inquit , vbi vobis mandatum sit , radere capita sacerdotibus , cum è contrario tot sint exempla proposita ? Fieri non debere ex Hieronymo

*Clem. A.
lex. lib. 3.
Pædag. c.
11.
Optat. Mi
leuit. lib. 2
cont. Parmen. :*

ronymo

Hier. in c.
44. Exec. ronymo in cap. 44. Ezechielis, vbi dicit: Sacerdotes non debere comam alere, nec tamen radi; sed ita tonderi, vt cutis testa maneat. Denique ex Dionysio, Epiphanio, Athanasio, Palladio, Augustino, Isidoro, Beda, Concilio Carthaginensi 4. & Toletano, idem colligitur: cum apud omnes illos, tonsuræ quidem, non autem rasuræ mentio fiat. Prædicta igitur verba Aniceti Pontificis, modo illo, quo supra explicare, quàm integram epistolam (quod facit Bellarminus de Monachis cap. 40.) propterea in dubium vocare, conuenientius est, ac tutius. Vide Valen. tom. 4. disput. 9. quæst. 5 prin. 3. De annexis sacramento Ordinis.

Valent. to.
4. disp. 9.

In modum spheræ, idest coronæ, vel circuli, quia Patres, & Concilia, dum prædictis locis, de tonsura Clericorum, aut Monachorum loquuntur, eam communiter coronam nominant, propterea nimirum, quod tonsura coronæ figuram habeat causam, & rationem huius tonsuræ clericalis gestatæ, alij aliam adsignant. Prima est Dionysij, vt illa nudatione capitis significetur vita aperta, & pura, cui Ecclesiastici studere debent. Secunda est Bedæ lib. 5. hist. Anglic. cap. 2. vt spinea Christi corona, quam Clerici maximè in memoria habere debent, repræsentetur. Tertia est Isidori lib. 2. de offic. cleric. Rabani lib. 2. de instit. cleric. cap. 1. vt significetur, regale esse Christi sacerdotium, cuius gubernatores tali corona redimitos esse oporteat, vel etiam vt significetur Ecclesiasticum animum, qui est in homine, sicut vertex in capite debere esse nudatum à vitijs, spoliatum affectu superfluitatum; ac demum apertum, & expeditum ad diuinas inspirationes faciliè percipiendas valentia prædictis locis, sed & alia ab his diuersa, de Clericorum tonsura adducitur causa à Germano Episcopo Constanti-nopolitano his verbis: Duplex corona circumposita capiti Sacerdotis, capillorum significationem imaginem refert venerandi capitis Apostoli Petri, qui cum missus esset ad prædicationem Domini & Magistri, ei tonsa est ab his, qui eius sermoni non credebant, vt illuderetur ab ipsis, eisque Christus magister benedixit, & infamiam in honorem, illusionem

in

in gloriam conuerit, & posuit super caput eius coronam, & (vnde constat eam, quæ Principi Apostolorum derisionis, & ignominie causa illara est nota infamie, totius Ecclesie honori cessisse. Vide Bellarmin. Valent. &c. allegat. locis.

Et vt perspicue Aniceti zelum sancte magnificandæ, atque ampliandæ Ecclesie pateat, multi scribunt de ordinibus, quos varijs in materijs instituit, quos quia eius epistola decretalis amplè amplectitur: Nos hic eam adducemus, quemadmodum in primo Conciliorum tomo reperimus. Ex hac decretali epistola comprehendi, & colligi potest sanctitas, auctoritas, sapientia, atque vniuersalis pastoralis cura S. Aniceti.

CAP. XII.

Aniceti Papæ epistola decretalis ad
Episcopos Gallie, ex tomo I.
Conciliorum.

- I. De ordinationibus Episcoporum, & de causis eorum.
- II. De Primatibus, & Metropolitanis.
- III. Si Metropolitanus sine consilio egerit, vel si Episcopi eum suspectum habuerint.
- IV. De tonsura Clericorum, & habitu.

Anicetus vniuersis Ecclesijs per Gallie Propincias constitutis, in Domino salutem.



BONORVM operum, & spirituum studiorum, Deum auctorem esse non dubium est, qui bonorum hominum incitat mentes, & adiuuat actiones. Quod nobis euidenter apparuit, cum inter longinqua spatia regionum, vnum corda iusta senserunt consilium, & quæ desiderabatis responsa, non vnus, sed plurimorum epistolæ intimarunt. De ordi-

*Supr in 2.
Anacl. ep.*

*de. dist.
Archiep.
ab omnib.*

Ibidem.

*9. q. 3. Ar.
chiepisco-
pus nihil.*

*9. q. dist.
nulli Ar.
chiepisco-
pi.*

nationibus Episcoporum, super quibus nos consulere voluistis, olim in sancti prædecessoris nostri Anacleti ordinationibus, quædam iam decreta reperimus. Scimus enim beatissimum Iacobum, qui dicebatur Iustus, qui etiam secundum carnem frater Domini nuncupatus est, à Petro, Iacobo & Ioanne Apostolis, Hierosolymorum Episcopum esse ordinatum. Si autem non minus, quàm à tribus Apostolis tantus vir fuit ordinatus Episcopus, patet profectò, eos formam, instituente Domino, tradidisse, non minus, quàm à tribus Episcopis, Episcopum ordinari debere: sed crescente numero Episcoporum, nisi necessitas interuenerit, debent etiam plures augeri; idest si Archiepiscopus diem obierit, & alter ordinandus Archiepiscopus electus fuerit, omnes eiusdem Prouinciæ Episcopi, ad sedem Metropolcos conueniant, ut ab omnibus ipse ordinetur. Oportet autem, ut ipse, qui illis omnibus præesse debet, ab omnibus illis eligatur, & ordinetur. Reliqui verò comprouinciales Episcopi, si necesse fuerit, cæteris consentientibus, à tribus iussu Archiepiscopi consecrari possunt Episcopi; sed melius est, si ipse cum omnibus, eum, qui dignus est elegerit, & cuncti pariter sacrauerint Pontificem. Et licet istud, necessitate cogente concessum sit: illud tamen, quod de Archiepiscopi consecratione prædictum est, atque præceptum; idest, ut omnes Suffraganei eum ordinent, nullatenus immutari licet, quia qui illis præest, ab omnibus Episcopis, quibus præest, debet constitui. Sin aliter præsumptum fuerit, viribus carere, non dubium est: quia irrita erit eius, secus acta ordinatio. Ipse autem Archiepiscopus nihil de eorum causis, aut de alijs communibus, iuxta statuta Apostolorum, absque cunctorum illorum agat consilio: nec illi, nisi quantum ad proprias parochias pertinet, sine suo: quoniam tali gaudet concordia Altissimus, & gloriatur. In membris suis nulli Archiepiscopi Primates vocentur, nisi illi, qui primas tenent Ciuitates, quarum Episcopos Apostoli, & successores Apostolorum regulariter Patriarchas, & Primates esse constituerunt, nisi aliqua gens deinceps ad fidem conueritur: cui

cui necesse sit, propter multitudinem eorum, Primatem constitui; reliqui verò, qui alias Metropolitanas sedes adepti sunt, non Primates, sed Metropolitanos nominentur. Si autem aliquis Metropolitanorum inflatus fuerit, & sine omnium Comprouincialium præsentia, vel consilio Episcoporum, aut eorum, aut alias causas, nisi eas tantum, quæ ad propriam suam parochiam pertinent, agere, aut eas grauare voluerit, ab omnibus districtè corrigatur, ne talia deinceps præsumere audeat; si verò incorrigibilis, eisq; inobediens apparuerit, ad hanc Apostolicam Sedem (cui omnia Episcoporum iudicia terminare præcepta sunt) eius contumacia referatur, ut vindicta de eo fiat, & cæteri timorem habeant. Si autem propter nimiam longinquitatem, aut temporis incommoditatem, vel itineris asperitatem, graue ad hanc Sedem eius causam deferre fuerit, tunc ad eius Primatem causa deferatur; & penes ipsum huius sanctæ Sedis auctoritate iudicetur. Similiter si aliquis Episcoporum, proprium Metropolitanum suspectum habuerit, apud Primatem diocesanos, aut apud hanc Apostolicam Sedem audiatur. Qui maior est vestrum (secundum Dominicam iussionem) sit vester minister: & quanto maior es in omnibus, humilia te ipsum. Charissimi nolite inter vos contendere, nec querat aliquis maior esse; sed iuxta Apostolum: Diligite vos inuicem, quia charitas ex Deo est: & omnis, qui diligit fratrem, ex Deo natus est, & cognoscit Deum. Qui non diligit, non nouit Deum, quoniam Deus charitas est: Pascite (inquit Princeps Apostolorum) qui in vobis est, gregem Dei: prouidentes non coactè, sed spontaneè secundum Deum; neque turpis lucri gratia, sed voluntariè, neque ut dominantes in Cleris, sed forma facti gregis ex animo. Et cum apparuerit Princeps pastorum, percipietis immarcescibilem gloriæ coronam; & iuxta alium Apostolorum: Fratres, memores estote verborum, quæ prædicta sunt ab Apostolis Domini nostri Iesu Christi, qui dicebat vobis, quoniam in nouissimo tempore venient illulores, secundum desideria ambulantes impietatum. Hi sunt, qui

4. q. 3. Si
autem al-
quit.

Matth. 20
Marci 10

Ecclef. 3.

1. Ioan. 4.

2. Pet. 1.

segregant semetipsos, animales, spiritum non habentes. Vos autem charissimi, superædificantes vosmetipsos sanctissimæ vestræ fidei, in Spiritu sancto orantes, ipsos vos in dilectione Dei seruate; expectantes misericordiam Domini nostri Iesu Christi in vitam æternam: & hos quidem arguite iudicatos, illos verò saluate, de igne rapientes. Alijs autem miseremini in timore, odientes & eam, quæ carnalis est, maculatam tunicam. Prohibete, fratres, per vniuersas regionum vestrarum Ecclesias, vt Clerici, qui laicis, & simplicibus, virtutis, honestatis, pudicitiz, & grauitatis exemplar esse debent, ac seipsos tanquam signum purioris vitæ, rudioribus ad imitationem prudenter exhibere, iuxta Apostolum, comam non nutrant, sed desuper caput in modum spheræ radant (vt satis, superq; dictum est) quia sicut discreti debent esse in conuersatione, ita & in consuetudine, & omni habitu discreti debent apparere. Hæc vobis Fratres, vt petistis, custodienda mittimus, & custodire præcipimus, vt in nomine Iesu omne genu flectatur, cælestium, terrestrium, & infernarium; & omnis lingua confiteatur, quia Dominus Iesus Christus in gloria est Dei Patris, cui honor & imperium per æterna sæcula. Data 8. Kal. Iunij, Gallicano, & Rustino viris clarissimis Consulibus.

CAP. XIII.



*Damas.
m. s. bibl.
vat.*

*Anon. m.
s. ex bibl.
nostra.*

IR fuit Anicetus singulari pietate, atque admirabili religione insignis, cum res Ecclesiæ optimè disposuerit, & sedisset annos nouem, minus mensibus tribus, ac diebus septem, fecit ordinationes (ex Damaso manuscripto, bibliothecæ Vaticanæ) quinque mense Decembri: & creauit Presbyteros decem & octo, Diaconos quatuor, Episcopos per diuersa loca nouem: Anonim. ex Bibliotheca nostra, ordinationes

tiones quinque mense Decembri: & Baronius item in vita Aniceti ait: Hic fecit ordinationes quinque per mensem Decembris, Presbyteros decem & septem, Diaconos quatuor, Episcopos per diuersa loca nouem.

Supereſt modò, vt ad tempus ſui Pontificatus, deueniamus.

Tempus autem ſui Pontificatus, Beda in ſuo Martyrologio decimoquinto Kal. Maias ait: Romæ Sancti Aniceti Papæ, qui ſedit in Pontificatu annos vndecim. Damafus manuſcriptus biblioth. Vaticanæ: Sedit annos vndecim, menſes quatuor, dies tres. Anonimus manuſcriptus vetuſtiſſimus, ex bibliotheca Altempſiana: Sedit annos nouem, menſes tres. Alius Anonimus manuſcriptus vetuſtiſſimus de vitis Sanctorum: Sedit in Pontificatu annos nouem, menſes tres, & dies quatuor. Ceſſauit Episcopatus dies quinque. Petrus de Natalibus de vita Sanctorum: Sedit annos nouem, menſes quatuor, dies quatuor. Martinus Scorus libro 2. ait: Anicetus Papa, decimus poſt Petrũ, ſedit annos duodecim, menſibus quatuor. Platina in Aniceto: Sedit annos vndecim, menſes quatuor, dies tres. Poſt eius mortem vacat dies ſeptem. Martinus Polonus in ſupplantatione: Sedit annos nouem, menſibus tribus, diebus quatuor; ceſſauit Episcopatus dies quindecim. Sed in tot, tantasq; ſcriptorum controuerſias, ratio fuit, quia qui prætermiſit Cletum Romanum Pontificem, Euſebius anno octauo Marci Imperatoris, ſucceſſorem Aniceti Soterem ponit. Cæterum quam in multis ſequimur, Creſconiana ſeries, nouem tantum annos tribuit Aniceto, & tres menſes: Verũ ſi ratio habeatur dici, quo Pius, qui eum antegreſſus eſt, obiit, & quo Anicetus deceſſiſſe reperitur, qui quidem dies, tabulis Eccleſiaſticis antiquitus adſcripti habentur, præſcriptum tempus ſedis Aniceti ratum, firmumq; haberi debet, cum præſertim indices Vaticanæ, qui deſcripti habentur in Codice, qui dicitur, liber cenſuum, ingreſſum Soteris ſucceſſoris Aniceti hoc anno Domini ponatur: nobis autem probabilior, & certior Baronij ſententia

*Beda in
ſuo mart.*

*Damaſc.
m. s. bibl.
vatic.*

*Anon. m.
s. ex bibl.
Altempſ.*

*Alius Anon.
m. s.
de vit. SS.*

*Petr. de
Natalib.
de vit. SS.*

*Martinus
Scot lib. 2
Plat. in A
nicet.*

*Mart. Polon.
ſuppl.*

tia esse videtur, quam in præfenti recipimus, scilicet hoc ipso anno: Anicetus cum sedisset annos nouem, minus mensibus tribus, ac diebus septem, die decima septima, Aprilis martyrio clarus migravit ad Dominum, anno Christi Domini centesimo septuagesimo quinto, in persecutione quarta, sub Antonino; duravitq; totum Commodi Imperium: incepit sub Antonino Pio, completa illa Adriani: & licet Imperator iste bonus fuerit; tamen à suis agentibus mota est magna persecutio, quæ dicitur quarta, contra Christianos: ab isto Roma duos Imperatores habere cœpit, eorum tempore in Republica imperium administrâtibus, mortuo altero, solus Antoninus Rempublicam rex, & tam in Oriente, quàm in Occidente, & Gallijs multi martyrio coronati sunt. In Asia Polycarpus cum duodecim, & alijs ex Philadelphia: in Gallia Sanctus Rusticus Viennensis Episcopus, Phorinus Lugdunensis Episcopus, cum innumeraibili multitudine martyrio coronati sunt, Higinus, Pius. Anicetus, Soter Pontifices; licet Panuinus ita referat in adnotation. vulgar. idiom. in Plat. quod reperitur in Anonim. bibl. Vaticanæ. Scriue Damaso, che Aniceto, & Vitore con martirio morissero; & il medesimo autore non fa mentione alcuna di Sotero, Eleuterio, & Zeferino: & è certo, che la morte d'ogn'vno di loro, in tempi quieti, & pacifici auuene, & come poco auanti in detto antichissimo libro della Libreria Vaticana sono apertamente chiamati Confessori. Nos verò multum laboris suscepimus, ut librum hunc reperiremus: nunquam tamen potuimus habere, nec reperire; sed tamen ipse Panuinus in epitom. Pont. Rom. ait: Anicetus occisus est, pro fidei Catholicæ defensione, decimo quinto Kal. Maij, anno Christi centesimo septuagesimo tertio; & concordat cum omnibus tam veteribus, quàm recentioribus scriptoribus, quod Anicetus vitam finiuerit martyrij corona, atque hisce temporibus fuit quarta persecutio; & potius id factum est, ex ministrorum malignitate, atque rabie in Christianos, quàm Imperatoris instigatione, & ut præsertim eorum facultatibus potenter,

*Pāuin. in
Anicet.*

*Pāuin.
in epitom.
Pōt. Rom.*

S. ANICETI. III

tur, atque ista persecutione ita vigente, euenit, vt multi Christiani martyrij palmam sint consecuti. Ideoque non extitit in temporibus placidis, & tranquillis, vt refert Panninus in Plat. Præter eos plures alij celebres fuere, sub Publ^o Præfecto, Septem fratres filij Sanctæ Felicitatis, scilicet Ianuarius, Felix, Philippus, Siluanus, Alexander, Vitalis, & Martialis, Ammonius & socij. In Alexandria Theophilus Neateria, cum alijs viginti, Philippus Zenonus cum duodecim famulis. Victor, & Corona in Syria. in Alexandria, Præsidente Antonino, Lucius, Concordia, Germanicus. Smyrnæ in Lycia, Carpo Pergamo in Asia. Papinius Diaconus, & Agatonia mulier nobilis, & alij. Lugduni in Gallijs Alexander, Simphorianus. In Augustoduno in Hispania Victor, & Stephanus in Sicilia. In Persia tricenti & decem Christiani. In Antiochia, in Ponto, in Hispania, Marcellinus Tribunus, cum Mammea vxore, & cum Ioanne eius filio, & Petrus cum alijs militibus. In Capua Donatus, Romæ Petrus, & Donatus, cum decem & octo, Smyrnæ Metrodorus Sacerdos in ignem iniectus fuit. Cortinæ in Creta S. Philippus Episcopus doctrina, & vita clarissimus, Ecclesiam sibi creditam regens, à furore Gentilium, & Hæreticorum insidijs, eandem tutatus est. Apameæ in Phrygia SS. martyres Caius, & Alexander, qui vt scribit Apollinaris Hierapolitanus in libro aduersus Cataphrygas hæreticos in persecutione M. Antonini, & Lucij Veri glorioso martyrio coronati sunt. Apud Comanas in Ponto Sanctus Hermes Hemilites ab innumeris, & sæuissimis tormentis ob Deum liberatus, carnificem ad Christum conuertit, & eiusdem martyrij corona participem fecit; & tamen ipse primus gladio obruncatus est. Lugduni Photinus Episcopus, Diaconus Vetius, Epagagathes, Moturus, Ponticus, Liblinus, Attalus, Alexander, & Blandina fortissima mulier cum alijs pluribus, quorum fortia inter clara certamina martyrium gloriosè obtinuerunt, multiq; alij hisce etiam temporibus extiterunt Praxedes, & Pudētiana inclytæ Virgines, filia Pudēntis Germani S. Pij antecessoris Sancti Ani-

*Pann. in
Plat.*

*Apoll. ad-
uers. Ca-
taph.*

Aniceti. Et patet virgines istas martyrum sanguine loca multa impleuisse.

Ex hoc apertè colligi potest, persecutionem eo tempore aduersus Christianos immanem fuisse, & per consequens nullum extat dubium, quin Anicetus cum sedisset annis nouem, minus mensibus tribus, ac diebus septem, Pontificatu religiosè, sanctèq; administrato. Denum in summa Ecclesiæ perturbatione concitata, pro Christi gloria, martyrio coronatur, decimo quinto Kalen. Maias. Ea enim die natalis eius martyrio illustratur: in Ecclesiasticis tabulis notatus antiquitus reperitur; & tandem gladio interfectus, cum colli amputatione. Et satis probabile est, constat enim ex Spartiano in Geta, maiori ludibrio olim fuisse, decollare fontes gladio, quàm securi; & ideo ait: Cum Antoninus cognomento Caracalla, iussisset Papiniani caput amputari, & securi eum fuisse percussum audiuisse, graviter ab eo latum, quod eidem Papiniano talem honorem fuisse habitum, & non potius gladio obruncatum extitisse. Atque ita Anicetus martyrio clarus, obiit in Domino decimo quinto Kal. Maias, & sepultus esse creditur ab Eleutherio eius Diacono (qui post Sotherem ad Pontificiam dignitatem ascendit) via Appia, tertio ab Vrbe lapide, in Arenario, quod erat cœmeterium, ac postea appellatum est vsque ad hodiernam diem Callisti cœmeterium, vbi multi Sacerdotes, & martyres requiescunt. Hic fuit præclarus finis vitæ Sanctissimi Pontificis, & inuidissimi martyris, immo initium perennis beatæq; vitæ. Fidelis Domini dispensator, tam prouidè administrata Christi familia, cui præpositus fuerat, è terris transfertur in cælos, meritis laudes præmiaq; consecuturus à Domino, innumeris perfunctus laboribus, persecutionibus fatigatus, tot difficultatibus, quas in regendo Dei Populo passus est, superatis, pacis & gloriæ tandem præparatum sibi locum inuenit. Inuidus martyr gladij vim non timuit, mortem non exhorruit: ipse caput Ecclesiæ, suum caput libentissimè obtulit amputandum. Huc eum perduxere eximia, insignesq; virtutes, quibus deco-

decoratus in vita floruerat . Resplenduit sicut Sol in diebus suis , non obscuratus est ; sed splendidior enituit in occasu : & modò eius anima regnat in cælis , magnis multisque miraculis à Domino illustratus est .

C A P. XIV.



T quoniam incidit hęc mentio de cœmeterijs , vt modò de duobus Calepodij , & Callixti : operepretium ducimus , hic breuiter de cœmeterijs agere , quæ in Romanæ Ciuitatis sub-urbij , vel agro Romano fuisse reperimus ; & in primis liquet lege duodecim tabularum veritum fuisse de-

*Cic. de le-
gib. lib. 2.*

functum intra mœnia sepelire , quamuis Spartani , instituente Licurgo , intra Ciuitatem , iuxta templa sepulchra fieri voluissent . Romæ autem etsi omnes extra Urbem sepeliri solerent , qui tamen triumphum egissent (vt auctor est Plutarchus) intra Urbem poterant sepeliri , cogebantur his legibus . Christiani etiam suos mortuos extra mœnia sepelire , nisi fortè quis clanculum (quod sæpius accidit) cadauer martyris sustulisset , ac in domo propria sepelisset : quam quidem legem vsu contrario antiquatâ Theodoricus Rex Italiæ , sed & Leo Augustus postea penitus abrogauit . Rursum verò nequaquam more Gentilium Christiani cremabant corpora defunctorum , sed vnguentis delibuta condiebant more Aegyptiorum , sicq; pollincta , in eadem loca cum cæteris deferebant , quæ modò Cœmeteria , interdum Arcæ tumbæ , Catacumbæ , seu Cacacumbæ , vel Criptæ arenariæ , ex loci natura nomine comparato , dici consueuerunt ; sed cœmeterium vsitatus , hoc nempe nomine illa loca dicentes , quod fides doceret Christianos non mori , sed rursus excitandos , interea in Domino obdormire . Ex Hebreis namque accepta videtur eiusmodi con-

*Plutar. in
apophteg.
laconic.*

*Plutar. in
problem.
rom. q. 79.*

*Apud Cas-
siod. cap.
117.
Leo Phi-
los. Imp.
constit. 53*

*Minut. Fe-
lix in O-
ra. & Ter-
tullian. de
cor. mil.
& alijs.*

Gen. 23.

Matth. 27.

Epiph. ha.
res. 30

fuetudo sepeliendi mortuos in criptis, loculis in eisdem ex-
 cauatis. Ad hoc namque opus, pater credentium Abraham
 ab Ephron speluncam duplicem emit. In interiori quoque
 spelunca, didicimus sepulchrū Domini excisum in petra. Est
 de eadem consuetudine recentior memoria apud Epipha-
 nium, hæc dicentem: Abducunt miserum adolescentem post
 occasum Solis in propinquas tumbas. Sepulchra autem sic
 appellantur speluncæ, videlicet in petris effossæ, ac constru-
 ctæ, delectæ sunt ad hoc opus à Christianis Romæ agentibus
 arenariæ criptæ, de quibus dictum est, ad eum vsum ad-
 modum accommodatæ, quorum nomina hic ex Vaticanis
 tabulis subijcere operepretium existimamus. Præter cœme-
 teria duo Callixti, & Calepodij, quorum hic mentio est, il-
 lud fuit cum primis nobilissimum positum in Vaticano, in
 quo S. Petri, & aliorum plurium Summorum Pontificum
 corpora condita sunt; aliud Ostrianum via Salaria, in quo
 idem S. Petrus dicitur baptizasse, cuius mentio est in actis
 Liberij Papæ; Quintum ad Nimphas dictum, via Nomentana
 in prædio Seueræ, septimo ab Vrbe lapide. Sextum So-
 theris nominatum, haud longè à cœmeterio Callixti, iuxta
 quod etiam situm erat cœmeterium Zeferini. Octauum
 Prætextati via Appia. Nonum Pontiani. Decimum Ci-
 riacæ matronæ in agro Verano. Vndecimum Lucinæ via
 Aurelia. Duodecimum Aproniani via Latina. Decimum-
 tertium Felicis Papæ via Aurelia, secundo ab Vrbe lapide,
 Decimumquartum Priscillæ via Salaria, tertio ab Vrbe la-
 pide, iuxta criptam S. Crescentionis. Decimumquintum
 Timothei via Ostiensi, in loco vbi nunc est Basilica S. Pau-
 li. Decimumsextum Noueliæ dictum, via Salaria. Deci-
 mumseptimum S. Balbinæ inter viam Appiam, & Ardea-
 tinam, idemque nominatum Marci Papæ. Insuper cœme-
 terium Iulij via Flaminia, aliud eiusdem nominis via Por-
 tuensi, quod numeratur vigesimum. Rursum cœmeterium
 Damasi inter viam Ardeatinam, & Appiam. Vigesium-
 secundum verò, quod dicebatur Anastasij Papæ, tempore
 pacis, intra Urbem in Exquillino factum. Vigesiumter-
 tium

tium Hermetis. Aliud Nicomedis via Ardeatina. Vigelimumquintum S. Agnetis via Numentana. Vigessimumsex-
tum S. Felicitatis via Salaria. Vigessimumseptimum, dictum
Iordanorum. Vigessimumoctauum Nerzi. SS. Felicis, &
Audaeti vndetrigesimum. Trigesimum verò Tiburtij, &
Valeriani. Trigesimumprimum SS. Petri & Marcellini, via
Lauicana. Trigesimumsecundum Marci & Marcelliani,
Quod sequitur trigesimumtertiū, dictum Quarti, & Quin-
ti. Item illud S. Agathæ via Aurelia. Trigesimumquintum
cœmeterium Vrsi: Et aliud, quod dictum est Cardianum.
Trigesimumseptimum, dictum est inter duas Lauros. Trige-
simumoctauum ad Cluium Cucumeris via Salaria. Cœme-
terium verò Thrasionis ad Sactum Saturninum ponitur Tri-
gesimumnonum. Quadregesimum verò Cyriaci via Ostien-
si. Quadregesimumprimum Petronillæ. Quadregesimum-
secundum Ianuarij. Denique quadregesimumtertiū Sim-
plicij, & Seruilianij. Quorum omnium fit mentio in libro
de Romanis Pontif. & alijs in locis. Qualia autem esse so-
lerent eiusmodi cœmeteria, alia occasione supra memini-
mus, descripsimusq; paucis, quod inspeximus, cœmeterium
Priscillæ via Salaria, quale & esse reperimus nuper cœme-
terium Callixti.

Antiquitus autem, cum in eis essent corpora Sanctorum
Martyrum, frequenti cœtu à fidelibus visitari consueuisse,
cœmeteria multa sunt, quæ apertè demonstrant, & in pri-
mis illud, quod edictis Imperatorum ab eis Christiani (vt
scribit Eusebius) arcerentur. Reddita verò Ecclesiæ pace, *Euseb. lib.*
eadem frequentare loca permitterentur. Hieronymus verò *7 cap. 10.*
de se ipso, cœmeterio quolibet die Dominico visitante, hæc *6. 12.*
scribit: Dum essem Romæ puer, & liberalibus studijs erudi- *Hieron. in*
rer, solebam cum cæteris eiusdem ætatis & propositi, die- *Ezech. c.*
bus Dominicis sepulchra Apostolorum & Martyrum cir- *40.*
cumire, crebroq; criptas ingredi, quæ in terrarum profun-
da defossæ, ex vtraque parte ingredientium, per parietes ha-
bent corpora sepulcorum: & ita obscura sunt omnia, vt pro-
pemodum illud Propheticum compleatur: Descendant in

infernum viuentes; & rarò defuper lumen admiſſum horrorem temperet tenebrarum, vt non tam feneftram, quàm foramen demiffi luminis putes: rurfumq; pedetentim acceditur, & cæca nocte circumdatis illud Virgilianum proponitur,

Horror ubique animos, ſimul ipſa ſilentia terrent.

Hucusque Hieronymus.

Ceſſarunt autem fidelia ſtudia in cœmeterijs adeundis, poſtquam ea, quæ ibi ſita erant corpora Sanctorum Martyrum intra Urbem delata, & in diuerſis Eccleſijs honorificentius collocata.

Sed, & accidit, vt ſicut maiorum conſuetudine, etſi non iſdem ſepulchris, in eiſdem tamen cœmeterijs ſepeliebantur, aliorum quoque corpora Chriſtianorum, tranſlatis iam ſub Chriſtianis Imperatoribus Sanctorum martyrum reliquijs, in Eccleſias intra Ciuitates poſitas, in eiſdem etiam aliorum fidelium corpora cœpta ſint ſepeliri: quod eos doceret pietas meritis Sanctorum Martyrum adiuuari animas defunctorum. Nam & Sanctus Maximus ait: Ideo hoc à maioribus prouiſum eſt, vt Sanctorum offibus noſtra corpora ſociemus, vt dum illos tartarus metuit, nos pœna non tangat: dum illis Chriſtus illuminat; nobis tenebrarum caligo diffugiat. Cum Sanctis ergo Martyribus quieſcentes, euadimus inferni tenebras, eorum proprijs meritis, at tamen conſocij ſanctitate. Hæc Maximus. Eodem quoque conſilio S. Ambroſius prope Sanctos Martyres voluit ſepeliri. Sed de his pluribus Auguſtinus.

*Max. ſer.
in natal.
ſſ. oſſa.
aduent. &
& ſolus.*

*Auguſt.
de cura a-
genda pro
mor.
Corpus
Aniceti
requieuit
in cœme-
terio Cal-
lixti 1429
annos.
Clem. 8.
conceſſit
corpus S.
Aniceti*

Legitur Sedem Aniceti Pontificis vacaſſe diebus decem & ſeptem, qua ratione dicendum, Sotherum eius ſucceſſorem ſedere cœpiſſe die quarta Maij, & cum requieuiſſet eius corpus in cœmeterio Callixti 1429. annos, piæ record. Clemens VIII. Pontifex Maximus, zelo & pietate motus, curauit exhumari, vt decenti in loco collocarentur, maiorq; deuotione à viris coli poſſent; & vt pluribus petentibus ſatisſaceret, fecit vt diligenter inquirerentur in eodem cœmeterio Callixti: & tandem reperta ſunt quadraginta qua-
tuor

tuor corpora Sanctorum Martyrum, quæ quidem exhuma-
ta fuere à quodam Pictore, nuncupato Ioanne Angelo, vul-
gariter nominato, Toccafondo : & sciendum hunc virum in
huiuscemodi cœmeteria, & criptas descendendi, corporaq;
illic existentia indagandi fuisse peritissimum. Hæc Sancto-
rum Martyrum corpora in Palatii Apostolici sacrarium de-
lata fuere, & inde distributa pluribus reuerenter expetenti-
bus, ac inter ceteros alios, Ego humiliter petij Aniceti cor-
pus, quod notum mihi erat inter ea esse, atque eo maior
illud habēdi desiderium me tenuit, quia in officio diuino sit
de eo commemoratio, ac in Pontificia dignitate se optime
gessit. Prædictus verò felicitis recordationis Clemens VIII.
amoris ergò, petitionibus meis benignè annuens, corpus
S. Aniceti Papæ, & martyris mihi concessit, quod 28. die
Octobris 1604. à Reuerendissimo D. Angelo Rocca Augu-
stiniano, Fagastæ Episcopo, eiusdem sanctissimi Sacriarij
Præfecto mihi allatum, In Confessione electis marmoribus
contexta; Sacello in meis ædibus à fundamentis ad hoc
erecto, in thecis argentea, cupressina, & plumbea, ac in
labrum flauī marmoris, olim Alexandri Seueri Imperato-
ris sepulchrum, via Appia, tertio ab Vrbe lapide repertum,
hoc addito monumento piè reponi iussi.

D. Io. An-
gelo Du-
ci ab Al-
temps.



MARTYRIS OSSA ANICETI PAPAE
AB ARENARIO QVOD POSTEA CALLISTI
COEMETERIVM APPELLATVM EST
AVCTORITATE CLEMENTIS VIII. TRANSLATA
IOANNES ANGELVS AB ALTAEMPS DVX
SACELLVM OBTVLIT
CORPVS EIVSDEM MARTYRIS
IN LABRVN QVOD ALEXANDRI SEVERI IMP.
SEPVLCVRVM FVIT COLLOCAVIT D.
ANNO DOMINI MDCXVII.

Quem

118 VITA S. ANICETI.

Quem ideo precor sit defensor, protector, & perpetuus patronus huiusce meæ domus. Si diuinarum rerum cognitio, vita immaculata, & martyrium pro Christi nomine

(vt omnes fatentur) Virum gloriosissimum

in hoc terrarum orbe reddere valent;


Quid erit existimandum de

Aniceto, in quo hæc simul

omnia eminenter

enitue-


re?



F I N I S.



DE



DE VRNA

IN QVA OLIM ALEXANDRI SEVERI

Imperatoris cineres, nunc Diui Aniceti
Papæ & Martyris reliquæ seruan-
tur, in Sacellò Ducis ab Al-
taemps

FABII LEONIDAE.

HÆC quæ clausa Ducis gessit prius ossa profani,
Nunc melior, sacrum sustinet Vrna Ducem.

Iam gaude, ò felix, mutato pondere, marmor,

Et pretiosa tui pignora nosce sinus.

Munera partiri tecum dignatur Olympus :

Nam tu corpus habes Martyris ; ille animam.



THE
LIBRARY OF THE
MUSEUM OF NATURAL HISTORY

IN THE
DEPARTMENT OF AGRICULTURE
AND FISHERIES
LONDON

TABLE OF CONTENTS
PART I. GENERAL PRINCIPLES
PART II. SPECIFIC PRINCIPLES

THE
LIBRARY OF THE
MUSEUM OF NATURAL HISTORY
IN THE
DEPARTMENT OF AGRICULTURE
AND FISHERIES
LONDON

THE
LIBRARY OF THE
MUSEUM OF NATURAL HISTORY
IN THE
DEPARTMENT OF AGRICULTURE
AND FISHERIES
LONDON



